

*L. B. 297380*  
1  
DE SAGARVM  
NATURA ET  
POTES TATE, DEq; HIS  
RECTE COGNOSCENDIS  
ET PVNIENDIS

Physiologia

GULIELMI ADOLPHI SCRIBONII Marpurgenfis.

VBI DE PVRGATIONE EARVM  
*per aquam frigidam.*

CONTRA JOANNEM EVVICH-  
chium in Republica Bremensi, & Her. Neu-  
vvaldum in Academia Helmftatiensi  
Doctores Medicos & Pro-  
fessores.

Universis non tantum Theologiæ, Juris-  
prudentiæ, & inprimis Philosophiæ Physicæ  
ftudiosis, fed etiam cunctis ad Rerumpubli-  
carum gubernacula fedentibus, fcitu utilis &  
fummo perè neceffaria.



*Marpurgi, typis Pauli Egenotphi. 1588.*

W  
5/1/03

A. 174'045





NOBILISSIMIS, PRU-  
DENTISSIMIS, ET OMNI  
VIRTUTVM DOCTRINARVMQVE GENERE  
excellentissimis viris, DN. Consulibus, Con-  
sularibus, & Præfectis Reipublicæ Osna-  
bürgensis, Dominis suis & fauto-  
ribus optimis.



EUS Jehouah, Rex  
Zebaoth & dux ex-  
ercituū fortissimus;  
in principio creati-  
onis res universas  
condidit, & fecit e-  
as esse bonas, ut ni-  
hil uspiā esset mali :

referente Moyse historico fide dignissi-  
mo. Quoniā scilicet ipse Deus summè  
bonus erat, ut Hermes Trismegist<sup>9</sup> olim  
sacris literis congruenter divino quo-  
dam afflatu locutus est, Deus, inquit,  
unicus ipsum bonū est, nec aliud quic-

In Pimā-  
dro dial,  
2. & 6.

## E P I S T O L A

**In Tim.** quam præter bonum, & Plato similiter philosophatus est. Excūctis autem Dei creaturis unus Satanás, qui & ipse Angelus lucis & spiritus bonus conditus erat, protinus in ipso momento creationis superbior deteriorque factus à Deo creatore defecit proprium regnum occupaturus: ideoq; fulguris instar de cœlo cadens in infimam profunditatem Abyssi protrusus est, ut nunquam inde ad pristinam dignitatis suæ gloriã atq; sedem redire possit, sed in tenebricosissimo carcere, eoq; tamē amplissimo latissimoq; ferreis catenis alligatus omnibus diris cruciatibus in æternum subiectus sit. Hanc igitur pœnam ægerrimè ferens, & primis hominibus adhuc in amœnissimo Paradyssi horto cū omni gloria & honore splendidissimè lautissimeq; viventibus suam felicitatem invidens, Evæ cunctorum mortalium genitrici, & per hanc Adamo ejus marito persuasit, ut de arbore cognitionis bonorum atq; malorum vetita comedentes, Dei conditoris sui præcepta transgrede-

## DEDICATORIA.

grederetur, eumq; multis modis offenderent. Iratus autem Deus è Paradyso illos per Angelum expulit, ut in regionibus habitarent, & campis, ubi tribuli tātum & spinæ crescerent: ubi in sudore vultus pane quotidiano vescerentur: Per lapsum porrò hunc Adami, omnes quoq; posterì deinceps, per continuam generationis successionem mali facti sunt: adeoq; tota generis humani natura multis modis depravata est. Omnis itaq; qui nascitur homo, peccator est, & ob peccata sua infinitis morborum generibus obnoxius: ut olim etiam intellexit celebratissimus Æthnicorū in Co Insula Medicus Hippocrates: Totus, inquit, homo à nativitate morbus est. Ex maternis enim uteri inquinamentis talis prodijt. Unde autem materna ista inquinamenta, nisi à peccatis? Omnis enim morbus, & mors ipsa, ut Apostolus inquit, stipendium est peccati. In regno proinde Satanæ & malorū hominum virtutibus expulsis, vitia quælibet dominantur: adulteria, stupra, homici-

## E P I S T O L A

dia, parricidia, sacrilegia, divinorū contemptus, jugulationes, everfiones urbium, pestes hominum, & reliqua omnia quæcunq; malorum sunt opera dæmonum: ut hæc recenset Trismegistus in Pimandro. Omnis improbitas hîc habitat, & quicquid à DEO prohibitum est, regni illius incolis perplacet: & vicissim quicquid Deo gratum est, hoc illis displicet. Ubi enim justitia? ubi temperantia? ubi fides? ubi charitas? ubi dilectio proximorum? Excessit, evasit, erupit. Et certè amplissimum, prohi dolor, hoc Satanæ imperium est. Si verò omnes malorum & peccâtium hominum ordines quasi ex altissima specula, vel lynceis oculis intuebimur, nulli unquā in toto mundo reperientur Sagis sive veneficis deteriores: Nulli Satanæ proximiores. Genus scilicet hoc est cū Deo tum bonis universis invisum. Alii enim naturali quadam inclinatione, & ingenta pravitate, mali sunt. At in Sagis præter naturalem ejusmodi, ab origine, omnium viventium communem malitiam,



## DEDICATORIA.

litiam, spontanea quoque & voluntaria labes peccatorum accedit. Hæ siquidem scientes atque volentes se Satanæ dedunt, devovent, ac totas potestati illius tradunt, corporis etiam sui sanguine conscripta & data obligatione, ut deinceps copiosissimè in lib. nostro de Saggis videre erit. Quamobrem etiam iustissimo Dei altissimi iudicio morti addictæ, à pio Magistratu meritò de vita tolluntur. Et nemo ferè sanæ mentis est, qui non puniēdas eas esse existimet. At verò, cū quot capita, tot quoq; sententię sint hominum: tum de signis Sagarum, quibus explorentur, variæ & discrepantes sunt variorum iudicum opiniones. Si enim iudicandum est, quomodo cognoscendæ comprehendendæq; sint Sagæ, diversimodè aliis aliter statuentibus, de hoc controvertitur. Inter alia autem signa, tum alibi, tum in hisce nostris regionibus, præsertim verò in Westphalia, adhibetur potissimum & usurpatur purgatio, quæ dicitur, per aquam frigidam, quando in aquas inji-



## E P I S T O L A

ciuntur, ut videantur utrum submersuræ sint, nec ne. Istæ enim, quæ aquis innatantes non submerguntur, criminum quorum arguuntur, reæ: quæ verò subfidunt, infontes judicari pronunciarique solent: quemadmodum & vos, viri nobilissimi prudentissimi que, nō sine gravibus de causis hanc inquisitionis rationem in vestra Republica usurpatis. De hac igitur cū data mihi legitima occasione ante annos fermè quatuor Lemgovix aliquid scripsissem, de causis videlicet ejus Philosophico more inquisiturus: reperti deinceps fuerunt, qui scriptis istis meis sese opponere audent. Anno enim post scilicet quàm Epistola mea edita esset, à Typographo Lemgovienfi, Chunrado Grothenio, viro optimo, mihi mittitur Doctoris Joannis Evvichii, Medici in Republica Bremensi, & Professoris ordinarii Tractatus de Sagis, in tres partes divisus. Et longo postea temporis intervallo adfertur mihi quoq; Hermanni Neuvvaldi Helmstatiensis Professoris libellus, hoc titulo:

## DEDICATORIA.

titulo: Exegesis examinis Sagarum, ubi  
Guilielmi Scribonij opiniones refutā-  
tur. Evvichius autem de Sagis earumq;  
effectis & poena generaliter differuit:  
contra me verò de forma illarū adeoq;  
de purgatione, cujus mentionem feci,  
disputans nihil nisi meras calumnias, ut  
in libris hisce meis apertissimè demon-  
strabitur, protulit. Neuvaldus specia-  
liter de earundem in aquas injectione  
tractaturus, de variis simul aliis aliarum  
rerum inquirendarum signis atque in-  
diciis scripsit. Uterq; in suo scripto vos  
viri nobilissimi ac prudentissimi, & ju-  
xtà, Senatum Lemgoviensem laudatif-  
simum iniquitatis ac injustitiæ, haud  
veritus fuit arguere: clamitans vos om-  
nes contra conscientiam, & leges tū  
divinas, tū humanas, Sagarum caus-  
fas egisse: præsertim verò quantum ad  
antedictam purgationem attinet, ini-  
quissimè judicasse. Ego itaque hanc in-  
juriam ægrè ferens, libellos ipsorum di-  
ligentius perlustrando & evolvendo tã-  
dem cognovi, quàm imperitè, ne di-

## E P I S T O L A

eam iniquè & depravatè, sententiam Epistolæ meæ minimè intellectam interpretati fuissent. Omnibus enim probè consideratis deprehendi, ea quæ ab iis tractarentur, ut ingenuè quod sentio dicam, ἀλόγως & contra veram rationem dicta scriptaq; esse. Leviora igitur, adeoque indigna judicabam, quibus prolixè refutandis me opponendo fatigarem: neque ullam ulterius contra eos, quantumvis à plurimis hoc nomine sollicitatus disputationem, & quidem pacis ac tranquillitatis colendæ gratia, movere cogitabam. Sunt enim, & verè sunt illa publicis Academiarum Doctoribus indignissima. Atqui cum elapso proximè biennio, etiam apud nos in comitatu Waldeccensi Sagæ aliquot accusarentur, & justo iudicio, universis mediis rectè adhibitis, ad mortem condemnarentur: multi sanè à me hucusque petierunt, ut meam de Sagarum actionibus sententiam, & præcipuè de examine earum in aqua frigida contra Eyvichium & Neuvaldum copiosius aliquantò &

expli-

## DEDICATORIA.

explicatius sibi proponere, non gravari vellem. Ignoravi igitur, qua ratione diutius illos detinere, aut petitioni ipsorum in hoc quidquam denegare commodè possem. Dum enim recordabar, quàm variæ ac discrepantes essent hodie, tum aliorum, tum iudicum, quorum hæc res maximè interest, de inquirendis & puniendis Sagis sententiæ: nescio qua etiam animi affectione commoverer erga eos potissimum, qui absque omni exceptione Sagas defendendas, & à peccatis suis absolvendas esse contendunt, inter quos princeps esse voluit Wierus Medicus, nescio quo zelo, quâ veratione Sagarum plurimum misertus. Quamobrem reb. universis exquisitè probeq; consideratis, & maturo adhibito consilio hosce libros denuò absolvere cogitavi, in quibus tum de natura, potestate, effectisq; Sagarum, tum de variis in eas inquirendi & animadvertendi signis atq; indiciis: tum denique de poena earundem, in communem Reipublicæ, & ad hujus gubernacula sedentium, ju-



## E P I S T O L A

dicum præfectorumq; aliorum commoditatem, quantum fieri potuit explicatissimè disserui. Et præcipuè inter hæc de inquisitione illarum, quæ fit in injectione in aquas frigidas, satis, opinor, copiosè quid statuendum sit, aperui ac declaravi. Hunc porrò qualemcunque meū laborem, quibus aliis potius quàm vobis, Patres Osnaburgensis Reipublicæ, & procures nobilissimi ac prudentissimi cognoscendum, & à morsu malevolorum sciolorum defendendum offerre debuissim? Quos alios, quæso, horum librorum meorum, & in iis comprehensarum disputationum præsides, præter vos ipsos quæsi vissem? Vos siquidem viri omnibus laudum nominibus dignissimi, harum rerū cunctarum præsides, arbitri & iudices esse potestis optimi atq; æquissimi. Cum enim omnibus ubiq; gētium in propatulo sit, rempublicam vestram si quam aliam benè constitutam administrari à vobis undequa; prudentissimis sapientissimisq;, & nullo non doctrinarum virtutumq;



## D E D I C A T O R I A.

tumq; genere excellentissimis viris: nemo etiam opinor mirabitur, si & ego V. Nob. Pr. & Hum. suffragia quærere, iudicia subire, iisq; me totum subjicere non fuerim veritus. Vos namq; longa in primis & diuturna experientia è multis Sagarum causis atq; judicijs edocti ante cunctos alios de negotiis ac causis illarum, de quibus in hisce meis libris controvertitur, pro vestra singuli prudentia, erroneas multorum illis ipsis patrocinantium opiniones intelligere, & cōtroversias inde exortas tollere potestis. Huc accedit, quod omnis causa hæc mea vos quoq; attingat, vestraque adeoque totius Osnaburgensis Reipublicæ negotium hîc simul tractetur: utpote quos contra conscientiam, & contra omnem justitiâ Sagas plurimas per aquâ frigidam probasse, Joannes Evvichius Bremensis, & Hermannus Neuvaldus Helmstatiensis Medici Doctores, falsissimè in suis libellis clamitarunt, & nescio quibus aliis convitiis proscindere haud veriti fuerunt. Quamvis enim  
ipsimet

## E P I S T O L A

ipsimet vos causas vestras prudentissimè agere & sine omni controversia defendere valentes, neq; mei neq; ullius alterius patrocinio, alijsve patronis aut defensoribus opus habere videamini: ego tamen hac data mihi occasione tū Lemgovienſis reipublicæ Gubernatores & consules & consulares inclytos, Henricum præcipuè Floriken, & Theodorum Cöthmannum viros vita longa dignissimos, tum V. præsertim N. P. & Hum. nescio qua ratione nō potui non à Doctorum illorum & juxtà aliorum quorūlibet calumnijs atq; injurijs pro mea virili vindicare. Sunt & aliæ causæ plures: quas tamen nunc reticeo. Quocirca Nob. Prud. & Hum. vestras obnixè etiam atq; etiam rogatas cupio, ut cum ingenuarum literarum sint amantissimæ, hoc literarium meū munusculum, æqui boniq; consulere, benevolo animo suscipere, tueri, & ab osorum moribus defendere non velint dedignari. Quod si futurum intellexero, haud sanè exiguam mihi occasionem præbent,

## DEDICATORIA.

bunt, alia etiam sublimiora melioraq;  
in communem hominum commodi-  
tatem exarandi & divulgandi. Benè &  
diutissimè reipublicæ vestræ vivite. Da-  
tæ Corbachij Waldeccensium, è Mu-  
seo nostro, 22. Novemb. Anno 1587.

N.P. & H.V.

addictiss.

Guilhelmus Adolphus  
Scribonius Marp.



Præcipua capita physiologie.

- Lib. 1. de sagis & de his recte cognoscendis &  
puniendis . . . . . 1.  
de Magia, & simul de natura viribus. 29. .  
de potentia & operibus Sacerdotum. 35.  
de effectibus sagarum plerumque in genere. 39.  
de specialibus nonnullis sagarum effectibus. 47.  
An sagæ corpora humana inq̃uamētibz mor-  
borum contaminare, raras, aliosq; vermes  
in illis progignere possint &c. . . . 48.  
An sagæ scopis vel baculis insidentes, per  
aërem volitare possint. . . . . 58.  
de sagarum in calos, felos, aliave eiq̃e modi  
animantia transformatione. . . 66. 2  
An sagæ cum salana rebus veneream exor-  
tione possint. . . . . 77.  
Utrum sagæ in mari tempestatem cie-  
rent, pluvias, tonitrua, uentos & alia  
in aëre producere valiant. . 86. 2  
Lib. 2. de inquirendis per certa signa & recte cog-  
noscendis graminandisq; sagis ubi de per-  
quisitione sagarum per aquam frigi-  
dam . . . . . 98. 2

vo  
dic  
ces  
plu  
tur  
qui  
Sag





DE SAGIS,  
Et de his rectè cognoscen-  
dis & puniendis tracta-  
tus breuis

GUILIELMI ADOLPHI SCRIBONII Marpurgensis.



*E*quis igitur iste Bremesium Archigrammateus Evvichius, qui tam grandi scilicet suo volumine de Sagarum defensione, Epistolographon què vocat, ad certamen nescio quod inane Etadiosum provocat, eiꝯ denuò negotium facessit? Cur enim non inane dicerem, quod à plurimis antè doctissimisqꝯ viris pertractatum esse videmus? Quanam ejus mens est? quis animus? qua cogitatio? qua molitio? Si Sagis eum, qua tamen verisimilis suspicio

A                      est,



## PHYSIOL. SAGARVM

est, patrocinari velle dixerō: Si laudem & memoriam nominis sempiternam eū querere? Si contradicendi eum ipsum studio suam de Sagis censuram conscripsisse objecero: Nihil, opinor, horum omnium concedet. Quamvis postremum istud, contradictio scilicet recte intellecta, seu potius de rebus omnibus in utramq; partem differendi consuetudo, indaganda veritatis gratia sit licita & utilis: si firmis modo & non inutilibus seu planè frivolis argumentis contradictio talis nitatur. Quid igitur? Annē philosophiam suam & eloquentiam ostentare voluit? Utriusq; certē scientia qualis quantā-ue in ipso sit, in cōsequentibus deinceps manifestē patebit. Quid verò tandem, si nulla enumeratarum causarum subsit, eum ad scribendum impulit? Actūne omninò & inutiliter egit? Id quidem de viro sene haud facile dixerim. Voluit enim fortassis integram doctrinam nobis cōmunicare de natura, de proprietate, & ceteris affectionibus Sagarum, ut omnis illarum scientia, fucusq; inde exortus, & dolus populo innotesceret. Idem verò cū ante Evvichium Wier-

rus, Thomas Erastus, & in primis Bodinus  
 alijq; complures copiosissimè præstiterint, a-  
 deò ut illorū placitis vix ac ne vix quidem  
 uberius quidquam addendum esse videa-  
 tur: Cur suis ipsum laboribus supersedere  
 potuisse haud necessarijs vereretur dicere? Sed  
 esto: quicquid sit quod eum moverit, &  
 quidcunq; scripserit: quia tamen mihi præ-  
 cipuè bellum indictum & paratum video:  
 rectissimè facturum me arbitror, si statio-  
 nem meam atq; partes quoquo modo defen-  
 dero. Et hoc quidem omnium maximè, quod  
 quæ ex alijs collegit, absq; ullo adhibito judi-  
 cio repetens pleraq; descripserit. Nihil qui-  
 dem dicitur, quin prius quoq; sit dictum.  
 Attamen nihil dicendum, nisi cum summo  
 iudicio, ut quod alij minus rectè fortasse  
 dixerint, nos examinare, melius judicare  
 corrigereq; studeamus. Ipsum itaq; qui an-  
 tagonistam se nobis unà cum Neuvaldo  
 quodam Helmstatiensi professore opponit,  
 aperto Marte deinceps, annuente divino  
 favore, adoriemur: non tonante tantum ta-  
 ratantæ sono, aut solis virulentis linguæ  
 telis: (intellige calumnias atque convitia,

## PHYSIOL. SAGARUM

garrulitatemq<sup>3</sup> inanem, quibus in certamine pro veritate alicujus rei gerendo, nihil rectè utiliterq<sup>3</sup> efficere possumus: ) sed telis illum petemus mediâ purioris philosophiæ medullâ oblitis & delibutis, quæ durissimâ validissimamq<sup>3</sup> ejus quamlibet loricam celeriter penetrare & disrumpere possint. Agendum igitur Evvichi ubinam es? heus adsis, & acumina ingenij tui telorum demonstras. Nos forti imperterritosq<sup>3</sup> animo aciem tuam, quantû vires nostræ patientur, diligentissimè perlustrabimus: fiducia tamen potissimum freti τῆς ἰσοείας καὶ ἐμπειρίας, si ve si malis ἡ λόγος καὶ πείρας vexillorû militiæ philosophicæ (philosophia nomine intelligo semper omnes artes & facultates, quarum omnium videlicet illa scientia est.) certissimorum splendidissimorumq<sup>3</sup>, & nunquam cōtemnendorum. Ratio inquam & experientia hujus militiæ nostræ arma & instrumenta erunt, quæ nos & partes nostras ubiq<sup>3</sup> & optimè defendent & tuebuntur. Partium verò tuarum classes tres ordinatas esse deprehendimus. Prima, si rectè animadverti, decertat de natura & proprietate, de effe-

ctis

Etis atq; potentia eorum cōtra quos conten-  
dimus. Secunda certat de inquirendis &  
rectè examinandis illis. Tertia deniq; dimi-  
cat de pœna, qua afficiendi sint. Has igitur  
eodem ordine, quo tu eas proposuisti, aggre-  
dimur. Prioris porrò classis primam disce-  
ptationem in initio esse video, de varietate  
& multitudine eorum autorum, qui de Sa-  
gis ante te monumenta quadam sua poste-  
ritati reliquissent: & de varijs Sagarum  
appellationibus. Ubi ad nominum plenio-  
rem intelligentiam consulendum esse mo-  
nes Thomæ Erasti de Lamijs disputationē,  
veteris quem nominas veraq; Medicinæ  
vindicem acerrimum. Quod dum minus  
intelligo: miror quam veterem hic Medi-  
cinam nomines: cum omnibus exploratum  
atq; perspectum sit manifestissimè, ipsum  
Hippocraticam Medicinam, quam omnes  
antiquissimam esse jure fatemur, multis  
impugnasse modis in scriptis suis contra Pa-  
racelsum & ejus affeclas, qui felicissimè om-  
nium dexterrimeq; Hippocraticæ Medici-  
næ principia interpretari studuerunt. Verū  
istis inquam, quæ posuisti de autoribus, &



## PHYSIOL. SAGARUM

de nominibus Sagarum, utpote quæ lippis  
& tonforibus, ut ajunt, notiora sunt, quam  
ut explicari ea eruditioribus intelligenti-  
busq; oporteat, relictis atq; posthabitis: rem  
ipsam auspicabimur. Primum itaq; ad Sa-  
garum, de quibus omnis nostra disceptatio  
est, naturã, proprietatem, virtutes, effecta,  
ad pœnam deniq; rectè declarando defen-  
dendum: tres earum definitiones adferun-  
tur. Prima ex Ulrico Molitore Jurisconsul-  
to: altera ex Thoma Erasto: tertia quæ tua  
sit, Evvichi, & abs te primum descripta.  
Placet rem, de qua agendum sit, prius defi-  
niri. At quam ob causam, quero, non una  
tantum catholica & sufficiens, sed plures  
unius rei definitiones accumulantur? Tres  
puto tibi placuerunt: ut si prima à lectori-  
bus improbari aut refelli possit, secundam  
tamen tibi ipse retineres: aut si ne hæc qui-  
dem sufficere alijs videretur, tertia deniq;  
quod velles, definiendo perficeret. Quid  
quod primam nudè repetens, secundam sci-  
licet Erasti luculentissimam esse innuis, e-  
amq; tantoperè commendas, ut subicere  
non verearis, si prius eam animadver-  
tisses,



tisses, sequentem tertiam videlicet tuam te  
 non additurum fuisse: attamen, quia forsam  
 suum cuiq; pulchrum, aliud loquens, aliud  
 faciens, eam nihilominus addis? Quid sibi  
 vocabulum istud, Prius? Certè antequā po-  
 steriorem ponerēs aut adscribers: animad-  
 vertere te antecedentem rectius examina-  
 req; oportuisset. Aut si hoc fecisti: quis te cō-  
 git cum mediam quam ipse censuisti melio-  
 rem, posuisses, tertiam denique subicere?  
 Quis unquam, quaeso, Logicorum: si ab ul-  
 timis inde temporibus revocati, unum in  
 locum vel universi congregentur: plures u-  
 nius ejusdemq; rei definitiones prater uni-  
 cam, eodem praesertim in loco aliquo esse cō-  
 ficiendas proponendasq; rectè docuit? quo-  
 modocunq; demum aut quibuscunq; ver-  
 borū circumscriptionibus res ipsa defini-  
 tur. Una eademq; ratio, unus modus est cō-  
 flanda perfectioris cuiuslibet definitionis,  
 ut clasticos nostros discipulos docemus. Pone  
 materiam tantummodo & formam, tui  
 definiti propriam: & posueris definitionem  
 perfectè satisq; Logicè formatam. Sin mi-  
 nus: hoc est, si causas illas essentiales perspi-

## PHYSIOL. SAGARUM

*cere non possis, ad descriptionem progredi  
licebit: ubi ex reliquis etiam causis vel alijs  
argumentis rem definias, ijs tamen princi-  
palioribus, utpote subiecto vel adjuncto quā-  
tumq; fieri potest proprijsimo: quæ omnia  
in unica etiam descriptione recenseri & de-  
clarari possunt. Quod si deinde talis aliqua  
vel definitio, vel descriptio sufficiens ha-  
beatur, aut saltem putetur, quid opus erit  
pluribus? Cum præsertim in alijs quoq; re-  
rum explicationibus præter definitionem,  
quod fieri potest per pauciora, temerè &  
absq; omni necessitate inchoetur per plura.  
Error hic est minus cognita artis logica, ad  
cujus normam & præscriptum, omnia, vel  
ipso Deo docente cunctorū sapientium phi-  
losophorum sapientissimo, dicenda scriben-  
da, facienda sunt: Error est inquam Logica  
& quidem aliorum omnium gravissimus,  
eò quod argumentum hoc definitionis in  
artium & aliarum rerum omnium tractā-  
darum usu sit primum simul & firmissi-  
mum. Quid igitur te celarem si tertia in  
schola nostra Corbachiana classis logica ni-  
mirum auditores tale quidpiam inscriben-  
do*

Exod. 28.  
& alibi.

do committerent, in eos si non virgis caderentur, alio tamen modo gravissimè animadverti? idq̃ fieri secundum ordinationes nostræ scholæ iure atq̃ merito. Sed tale quid de publico alicujus Academiae professore statuere aut effari velle, odiosum tibi & piaculum videri possit. Mirum tamen qua ratione, qua industria, quòve cum fructu quispiam alios instituere aut erudire in ulla arte facultateq̃, aut in cæteris rebus prudenter sapienterq̃ tractandis, itemq̃ alios docendis & examinandis informare velit ac possit, qui metipse logicam, id est artem rationis & sapientiæ, ejusdemq̃ fundamenta ignorat, aut si norit, observare tamen ipse in suis rebus non studet. Atqui putaveris hunc errorem tanta reprehensione haud esse dignum ab homine præsertim seniore commissum, qui artem hæc rationis in sua juventute minus rectè cognoverit, sed res potius traditas in definitionibus Sagarum introspectiendas & perpendendas esse. Videamus igitur eas. De prioribus duabus nihil seorsim excutiendum videtur, quoniam ipse quoq̃ tuam solummodo secundum or-

## PHYSIOL. SAGARUM

*dinem verborum in libro primo examinas: nisi quod in prima dicitur, inter cetera Sagas effectualiter nihil posse efficere. In tertia autem, de qua deinceps agemus, asseritur eas multa nefanda & incredibilia hortatu Satanae machinari. Qualis enim haec est, & quam frivola & absurda contradictio? Nihil effectualiter agere aut efficere Sagas: & multa nefanda machinari. Quis amabo non intelligit te quod prius cum Molitore generaliter negasti, deinde iterum de multis affirmare? Modò scilicet ais, modò negas. Nisi omnem efficientiam verbo machinari adimere velis. De efficientia autem ista in progressu deinceps huius libri primi uberiorius docebimus. Tertia igitur definitio, E-vvichi, quam tuam esse, & quam ferè Sagarum universam naturam continere asseris, examinanda venit. Sage sunt, inquis,  
 21 homines plerumq; feminini generis, qua  
 22 Deum verum abnegant, seducta fraude,  
 23 consilio & impulsu Satanae: Cui interveni-  
 24 ente quodam superstitioso contractu sese  
 25 mancipant, eiusq; ope atq; hortatu multa  
 26 nefanda & incredibilia machinantur, ple-  
 runq;*



runq; in aliorū perniciē, observatis quibus-  
dam prestigiosis ceremonijs, vel diris saltem  
conceptis votis & imprecationibus. Prolixa  
sanè hæc definitio est: ubi nullum quidem  
acumen, nullum Logices artificium, quæ ta-  
men in omnibus hominum præcipuè litera-  
torum verbis & enunciatis stricte servan-  
da est, vel minimum apparet. Sed tamen  
quia prolixa serie in toto prioris partis, quā  
proposuisti contextu, tanquam in omni-  
bus constans atque Catholica sit, explica-  
tur; nobis quoq; diligenter revidenda, &  
ad rerum veritatem inquirendam retexen-  
da est. In explicatione porro eius ante om-  
nia Sagas homines esse asseris & copiosè de-  
monstras: quia tales, inquiens, non tantum  
externa hominis effigie, sed etiam interna  
forma ejusq; facultatibus appareant. & a-  
lia nescio quæ plura addis. Quid verò opus  
est istis demonstrationibus? Ecquis hoc i-  
psū negare ausus est? Nec ego, si me forsan  
notes, vel unico verbo artem Sagarū, quic-  
quid quicquid de ijs locutus fuerim in mea  
Epistola, animantibus brutis sive bestijs  
adscripsi: nec alios etiam tam insulsos & in-  
eptos

## PHYSIOL. SAGARUM

*eptos esse disputatores puto, qui cū de Sagis  
 controvertitur, eas esse bestias arbitrentur,  
 & nō homines. De forma enim substantiali  
 hic res agitur. Si verò animæ affectiones  
 respicias, plus quàm bestia immanes sunt.  
 Verum igitur hoc definitionis tuæ genus est:  
 quod tu præter necessitatē prolixè & multis  
 verborum ambagibus demonstrare & con-  
 cludere pergis: quasi non unico hominis vo-  
 cabulo simpliciter posito declarare potuisses.  
 At forte Rhetorem agere voluisti, ut Elo-  
 quentiæ tuæ splendor eluceret. Nullum verò  
 neq; troporum neq; figurarum Rhetoricæ  
 artis lumen apparet. Et Logicam insulsè te  
 exercuisse ex ante dictis videre est. Sub fi-  
 nem illorum addis: intereunte forma atq;  
 adeo ipsa anima  $\chi\epsilon\tau\epsilon\lambda\epsilon\chi\epsilon\iota\alpha$  (malo enim  
 per  $\tau$  scribere hanc dictionem quàm tecum  
 per  $\delta$ ) prorsus ablata, rem totam interiſſe.  
 De forma verum te hoc dicere fateor. Ad  
 pleniorē verò de animæ Entelechia dis-  
 putationem si descendamus: haud ignorans  
 Aristotelis de ista doctrinam, quam tu  
 defendis, lubens ex te, præsertim Medicinæ  
 & Philosophiæ Doctore cognoscere cuperē:  
 quid*

quid de plātis è terra radicitus evulsis atq;  
 repositis sit sentiendum, qualis videlicet i-  
 psarum forma sit? unde illarum efficientia?  
 Anima quidem quæ dicitur vegetās, plan-  
 tarum forma censetur: hæc verò forma, in-  
 quam, principium est effectivum aut cau-  
 sa, per quam efficiuntur omnes operationes  
 in corporibus naturalibus, ut ab ipso etiam  
 Aristotole nominatur, qui princeps philo-  
 sophiæ ab universis alijs, & abs te quoq; ipso  
 agnoscitur. Et rectè quidem forma sic dici-  
 tur, eò quod universæ operationes, vires,  
 facultates, qualitates ab hac procedant, &  
 exerantur in materia animati corporis, ceu  
 in subiecto domicilio conveniente: quæ eam  
 ob causam dicitur principium passivum.  
 Idcirco inquam merito queritur: unde tot  
 tantæq; potētia & virtutes in plantis orian-  
 tur, quas indies experimur, & à quo prin-  
 cipio dependeant? Materia enim illarum  
 causa dici nō potest: quippe cuius nulla pror-  
 sus est efficientia: & quæ receptaculum so-  
 lummodo est formæ ejusq; operationum: li-  
 cet à Fernelio materiæ quoq; nonnullæ secū-  
 daria, ut vocatur, qualitates adscribantur.

De abd.  
 rerum  
 causis.

## PHYSIOL. SAGARUM

Nec etiam primæ qualitates istarum virtutum causæ efficientes simpliciter appellari possunt. Instrumenta siquidem hæ sunt tantummodò effectorum formæ absq; efficientis illius motu inutilia: vel potius effecta quoq; & ipsæ sunt causæ formalis. Si igitur formæ tandem tribuere velis, anima vegetans certè, ut tamen ab universis hucusq; philosophis definita fuit, plantarum forma hauderit. Anima siquidem ista eo ipso momento quo è terris plantæ evelluntur, cum omnibus suis facultatibus secedit aut perit, ut non amplius nutriantur, crescant &c. & tamen evulsa ista & reposita materia, est & dicitur planta. Sed perspicuè magis ut omnia dicantur, syllogisticè repero. Si anima plantarum vegetans non sit amplius in ijs quæ extra terras evulsa per partes reponuntur: sequitur illarum quoque substantiam perijsse, & eas deinceps nullam habere amplius efficaciam aut operationes suæ formæ. Consequentia patet ex eo quod ais: anima ipsa & Entelechia ablata rem quoq; interijsse. Atqui plantæ extra terras nihilominus sunt & dicuntur plantæ, & plures  
de



de se exerunt, & ostendunt nobis potestas.  
 Ergo illarum substantia ejusq; virtutes  
 non erunt ab anima vegetante. Aut igitur  
 te firmis argumentis demonstrare oportet  
 animam vegetantem esse formam veram  
 plantarum, aut aliam dare causam qualitatum  
 aliarumq; virtutum omnium in ijs, quod tamen  
 minimè poteris. Sed hæc nihil ad Sagas.  
 Quid autè porrò Evvichius? Ad rem ipsam  
 denuò mihi progredienti graviores subnectit  
 præcedentis suæ demonstrationis causam, ut  
 amplius mihi in arenam cum eo descendendum sit.  
 Nempe recentis cujusdam Epistolographi judicium  
 Archigrammaticus admiratur, quod dixerit  
 iste in Epistola sua de Sagis, eas insitæ  
 formæ statum ab eo tempore, quo cum Sathana  
 necessitudinem ineant, protinus amittere,  
 aut veterem earum formæ statum immutari,  
 nec esse eas amplius tales homines, quantum  
 ad formam interiorem spectat, quales antè  
 fuerunt. Lis igitur hæc inter Evvichium & me  
 (quem ob literarum, in quibus istam sententiam  
 meam descripsi brevitate Epistolographon vocat)  
 ut rectè

compo-

## PHYSIOL. SAGARUM

componatur: fateor equidem illa me dixisse,  
 & nunquam inficias ibo. Et Neuvaldus  
 quidam alius Helmstatiensis Professor ea-  
 dem verba mea malè interpretatus, inde-  
 monstrabilem in se sententiam continere  
 putat. Evvichio autem non tantum admi-  
 rabilis, sed etiam gravissima adeoq<sup>ue</sup> absur-  
 dissima thesis hac videtur: unde Epistolo-  
 graphum quoque me calumnijs perstringēs  
 nominat λεγτέλορον, indoctum philosophum  
 & ματαιόλογον. Atqui iudicium hoc (ius  
 quàm frivolum sit & minus candidum, ex  
 sequentibus cognoscetur. Judicat nimirum  
 de rebus nondum intellectis: secus quàm  
 vulgata illa gnome monet, Lege: intellige:  
 judica: & me indicta causa cōdemnat. Rhe-  
 torum praecepta, quae tamen Logicorum po-  
 tius propria esse debebāt, volunt: ut firmis-  
 sima quaeq<sup>ue</sup> rei cuiuslibet demonstranda ar-  
 gumenta in principio ponantur. Qualia  
 verò Evvichij argumenta sunt? Calumniae  
 scilicet & criminationes ab eo pro veris ac  
 firmis demonstrationibus effutiuntur, ut  
 fieri solet non à prudentibus, sed à stolidis  
 & garrulis hominibus: & ea quae dicta fue-  
 runt

runt non rectè æstimantur aut perpendun-  
 tur. Et paucis interjectis thesin eandem ap-  
 pellat paradoxon, commentum, & hoc ipso  
 me in philosophiã pariter & Theologiam  
 impingere & multipliciter peccare asserit.  
 Paradoxon certè si tradidissẽm, non idcirco  
 protinus culpandus essem. Paradoxa enim  
 optima utilissimãq; à multis sæpè proposita  
 fuerunt. Annè tu sententias omnes à Cice-  
 rone in paradoxis traditas respues, & com-  
 menta esse dices, quòd ante ipsum à nemine  
 alio disputata fuissent? Temerarium sanè  
 hoc dictum foret. Quomodo autem in phi-  
 losophiam & Theologiam me impingere,  
 ostendes? Calumniari forsàn & criminari,  
 scriptoribus laudi honoriq; esse putas. O in-  
 sipidum igitur & inertem me philosophiæ  
 studiosum, qui tam temerè fidem habui Ci-  
 ceroni verè alioquin Academico philoso-  
 pho: maledicta inquenti, contumelia, tum  
 iracundia, contentiones, concertationesq; in  
 disputando pertinaces, indigna mihi phi-  
 losophia videri solent. O inutilia mea phi-  
 losophia studia: si veritatem rerũ inquire-  
 re, cognoscere, alios docere velle,

Lib. 1. de  
 finibus.

## PHYSIOL. SAGARUM

5. Tusc.  
quæst.

est. An hæc, Evvichi, sunt indicti tui belli phalanges? An hæc pharetrarum tuarum tela sunt? Videamus igitur quàm sint acuta, quàm fortia. In bellis autem non verba, sed verbera multũ juvant: ubi non rixandum solummodo, sed armis validis reipsa pugnandum est. Sic in philosophica Musarum militia calumnia nihil profunt, rationes autẽ veræ quæ arma huius propria sunt, facili me vincunt. Et hoc sensu Cicero inquit: Acute disputantis, non quid quisque dicat, sed quid cuique dicendum, videre est. Quamobrem & nobis considerandum, ut duces à partibus nostris adhibeamus constituamusque fortissimos, qui prudenter adhibita ratione res nostras defendant & tueantur. Rectæ rationis dictamen nos omnes in itinere deducat, ejusque fines nobis demonstraret. Galenus ait: Ridiculus est qui quidpiã affirmat, quod demonstrare non possit. Ita igitur agendũ nobis, ne si te Evvichi ridere forsàn videamur, nos ipsi ludibrio exponamur. Unde verò & quomodo disceptationẽ vel potius disputationem meam exordiar? Quid ad tam acerrimam, scilicet, contentionem



tionem primò dicam? quid respōdebo? quid  
 agam? propugnacula certè mihi extruenda  
 erunt muris omnib. aheneis solidiora robu-  
 stioraq; quibus munitus omnia ad ventan-  
 tium pugnantiumq; contra partes meas, &  
 Bremensium & Helmstatiensiu aliorumq;  
 quorūlibet tela repercutere, & me vicissim  
 contra illos tueri queam. Quid autem pri-  
 mò dicam aliud, quàm quod res est? Argu-  
 mentum formæ seu causæ formalis, quam  
 naturā, rationem, virtutem, potestatem ve  
 arguendi in arte benè differēdi obtineat, in  
 crebris & pluribus meis praelectionibus Lo-  
 gicæ Rameæ ante biennium quoq; publicè  
 editis, aliquot annis hucusq; satis copiosè a-  
 perui ac demonstraui. Hæc nimirum sem-  
 per tot annos, quot Logicam artem discen-  
 do docendoq; cognoscere studui, mea de ar-  
 gumento non tantum formæ, sed quo vis  
 etiam aliquo sententia, hæc mea doctrina  
 & institutio fuit: ut cōtenderim argumen-  
 ta Logicæ inventionis universa esse, relata,  
 reciproca, convertibilia, & mutuò inter se  
 affecta: adeoq; eorum uniuscujusq; speciem,  
 alteram ejusdem generis, cum quo commu-

## PHYSIOL. SAGARUM

*nionem habet, speciem relativè & convertibiliter, vicissim arguere. Quomodo causa nimirum omnis arguit suum effectum: & retrorsum commeando omne effectum arguit suam causam. Subiectum arguit adiunctum: & hoc vicissim ab illo arguitur. Idemq; de ceteris omnibus intelligendum esse sæpius docui. Quid igitur causæ mihi daretur, quin quod in genere dixi, idem illud de singulis speciebus causarum, tum alijs, tum de forma quoq; ipsa concederem? Cur, quæso, negarem formam arguere formatum, & hoc quadam relatione iterum illam. Iterum iterumq; dico: forma arguit, declarat, ostendit, & esse ponit suum, cuius ut effecti causa dicitur, formatum: & cōtra. Ut quia forma sit, formatum quoq; necessario statuendum sit: & si detur formatum, nos eius formam dare ac ponere omninò requiratur. Sic anima rationalis est forma hominis, homo contrà formatum illius. Ergo quamcunq; substantiam hominis nomine appellaveris, eam anima rationali præditam esse catholicè tibi cōcludendum erit. Et cuicunque animam istam tribueris, eam  
homi-*

hominem esse fatearis oportet. Hinc est  
 quod homo post obitum suum & animæ dis-  
 cessum, amplius homo per se & absolutè dici  
 non possit. Eapropter ut ad nostrum negoti-  
 um hac accommodentur, & Sagarum quia ho-  
 mines sunt, animam suam rationalem, per  
 quam sunt & dicuntur homines, ad extre-  
 mum vitæ suæ spiritum, tantisper videlicet  
 dum permanent homines, absq; omni con-  
 troversia retinent. Et hæc si illis adimatur,  
 aut potius in ijs esse negetur, homines defini-  
 ri aut nominari quomodo possunt? Hoc est  
 quod de forma in Logicis meis animad-  
 versionibus creberrimè repetij. Hoc hoc est  
 quod nunquam negare, nunquam revoca-  
 re, recantareq; potero. Quod si tu ex libello  
 meo Logico, Evvichi, vel primis quod a-  
 junt labris gustasses, vel ab alijs audivisses,  
 facilimè quoq; sententiam meam de forma  
 Sagarum, quam tantoperè admiraris &  
 calumniaris, capere, & rectius quàm fe-  
 cisti, interpretari potuisses: nec me contra-  
 dictionis alicujus eorum, quæ in alijs libris  
 antè scripserim, arguere in hac Epistola co-  
 gitasses. Quippe in qua ne verbo quidem ijs

## PHYSIOL. SAGARUM

*qua antè disserui, contrarium quidquam  
 proposuerim. Sagas homines esse definiui.  
 Et quid ni? Sed homines eas esse addidi,  
 quarum formæ status simulatq; cum Sata-  
 na confæderationem inierint, immutetur,  
 nec tales esse, quales ante istam fuerint. Et  
 hæc verba sunt illa, de quibus tanta lus tan-  
 taq; controversia agitur. Hoc illud est quod  
 tam absurdum commentum non intelli-  
 gentibus videtur. Hoc est quod tam vehe-  
 menter abs te urgetur, acriter oppugnatur,  
 quod deniq; impietatem nescio quam sapere  
 & olere audacter asseritur. Quid igitur in  
 verbis istis absurdi? Quomodo rectè ea in-  
 terpretabimur? ut subsistere possint? Tu q-  
 dem opinaris me formam hominis interio-  
 rem seu substantialem è Sagis excludere. Un-  
 de verò hoc colligis? Ex verbis puto minus  
 dextrè intellectis. Non enim de lectis tan-  
 tum, sed de lectis pariter & rectè intellectis  
 optimè judicatur. Statum ego formæ Saga-  
 rum immutari dixi. Quis autem iste sta-  
 tus formæ? Quæ res hoc nomine accipienda  
 est? An ipsa forma aut ejus natura substan-  
 tialis: siue essentia hominis materia for-  
 mag;*



magis constans? Minimè. An igitur rei forma  
 potius accidens seu adjuncta condi-  
 tio, in plurimis quibus ab initio exornata  
 fuit virtutibus atq; potentijs? Hoc ipsum  
 est quod volui. Statum enim forma dum  
 nominavi, nequaquam significare volui  
 ipsam formam aut hujus essentiam simpli-  
 citer, quam omnes uno ore nominant ani-  
 mam rationalem: sed potius adjunctas ani-  
 mæ rationalis facultates ab ijs rejectas, &  
 reprobatas. scilicet status conditiove alicujus  
 hominis, civitatis, Ecclesiæ, scholæ, sculptilis  
 imaginis, formæ, aut rei cujuslibet alterius,  
 quocumq; illa nomine appelletur, non est res  
 ipsa cujus status dicitur: sed rei illius ceu  
 subjecti sui conjuncta constitutio bona vel  
 mala. Viden' igitur Evvichi, quàm vitiosè  
 rem τῆς αἰσῆς statui subjectā intellexeris, ubi  
 ipsam αἰσῆς statumve videlicet adjunctum  
 illius sumere debuisti: Viden' quàm ἀλόγως  
 & contra manifestissimam rationem Epi-  
 stolam meam interpretatus sis? Adeò teme-  
 rarium, stolidum & inutile est, non consi-  
 deratis Logicæ disciplinæ fundamentis atq;  
 præceptis de re aliqua judicium proferre  
 B 4 velle.

## PHYSIOL. SAGARUM

velle. Cogita igitur dum Epistolographon  
 reprehendere studuisti, te ipsum vel tyronū  
 & puerorum artis quam dixi Logica risui  
 maximo expositum esse. Atqui urgere forsi-  
 tan instabis, quod in sequentibus Epistola  
 verbis dixi, Sagas novam planē formam  
 assumpsisse. Certē ubi nova forma succedit,  
 veterem prius abolitam esse oportet. Ve-  
 rumenimverò, inquam, annon poteras ex  
 antecedentibus colligere, hac Tropica locu-  
 tione μελονυμικὸς ad exaggerandum quoq;  
 addita esse? An tibi tam difficilis inventio  
 erat Metonymia subiecti, ubi vox alicuius  
 subiecti ponitur ad significandum rem eius  
 adjunctam. Verūm propriè, inquires, omnia  
 proferenda sunt, ut ambiguitas ubiq; evi-  
 tetur. Esto. Si igitur maximè post longam  
 disputationem demonstraveris me expressè  
 vocabulum formæ absq; addita dictione  
 status usurpassè: ne sic tamen horum verbo-  
 rum inconcinna interpretatio meæ antece-  
 dentium expositioni ullo modo refragabi-  
 tur, neq; adhuc dum tuum contra me argu-  
 mentum, solidè id quod voluisti, confirma-  
 bit. Quis sic ergo quares? Additum scilicet  
 verbum

verbum immutationis rectè explicetur, & res tota absq; omni controversia facilimè intelligetur. Statum dixi formæ, vel etiam si omnino velis, *μελὸν μὴ κῶς* ipsam formam immutari? Quid autē, quis qualisq; motus est rei alicujus immutatio? An omnimoda ejus destructio? an totalis corruptio, aut in nihilum redactio? Minimè quidem gentium omnium. Quis enim unquam in scholis præsertim Aristoteleorum, in quorum te quoq; numero haberi cupis, vocabulum illud sensu ejusmodi accepit? Distinguitur enim plurimum inter corruptionem, quæ etiam destructio & interitus dicitur, & inter immutationē, quæ aliàs Alteratio quoq; vocatur. Corruptio cujuslibet formæ corruptibilis, est talis interitus, ut non sit illa, nec maneat amplius in suo formato. Immutatio siue alteratio est motus rei mobilis aut mutabilis, quo mutatur ipsa non in essetia, sed in essetia qualitatibus, ut tales non sint deinceps aut maneant, quales antè fuerunt observatæ. Vel ut brevius dicatur: Corruptio siue totalis destructio, vel abolitio est substantiæ: alteratio autem seu im-

## PHYSIOL. SAGARUM

mutatio est qualitatum illius qualiumcumque. Quod si igitur adhuc repeterem, formam Sagarum immutari: quomodo haec verba rectè interpretari velles? putabisne sensum horum verborum esse, formam earum plane aboleri, omnibus partibus destrui atque corrumpi? Imperitus quidem & insulsus, omniq<sup>ue</sup> ratione plumbeus Physicus hoc factur<sup>us</sup> sit: sequeretur enim praeter ea quae diximus, Sagas in ista destructione quamprimum mori, & hanc vitam relinquere: sed qui tantam, ut tu, atatem in Physicorum Medicorumq<sup>ue</sup> scholis & lectionibus contri<sup>ver</sup>it, cum quam proposuimus veram & cognitu satis facilem specierum motionis differentiam aut ignorare, aut non admittere velle, prorsus ridiculum est. Hac enim si non ex Physicorum libris, ex praedicamentis tamen tuis Aristotelicis cognosci poterat. Sciendum igitur, aliud esse substantiam sive formam corrumpi: aliud, eam in qualitatibus adjunctis immutari. Sed quid opus est pluribus? Finem horum facio. Ex antecedentibus proinde facilimè videre est, quo sensu in consequentibus deinceps dictum sit,

Sagas



Sagas non amplius esse tales homines, quales fuerint ante initum cum Satana fœdus. Omnis homo, quatenus est homo, conditus est rationalis ad imaginē aterni sui creatoris. Ista autē Dei Jehovæ in homine imago, quis est qui ignoret, in quibus cōsistat? Non certē in principatu, ut imperium tantummodò (liceat verbis uti Poëtæ) haberet in beluas, aut prædominaretur ceteris, sicuti Augustinus interpretatus est, sed in omni genere virtutum, quibus semper deberet elucere, divo Apostolo Paulo demonstrante, in veritate, sapientia & alijs ejusmodi consistit. Conditus est homo, ut Deo Opt. Max. in omnibus esset similis. Quemadmodum & Plato eruditè pieq̃, DEO nos similes esse jubet. Quamvis enim similitudo ista & imago multis, proh dolor, modis per lapsum primorum parentum obfuscata & conspurcata sit: attamen Christus salvator humani generis misertus fecit, ut Deus nos, qui per Adamum omnes lapsi, sub peccato conclusi essemus, iterum erigeret, in gratiam recipe-ret, & per Filium pro nobis deprecantem, si saltem fidem ipsi haberemus, salvos & bea-

## PHYSIOL. SAGARVM

tos esse vellet. Quocirca qui hac nôrunt (de  
 Christianis loquor per Baptismum regene-  
 ratis, & in verbo sacrosancto institutis) &  
 agnitam veritatem nihilominus à Deo tri-  
 no deficientes, denuò abnegant: cur non di-  
 cerem eos tales amplius non esse, quales antè  
 fuerunt, & quales universi esse omninò de-  
 bent: eos, inquam, qui partem maximam  
 luminis, splendoris, dignitatis, & virtutum,  
 quibus anima, aut si velis, forma ipsorum  
 collustrabatur, ex pacto, & certo delibera-  
 toq; consilio lubentes volentes liberrimè a-  
 miserunt? qui in profundissimum abyssi aut  
 inferorum lacum se ipsos sponte præcipitâ-  
 runt, ut cum maxima difficultate superas  
 iterum auras possint contingere. An verò  
 putas eandem quoq; rationem esse aliorum  
 peccatorum, quos & ipsos multiplici deli-  
 ctorum genere coinquinatos esse novimus?  
 Sed, inquam, haud rectè putas. Ineffabile  
 propemodum discrimen est Sagarum & a-  
 liorum peccatorum. Et si forsan defensionis  
 meæ testibus alijs, eorûmve testimonijs vix  
 fidem sufficientem habiturus sis: ad summû  
 sacrosanctæ Trinitatis tribunal, ad ipsum  
 iustis-

*justissimum iudicem appello Christum Dei  
filium, qui peccata quæ in Spiritum sanctum  
committuntur, non posse remitti asserit.  
Quali aigitur, dixeris, Sagarum peccata  
sunt? in quantum Saga ab alijs peccatoribus  
differunt? Certè si universas Decalogi leges  
nullis omisiss examinaveris, omnes pecca-  
tores cum Sagis non sunt conferendi. Quis  
enim non omnibus modis deteriore iudi-  
cabit eum, qui lubens ac sponte sua à Deo de-  
ficit, & multoties peccat, quàm aliū quem-  
vis delinquentem hominem. Alij enim ex  
stupiditate cordis se Deum minus offendere  
putant. Saga autem Deum aspernantur, cō-  
temnunt, abjurant, &c. De quo tamen suo  
loco plenius. De tot igitur adjunctis formæ  
virtutibus & ornamentis ceu clarissimis se-  
ptentrionibus obfuscatis, ne quo alio nunc  
verbo utar: non de essentia dixeram. Tales  
non amplius esse eas asserui, quales antè fu-  
issent: non intelligens earum substantiam  
animo & corpore constantem, vel etiam  
exteriolem constitutionem & faciem. Tale  
vel non tale esse quidpiā, arguitur & osten-  
ditur argumento comparationis in quali-*

## PHYSIOL. SAGARVM

tate. Hoc autem vel illud esse, argumento materiae, & potissimum formae declaratur. Vel quid sit res arguit definitio, quae ex praedictis causis materia & forma sumitur. Qualis sit res vel non sit, similitudo aut dissimilitudo arguit. Haec saltem logica fundamenta si Dominus Doctor Evvichius novisset, haud dubie quoque potuisset intelligere quo sensu dixissem: Sagas ob tot animae suae dotes amissas non amplius esse tales homines quales antè fuerint. At quid in re tam facili opus est pluribus? satis enim abundè intelligitur particulas illas tales, quales non ad amissam substantiam, sed ut notas comparisonis ad immutatas ejus virtutes in Epistola mea referendas fuisse. Sed tædet profectò in hisce minutis, quae mihi prope modum puerilia videntur, diutius immorari. Aliàs certè si fusius tecum, praesertim verò ex Aristotele philosophari vellem: quaererem ex te equidem quid de hac sententia ejus statuendum opineris, ubi docet: detrahetis accidentibus nihil neque primis neque secundis substantijs esse reliquum. Quod si credis, nescio quam formam hominis reperire,



rive, aut seorsim demonstrare possis, remo-  
 tis scilicet universis ab ea accidentibus. At-  
 tamen rationem seu animam rationalem  
 omnes pro forma hominis ponunt. Dictis  
 porrò istis sequitur in contextu mea Epi-  
 stola: Sagas definiri posse homines essen-  
 tiam diaboli participantes. Quid autem  
 ad hæc Evvichius? Definitionem hanc re-  
 censens: se, ait, referentem eam exhorre-  
 scere. Primum scilicet argumentum refu-  
 tande definitionis propositæ, est ab adjuncto  
 horrore. Qualis verò hic horror? Miror  
 certè. Horror, puto, est stupiditatis & igno-  
 rantia. Oritur enim is à frigiditate: ut con-  
 stat è libris Galeni, tum alijs, tum de diffe-  
 rentijs febrium: quæ qualitas etiam produ-  
 cit stupiditatem seu stoliditatem. Atqui hæc  
 certè nihil probant. Logicâ igitur, id est,  
 certis adductis rationibus res nostra disce-  
 ptanda & demonstranda est: & videndum  
 potius, quibus & qualibus argumentis defi-  
 nitionem ipse nostrâ impugnet: an sint illa  
 καὶ παντὸς universalis & æterna. Primum  
 tamen definitionis nostræ sententiâ copio-  
 sius explicabimus. Deinde ad contrariam

## PHYSIOL. SAGARUM

*Evrichij interpretationem progrediemur. Genus illius est quod sint homines. Et generis eusmodi proprietatem, ut posuimus in Epistola nostra, ita adhuc libentissimè & meritò fatemur atq; retinemus. Nec enim obstant nobis, quæ ab Evrichio hucusq; ut intellectum est, disputata fuerunt. Major contentio de forma definitionis, ob quam tantoperè inhorruit, cum legeret eam: miror quòd non percussus ad terram prociderit. Quid autem ait, & quomodo, quoque sensu accipiendum, quod dicitur: eas essentiam Satanae participare? Qualis ista participatio tam maligni spiritus? Participatio nem esse dico, qua inito cum Satana fœdere scientes volentes ei se associant, ut ipse verissimè sit cum illis, & in illis actualiter, ut in schola Aristoteleorum loquuntur, itemq; realiter. Quid autem hoc aliud est, actu ipso & verè cuiusdam inesse vel adesse prævum spiritum, quàm essentialiter. Hoc, inquam, est participare illius essentiam, habere veram cum eo cõunionem, imò verè ipsum in se habere Satanam, finitum scilicet spiritum in finita natura: quemadmodum alios  
etiam*

etiam omnes homines circumire solet. Essentialiter itaque sagas participare suum Spiritum asserimus, non quod huius essentia illarum quoque essentia in omnibus minutissimis particulis sit physico modo commixta & unita: hæc enim esset spiritualis natura in corporatam transmutatio: & contra: sed quia, ut dictum est, verè in illis habitat, corda & actiones illarum universas ita regit, ut sibi Satana soli inserviant. Et quid ni hoc affirmarem, quod firmissimis argumentis sufficientissimè demonstrare possum? Primum enim ut à firmioribus initium sumatur: Rationes ex tñs isoeias sacrarum literarum, quarum testem ipsum Deum mentiri nescientem habemus, desumptæ, & quidem haud pauca evincunt: diabolus re ipsa, hoc est, secundum spirituales suam formam in hominibus esse, eos occupare, aut obsidere posse. In historia Evangelistæ Matthæi duo demoniaci, λαὸν χυδαίτοι valde difficles aut sævi, Christum, qui eos expellere volebat, rogant, si sint eijciendi, ut licitum sibi sit abire in gregem præsentem porcorum. Christus igitur ait illis, abite. Et illi ἐξήδον.

Matth. 8.  
Luc. 9.

# PHYSIOL. SAGARUM

- tes, ut germana Evangelistæ phrasi utamur, egressi ex hominibus istis abierunt in gregem porcorum, & totus grex ruit è præcipitio in mare, & mortui sunt in aquis. Similis est ejusdem historia, ubi Christo adfertur mutus demoniacus, & ἐκβληθέντι τῷ δαίμονι, ejecto demonio locutus est mutus.
- Matth. 9. Præterea apud eundem Christus è ceco pariter & muto demonium ἐκβάλλει ejicit, expellit.
- In ca. 12. Item. Attulit quidam Christo filium suum lunaticum, quem Satanas sæpè in ignem, & sæpè in aquam præcipitem dederat: & increpavit eum Jesus: & ἔξῃθεν exijt ab eo, & sanatus est puer. Adducitur insuper ad Christum puer habēs spiritum mutum, à quo lacerabatur ut spumaret, dentibus strideret, exaresceret, & alijs modis cruciabatur. Quid autem Christus? objurgans spiritum impurum: Spiritus, inquit, mute & surde impero tibi ἔξελθε. Ἐὰν τὸ, exi ab eo, & non amplius εἰσελθὼς ingreditur in eum. Ex his & alijs pluribus, quæ propter prolixitatem nunc omittuntur: evidenter comprobari potest, verissimum esse quod diximus, Satanam verè & realiter aliquando corpo-
- Ibid. 17.
- Marc. 9.  
Luc. 11.



ra hominum inhabitare. Verum enim verò  
 concedens hoc forsā Evvichius cum suis,  
 maiorem controversiam esse contenderit,  
 de eo quod queritur: *An καὶ εἶδος forma-*  
*liter, substantialiter: an verò κατὰ δύναμιν*  
*virtualiter, aut efficientia sua & operibus*  
*tantum mali spiritus sint in Sagis alijsq;*  
*obsessis?* Sed & hac quæstio facilius ex an-  
 tecedentibus explicari potest. Sagas essenti-  
 am participare diaboli antè diximus: eo i-  
 pso significantes illum sua substantia & for-  
 ma spiritali Sagarum, ut & aliorum ob-  
 fessorum corpora occupare posse. Quæ enim  
 de obsessis audita sunt, de Sagis etiam in-  
 telligi posse deinceps plenius ostendetur.

Quomodo enim & quam ob causam Chri-  
 stus ex homine aliquo spiritum iuberet exi-  
 re, qui in eum non introisset? Exi, inquit,  
 ut græca phrasis sonat: egredere ex eo aut ex  
 ejus corpore. Et hac una phrasi semper in  
 omni spiritu maligno expellendo simplici-  
 ter absq; ullo Tropo Christus usus est: quæ  
 impropria planè & aliena fuisset, si spiritus  
 ejusmodi, operibus tantum suis hominum  
 corpora tenerent. *Ἐκ δὲ τοῦ* Latinis venio si-

## PHYSIOL. SAGARUM

gnificat. Inde ἔξωθεν, extra venio, exeo,  
 &c. & hinc ἐξελθε, inquit Dei filius, ἔξωθεν,  
 extra puerum veni, exi, egredere ex ipso: ge-  
 minata particula ἐξ. Ich gebiete dir / fahre  
 auß / gehe heraußer auß dem Knaben du  
 vnreynner vnd tauber Geyst. Nomina certè  
 sunt notæ rerum. Ista autem vocabula siue  
 verba ingredi, introire, exire, egredi, mo-  
 tum substantiæ localem arguunt. Ergo spi-  
 ritus quoque, quibus hic motus tribuitur,  
 substantialiter erunt in hominibus, è qui-  
 bus secedere iubentur. Sed paucis insuper  
 videbimus quoq; testimonia quadam hu-  
 mana, & præcipuè ex interpretibus sacra-  
 rum literarum. Chytraeus Theologus dupli-  
 ci modo docet, diabolum homines occupare  
 vel spiritualiter, quo omnes impios per pec-  
 catum captivos tenet, ut apud Joan. Qui  
 peccatum facit ex diabolo est: Vel corporali-  
 ter, quando habitat in corporibus huma-  
 nis. Et hæc corporalis inhabitatio est, ut nos  
 appellavimus, participatio, qua corpus Sa-  
 garum post confederationem factam à spi-  
 ritu isto obsidetur, ejusq; actiones etiam ab  
 eodem reguntur. Visæ sunt Sagæ admodum

In Com.  
 c.8. Matt.

obseſſectam imbecilles, quæ cum carceribus  
mancipari deberent, viros etiam robustissi-  
mos precipites in terram dederunt. Viſa eſt,  
quæ cū poſt purgationē in flumine factam  
in carrum denuò aſcendere nuda propemo-  
dū & nulla ſecū vel medicamenta, vel alia,  
quibus hoc perficeret, habens, ſolo oris ſui  
aſſlatu carnificis miniſtrum ita inſiceret, ut  
confeſtim in ipſo itinere, antequam in ur-  
bem ipſe veniret, maximè craſſiſſimeq; in-  
tumefceret, & per dies aliquot continuos  
deinceps decumbere cogeretur. Quid hæc  
aliud arguunt? quàm diabolum verè etiam  
corpora Sagarū inhabitare, earumq; mem-  
bra regere? cū alioquin facta iſta Sagis  
impoſſibilia ſint. Ipſe ſcilicet flatum ſeu ſpi-  
ritum Sage virulentum fecit in eius corpo-  
re, ut per illam deinceps famulus quoq; de  
quo dixi, inſiceretur. Vide inſuper de hac  
queſtione Henr. Bullingeri commentaria in  
Mitthæum, Item Andrea Hyperij Me-  
thodum, in tractatu: quomodo diaboli ho-  
mines vivos invadāt. Atqui objeceris for-  
ſan, Evvichi, ex argumentis diverſorum:  
Non de Sagis, ſed de alijs obſeſſis, quos vulgò

Bulling.  
cap. 8. in  
Matth.  
Hyp. lib.  
2. meth.

## PHYSIOL. SAGARUM

hoc nomine appellamus, antecedentia, quæ ex sacris literis recensuimus testimonia intelligenda esse: maximam verò inter Sagas & obsessos alios esse differentiam. Quanam igitur ista? Explicetur quæso. Sumes fortassis illam ex diversitate effectorum. Hoc enim modo nonnulli distinguunt: Verè obsessi, inquietes, misere affliguntur, discerpuntur, præcipitantur, torquentur. Sagæ verò non item. Ergo hæc quoque non sunt obsessæ. Facile hoc crediderim, si axiomata illorum sint particularia, aut particulariter enuncientur. Quod verò generaliter inde concludi debet, Sagas non esse obsessas, aut nunquam affligi seu cruciari: id nemo facile mihi persuidebit. Quod enim ad diversitatem istam attinet, non admodum cognitu absurda est. Sagæ, quæ dicuntur, certo pacto scientes volentes sese diabolo dedunt, obstringunt, mancipant, non ut noxam aut detrimentum aliquod ab eo capiant, sed ut potius optimum quodque in sui commoditatem sperantes alijs nocere & incommodare possint. Servare igitur ille aliquando solet suum pactum ad usque destinatum à Deo tempus:

pus:



pus: nec tam graviter eas ut alios obsessos  
 scrutiat. Quam verò ob causam? Non  
 quidem quòd benè illis consultum velit, aut  
 benè fa veat: sed minus illas affligit & dis-  
 cruciat in præsenti vita, ut eò commodius  
 & diutius in reti suo retinere, ac tandem  
 post obitum quasq; suum eternis cruciati-  
 bus afflictionibusq; subijcere queat. Alij au-  
 tem obsessi, plerunq; inscij, & minus vigi-  
 lantes, adeòq; nolentes, ab ipso corripuntur  
 aut obsidentur: & sæpè si quod damnum a-  
 liquando vicinis suis intulerint, de eo, ut  
 creditur, iterum dolent, & pœnitentia in-  
 terdum suorum scelerũ ducuntur, ac deniq;  
 sunt quasi immorigeri Satanae servi, qui cu-  
 piant ab eo liberari. Cùm igitur minus il-  
 los dictis suis habeat obediētes: quid mirũ,  
 si sævius etiam cum ijs agat? si gravius quo-  
 dammodò & vehementius illos torqueat,  
 quàm Sagas? Si homo quispiam famulos  
 sub se alit, alios obediētes, alios refractari-  
 os: cum ijs certè, qui sponte officium suum  
 faciunt, in omnibus mitius agit, magisq;  
 familiariter eosdem tractat. Quos verò sub  
 servitute esse tædet, quiq; prout voluerit

## PHYSIOL. SAGARUM

*dominus, omnia non exequuntur, sed coactè faciunt, ijs severiorem se semper prabet. Sic etiam Satanas diversimodè cum Sagis alijsq; à se obsessis agit. Minimè tamen gentium ex hoc consequetur, quòd illi volunt; Sagas, quia minus quàm alij, quos sub iugum suum Spiritus iste pertraxit, aut omnino nihil torqueantur affliganturve, idcirco non esse obsessas. In eodem enim subiecto varia atq; diversa opera fieri possunt, ut ex eadem materia figulus pro diversa in eam actione varia vasa formare potest. Et quid multis? Experientia ipsa, & propria Sagarum confessio testatur, multum sæpè eas affligi. Hisce igitur probè consideratis ratum manebit quod volumus: videlicet Sagarum etiam corpora à malo spiritu obsideri, licet minús quàm alij homines ab eo affligantur: ideoq; quod de aliorum obsessione dictum est, ad Sagas etiam rectissimè referri posse. Et hæc, Evvichi, tecum differenda fuerunt, pro defendenda nostra questione de reali aut substantiali Satana in habitatione in corporibus Sagarum. Videbimus deinceps sigillatim quæ in contrarium sensum*

sum abs te adferuntur: examinaturi, si sint ista veritati & legi <sup>καθ' ὅλην</sup> consentanea, nec ne. Premissis enim calumnijs tādē unum atq; alterum argumentum subijs. Argumenti prioris sententia hæc est: Si Sagæ, inquis, amissa priore forma, essentiam diaboli substantialiter acquisiverunt, ut pristini homines non sint: sequetur eas non posse unquam resipiscere. Atqui possunt pœnitentiam agere, sicuti probas ex meæ ipsius epistole verbis. Ergo essentiam diaboli non acquisiverunt. Consequentiam propositionis ex hoc demonstras, quòd voluntas resipiscendi sit in hominibus, non in cacodemonibus. Constans quidem & verus hic syllogismus est. Quis autem dixit? quis unquam, quaeso, dixerit: Sagas omnem prorsus humanam naturam exuisse? quis dixit eas in cacodæmones essentialiter mutatas esse? eo, quòd tu accipis sensu, videlicet essentiali, utriusq; & humanæ & diabolicæ naturæ cōmixtione aut transmutatione? Id equidem fateor dictu esse absurdissimum, & meram <sup>παραλογισμὸν</sup> <sup>παραλογισμὸν</sup>. Sequitur enim, si quid antecedentibus adjiciendum sit, Sagas planè spi-

## PHYSIOL. SAGARUM

ritualem, ideoq; impalpabilem, & non as-  
pectabilem naturam obtinere, id quod contra  
omnem oculorum experientiam proponere-  
tur. Aliter ego, ut demonstratum est antè,  
Satana participationem defini vi. Quod si  
intellectum fuerit, liquido pariter patebit,  
syllogismum tuum nihil contra nos facere,  
adeoq; temerè absq; ulla necessitate produ-  
ctum esse. Si enim dixeris: Malus spiritus  
verè & essentialiter Sagarum corpora in-  
habitat: ergò resipiscere nunquam possunt.  
Enthymematis huius cōsequentia minimè  
firma est. Connexio, inquam, ejus partium  
haudquaquam necessaria est: ut ex propo-  
sitione, si addatur, evidentius percipi potest.  
Etiam si enim ille peccatrices ejusmodi, per-  
missu Dei vinctas teneat, vinctus tamen  
& ipse à Deo atq; hoc modo ligatus in ijs est,  
ut non possit ulterius in eas agere aut savi-  
re, quàm Deus ipse Opt. Max. permittat.  
Possunt, scilicet, admirando Dei auxilio, si  
velint, pœnitentiam iterum agere. Sicut  
omnis non renatus retinet aliquam liber-  
tatem voluntatis, qua regere potest actio-  
nes tum internas tum externas. Sed quot  
sunt,



sunt, proh Deum immortalem, quæ ut maximè moneantur, illud tamen nō respuant? Utinam certè omnes sese ad prapotentem Dei æterni spiritum converterent. At quid multis? Satis enim ex antedictis apparet, abs te propositum syllogismum, sententiam nostram non infringere. Veruntamen ad illustrandum eum progredieris ad exemplum Nebucadnezaris regis: cuius transmutationem in feram ais non esse juxta τὸ ἐν τῷ explicandam. Quomodocunq; sanè ista intelligenda sit Nebucadnezaris transmutatio: de qua deinceps sigillatim in suo loco videbimus: Syllogismus tamen tuus nihil contra nos concludit. Quod verò subicitur hoc modo omnes alios quoq; peccatores, si resipiscant, novos homines creari, id autem dictu esse absurdissimum. Certè si novam essentie creationem intelligas, quid ni absurdum & planè ἀλόγον hoc esset? Sin verò qualitates inspiciamus, quis, quaeso, inficias i verit, quin verissimum sit, omnes peccatores, si acta pœnitentia regenerentur, novos homines fieri, aut, ut Beza loquitur, creari: secundum illud, Cor novum in me crea do-

## PHYSIOL. SAGARUM

*mine. Hac enim loquendi phrasis tum Christo ipsi, tum ministris ejus & interpretibus familiaris frequensq; fuit. Dico vobis, nisi quis genitus fuerit de novo: So einer nicht von neuem geboren wirdt, non introibit in regnum cælorum. Ubi Beza in commentarijs addit: initium Christianismi positum est in eo, ut sciamus nos penitus in peccato mortuos, ut necesse sit naturam nostram, quod ad qualitates attinet, rursus & de integro creari. Et Apostolus ad Titum cap. 3. ait: Non ex operibus, sed misericordia salvos nos fecit per lavacrum regenerationis & renovationis S. spiritus. Quid igitur absurdi est, si communi Apostolorum sermone & ego dicam: resipiscences aut regeneratos fieri novos homines? Cur impropria videretur hæc phrasis, qua divini homines illi Spiritu sancto inflati, in eadem materia & sententia usi sunt? Vides itaque Evvichi, tuam in hoc loco animadversionem iterum & quidem graviore alia animadversione fuisse dignissimam. Vides qualem Theologum te ostendas. Attamen pergis, ut ex unico errore infinitos alios oriri demonstras.*

*Nul-*

Nullus, inquit, philosophorum depravationem hominis, ablationem substantiae, & rursus emendationem ejus nova substantiae generationem appellavit. Scio, & jure equidem concedo. Temerè enim & contra omnem rationem hoc dicturi fuissent. Neq; ego de hoc in mea Epistola quidquam asserui. Quid porro? Neq; ais deinceps, tam insani sunt Theologi, prater unum Illyricum, Manichæam sobolem, uti peccatum substantiam esse contendant, aut priorem substantiam ablatam succedente peccato credant, &c. Et inde in sequentibus me Manichæum vocare non erubescis. Heu proh Deum immortalem! Proh omnium Theologorum fidem quid audio! Qualem Logicū, & quā admirabilem differendi rationem nunc deprehendo! An Manichæorum error, an Illyrici aliorūve, qui eos imitantur, opinio de peccato substantiali ex meis thesibus demonstrari potest? Minimè gentium, vel si universas ingenij tui dotes huc conferas, id ipsum comprobabis. Quidcunq; enim Illyrico, aut qualiscunq; ei autoritas, utpote homini literatissimo, tribuenda sit: nunquam

## PHYSIOL. SAGARUM

tamen in erroneam ejus sententiam ire potui, ut crederem peccatum in homine esse quidpiam substantiale, aut substantiam ejus cōstituere. Quid Manichæi de hac questione scripserint, quid Illyricus, quid Spangenbergius, quid alij, parum admodum curavi. Sententias illorum vix memini me legere. Et nihilominus jam diu, quando alij de hac erronea opinione differerent ex logicis, intelligentiam ejus solutionemq; cognoscere potui. Qui enim vel primoribus labris gustarunt, vel extremis, ut ajunt, digitis logicam attigerant, ijs exploratissimè cognitum & perspectum est: Quicquid ulli rei subjēctæ seu substantiæ extrinsecus præter essentielles causas accedit, illud ejus adjunctum esse. Assume igitur: peccatum homini extrinsecus adjungitur præter essentiam: conditus enim homo fuit, ut posset vel peccare, vel absq; peccatis esse. Et necessario cōcludendum erit: peccatum esse adjunctum potius hominis, quàm essentiam. Totus, totus quidem, quantus etiam quantus sit homo, peccator est, qui, ut Ethnicus quoque philosophatur Hippocrates in suis Epistolis,



ex maternis uteri inquinamentis talis prodijt. Nec tamen hoc ipso arguitur, peccatum esse de substantia hominis. Adamus ante lapsum integer erat vitæ scelerisq; purus: conditus à DEO in omni integritate, creatura scilicet corporata rationalis. Cum verò de vetita arbore comederet, lapsus in hoc peccavit: substantiam suam pluribus modis commaculans. Lapsus igitur iste & peccatum Adami, accessorium quidpiam fuit, quod abesse & deinceps adesse potuit. Quod autem hoc modo affectum est, id inter adjuncta referri quis tam rudis est, qui non percipiat? integritas nimirum & puritas, itemq; lapsus & commaculatio substantiæ Adami adjuncta rectè nuncupantur. Demirari itaq; satis non possum tam insignem & crassum errorem de peccato substantiali mihi ab EVVICHIO vitiosissime imputari. Et si non ex alijs, ex hac tamen tam futili præsertim argumentatione liquidò apparet, multa quidem ab eo dici, probari paucissima. Sententia ejus contraria hæc est. Forma Sagarum est ablata. Ergo peccatum est substantia. Quasi ego dixissem,

## PHYSIOL. SAGARVM

*succedente ut ipse loquitur peccato priorem substantiam planè auferri: atq; ita peccatum essentialem causam esse posuissē novæ substantiæ. Sed hoc ipsissimum illud est quod nunquam mihi persuaderi passus sum, neq; ullibi in Epistola mea de Sagis à me conclusum fuit. Neq; etiam si maximè non de omnimoda ablatione, sed de immutatione aut alteratione Sagarum formæ loquaris, consequentia ista de substantiali peccato rectè extruitur. Attamen error iste Manichæus, quem ego nunquam approbavi, alio insuper argumento abs te Evvichi deinceps refutatur. Sequeretur, inquis, nunquam verè homines esse, cum semper adsit peccatum. Et hisce dictis, eorum quodammodo sententiam esse congruam asseris, qui in actione baptismatis Exorcismum retinere volunt, percussorem pro vulnere accipientes. Prioris refutatio ex antè traditis patet. De Exorcismo in baptisate non anxie admodum nunc contendo. Aliam tamen esse dico rationem peccati infantium originalis, aliam aliorum hominum, maximè Sagarum. Et infantes ante regenerationem sunt subiecti*  
regno

regno & potentia peccati & Satana, sed spirituali captivitate, qua omnes fide carētes impij tenentur à Diabolo: secundum illud Joannis: Qui facit peccatū ex Diabolo est: id quod explicatè satis ostendit Chytræus in loco superius citato. Saga autē præter istam spirituales captivitatem corporaliter etiam, ut ille loquitur, obsidentur. Nulla igitur causa est, cur exemplo exorcismi nostram sententiam ceu erroneam refutare velis. At pergendum ad sequētia. Sub finem hujus tractationis additur, eos simili propemodum errore teneri, qui putent Sagas interdum in feles mutari, & mirifica tripudia patrare. Sed de hoc deinceps in suo loco videbimus. Concluditur porrò integra disputatio, ut copiosius scilicet demonstretur, additis pluribus calumnijs. Quod si autem artis esset rixari, calumniari: si convitijs aliquem petere, philosophicum esset, quot quæso putas hīc me calumnias aggregare posse? Illiteratorum sophistarum est, si res suas & quæstiones multis firmitioribus argumentis demonstrare aut explicare nequeunt, convitiando objurgandoq; tempus

D

terere.

## PHYSIOL. SAGARUM

*terere. Muliercularum & puerorum est,  
 lites & controversias suas aliasq; actiones  
 calumniando componere. Scribonius qualis  
 qualis sit, hanc differendi & conferendi con-  
 suetudinem semper improbat. Phui tur-  
 „ pitudinem, inquis, verborum, & impiam  
 „ philosophiam, & hæreticâ Theologiam, mi-  
 „ nimè in Christi schola ferendam. Et qua  
 sunt alia convitia. Phui inanem, ego inquâ,  
 & nimis jejunè, non enim dicam aniliter  
 pueriliterve, differentem Doctorem. O ir-  
 requietum seditiosumq; ingenium! O impu-  
 dicam hominis impudentiam! qui tam fa-  
 cile absq; ullis rationibus negotium alijs fa-  
 cessere non erubescit. Sed hæc de forma a-  
 deoq; natura Sagarum & proprietate suffi-  
 cere visa sunt. Quandoquidem verò præter  
 te Evvichi, & Helmstatiensis quidâ Neo-  
 sylvanus militia nostræ defensores eâdem  
 propemodum ratione impugnat, sigillatim  
 quoq; & ejus tela quædâ nobis repercutien-  
 da erunt, ut universis clarissimè innotē-  
 scat, qualem singuli disceptandi & bellige-  
 randi causam habueritis. Quenam igitur,  
 Neuvaldi, & quonam ordine instructa  
 est*



est acies? Jucundus ne est illius aspectus? con-  
 templandum nobis proponit examen Sagarum: ubi nescio quantam qualemq; copiam  
 probationis delinquentium hominum pri-  
 mū videre & numerare licet. Ac post lon-  
 gam deniq; demonstrationē, ad impugnan-  
 dam & impediendam Sagarum in flumi-  
 nibus purgationem, de forma illarum con-  
 tendere incipit. Quid verò est quod aggre-  
 ditur? Me, inquit, alio assumpto principio  
 asserere: veneficas prioris suae formae statum  
 eo momento, quo cum Diabolo paciscuntur,  
 immutare, & novae formae vestitū induere.  
 Fateor equidem me dixisse: Quid enim ne-  
 gare? nisi quem ego statum dixi, ipse ve-  
 stitū nominat. Omnes autem verè ingenui  
 ac literati homines in hoc, opinor, me defen-  
 dent, qui modò noverint naturam subje-  
 ctorum adjunctorumq; ex logicis discerne-  
 re. Status & vestitus rei alicujus subjectae  
 utrūne ad substantiam, ut loquuntur,  
 seu ad subjecta referendus est, an verò ad  
 classē adjunctorum? ad classē putopos-  
 teriorem. Et quid ni? Logica enim leges hoc  
 volunt, hoc jubent, & quidem rectissime  
 D 2                      preci.

## PHYSIOL. SAGARUM

*precipiunt. Quod si igitur de adiunctis forma Sagarum locutus sum, quid causa est, cur Neuvaldus verba mea restringat ad formas earum essentielles? Dixerat antè de statu & vestitu forma: deinceps subiicit falsissimum esse earum formas essentielles immutari, & alias induci: quæ sanè ut manifestissima, sic putidissima contradictio est. Aliud est quod ego proposui de statu, de vestitu, aut omnino de qualitatibus forma: aliud est quod tu Neuvalde assumpsisti de ipsa forma essentia, id scilicet, quod nunquam, quantum ad positam sententiam attingit, ejusq; veritatem, mihi in mentem venit. Apparet itaq; quàm temerè nobis te opposueris. Imò si maximè dixerim formas immutari: verbum tamen hoc alterationem solummodo adiunctorum arguit, quæ ab omnibus Aristoteleis physicis ad qualitatem refertur in distinguendis motuum speciebus. Qualitates autem tum propriæ tum communes adiuncta sunt: ut faciliè cognosci potuerit, me arguere & significare velle mutationem non formarum ipsarum essentia sed adiunctorum. Quis verò ex  
antece-*

antecedentibus non accuratè satis percepit,  
 etiam qualitates formæ humanæ immutari  
 posse? cum universi Theologi libentissimè  
 fateantur, rationem humanam, quæ forma  
 hominis rectè creditur, in omnibus Adami  
 posteris labefactatam, & multis modis de-  
 bilitatam, adeoq; corruptam esse, ac illos ta-  
 men homines mansisse. Cicero philosophus  
 verè Academicus de Rullo in 2. Agrar: Alio  
 (inquit) vultu, alio vocis sono, alio incessu  
 esse meditabatur. Alium scilicet hominem  
 factum esse Rullum ostendit. An verò hunc  
 locum Ciceronis de forma Rulli, vel etiam  
 de corporea ejus essentia interpretaberis:  
 vel de animi affectionibus sive qualitati-  
 bus accipiendum esse putabis? Posterius opi-  
 nor, te concessurū: & quidem rectè. Quam-  
 obrem per se quoq; corrumpit id quod in defi-  
 nitione pacti deinceps abs te Neuvalde  
 subijcitur. Pactum, ais, est animorum in i-  
 dem consensio de re aliqua contrahentium,  
 nulla interveniente, vel in qualitatibus, vel  
 in substantia facta alteratione. Nullane fit  
 in pacto qualitatū alteratio? Si igitur Sa-  
 ga paciscuntur cum Satana, se relicto Deo

## PHYSIOL. SAGARUM

vero, huiusq; verbo sacrosancto, omnia scelera contra proximos perpetraturas esse, si virtutibus expulsis vitia subsequuntur aut accedunt animæ: quis non nisi extremè stupidus videt qualitatatum fieri alterationem? Et mirū certè definitionis tuæ axioma est. Quod enim in ea de qualitatibus negasti, paulò post iterum affirmas: ubi mecum contra Evvichium (de quo ante) fateris, regenerationem veteris hominis non essentia sed qualitatatum ratione fieri, & primam primorum parentum, instinctu Diaboli factam alterationē asseris non essentiali formæ destructionem intulisse, sed in qualitatibus animam esse eam expertam. Cogita quàm absurda hæc tua fuerit disputatio.

„ Additur autem deinde: qui dicit Diabolum  
 „ rerum formas mutare, prorsus amens &  
 „ delirus est, nec principijs physicis instructus. Rectè: si de mutatione intelligitur, qua fit novo creationis modo, lubens tibi adstipulor. Ad hæc differere non desistis contra thesin nostram, qua asseveravimus, Diabolum realiter, essentiam & partes omnes occupare: hæc enim expressè tua verba sunt.

Quid



Quid porro? Nos, inquis, contrarium asserimus, veneficas non esse obsessas corporaliter, sed mente tenus: Addita differentia inter Sagaras & obsessos alios, quam in precedentibus, ubi prolixè de hac questione egimus, minimè catholicam esse indicavimus. Quid si plenioris intelligentiæ gratia adderem, argumentum illud tuum omninò pro mea sententia tuenda facere? Si enim mente obsidetur venefica, etiam corpore eadem obsidentur. Atqui prius tuo iudicio confirmatur. Ergo & posterius firmum & verum erit. Propositionis meæ cōsequentia demonstrabilis est ex hoc, quod mēs seu anima hominis est tota in toto corpore, in universis scilicet etiam minutissimis ejus particulis, ut rectè P. Melanchton & alij physici eum imitati philosophantur. Nempe si mentem Sagarum Spiritus maligni obsident, erunt etiam in corporibus earundem. Huc accedit quod in explicando argumento levitatis Sagarū, quod sumptum dicis ab obsessione, omnium absurdissimè abs te prolatum est: nullo modo veneficas obsessas esse. Qualis hæc & quanta est animi inconstantia?

## PHYSIOL. SAGARUM

li. 4. Eth.  
Scrib. c. 7

qualis verborum contradictio? Venefica  
mente tenus obsessa sunt: & iterum: Nullo  
modo obsessa sunt. Quale tuum acumen?  
Quanam, ô Neuvvalde, memoria? Modò  
ais, Modò negas. Veritas, ut in Ethicis no-  
stris ex Aristotele definitur, est debita ser-  
monum dictorumq; constantia. Si igitur  
verus haberi, si fidem dictorum tuorum pro-  
mereri velis: oportet te certè constātem esse.  
Hec habui, quæ de forma Sagarū, earumq;  
proprietas pro veritate contra te ulterius  
præter antecedentia dicerē. Si enim copiosi-  
us pergerem: tanta de eadem quæstione pro-  
lixitas nimis vereor lectoribus odiosa fo-  
ret. Redeo itaq; seorsim ad Evvichium. Is  
in progressu suorum librorū post conclusam  
precedentem quæstionem differere pergens:  
Sequitur, inquit, in descriptione nostra Sa-  
garum: eas plerunq; fæminini generis esse.  
Quidni verò Evvichi? Fateor. Et nemo  
Grammaticorum hoc negaverit. Regula e-  
nim generalis atq; Catholica, semperq; vera  
docet: Omnem Sagā esse generis fæminini.  
Si verò de distinctione sexus humani voca-  
bulum generis accipiendum esse velis: ne sic  
quidem

*quidem sententiam tuā omni ex parte improbare possumus. At aliter informanda fuisset definitio. Homo enim artem Magicam siue veneficam exercens, si Saga nominetur, semper fœmina aut mulieris persona intelligitur. Masculina autem persona eandem callens artem alijs nominibus appellatur. Et multi sæpè tales ex masculino genere Magi reperiuntur. In ducatu Brunsvicensi duo, hoc in anno cremati sunt. Sed ad alia progrediendum.*

---

## De Magiæ, & simul de naturæ viribus.

**A***Dhuc de natura Sagarum copiosè disseruimus: progrediendum deinceps ad effecta earundem. De his brevissimus fuit Evvichius. Neuvaldus ferè nullus. Quandoquidem verò ex his ceu fructibus arbores optimè cognoscuntur, & iudicium de ijs proferendum rectius desumi potest: uberius aliquid de ijs repeti operæ pretium ac necessum fuerit, præsertim ob discrepantes etiam aliorum autorū hac de re opiniones.*

## PHYSIOL. SAGARUM

*Sunt enim qui quotiescungq; aduersi quidpiam siue mali contingit, id omne Sagas efficere & operari putant. Sunt & quidem haud pauci qui nihil prorsus eas facere sua virtute posse autumant. Utramq; partem gravissimè hallucinari deinceps manifestè comprobabitur. Primum enim vehemèter eos decipi, falli, labi, errare, peccareq; statui-  
mus, qui quaslibet inusitatas & portētosas in corporibus præcipuè animantium affectiones aut quascungq; inconsuetas obseruationes solis Sagis protinus adscribere solent: veluti ranas & inusitatiores formæ vermes alios, itemq; serpentes in hominis alicuius ventre progenitos: aut si videant ante incognito & diuturniore aliquem morbo, quem Medici citò desinire aut curare confestim nequeunt, esse correptū, ejus causam procreatricem veneficam aliquam esse clament. Quamvis enim à Sagis sæpè producantur ejusmodi rerum genera: non tamen semper & in omnibus ortū ab ijs trahunt. Multū in his faciendis natura, multum ejus imitatrix Magia potest: quod qui ignoramus, aut causam ejus non rectè perspicimus,*



spicimus, Sagis tribuere consuevimus. Sed  
hæc ut clarius intelligantur, paucis aliquid  
de Magia adijciendum. Est autem hæc du-  
plex: Alia vera sive licita, quæ naturalem  
vocant: alia illicita, sive præternaturalis,  
quo nomine Sagarum operationes appellari  
solent. Magia vera est absolutissima phi-  
losophiæ physiologicæ mysteriorum scientia:  
omnia totius universitatis arcana, prout  
hominibus cognoscere fas est, perspecta te-  
nens. Hujus enim scientiæ gnari, qui nunc  
appellantur Philosophi, olim apud Persas  
maximè & Aegyptios Magi honestissi-  
mè, phrasi nimirum Persica dicti fuerunt.  
Hæc Magia influentiam Mundi superio-  
ris in inferiorem habuit exploratissimam.  
Hæc terræ crescentium naturas, qualitates,  
virtutes, earumq; commixtionem accuratè  
novit. Ideoq; magistris eius summus etiam  
habitus fuit honos: adeò ut apud Persas,  
quos dixi, nemo ad dignitatem Regiam ad-  
mitteretur, aut Rex Imperatorve crearetur,  
qui non esset ex societate Magorum. Ex  
horum numero præter alios credunt etiam  
Theologi fuisse Moysen Aegyptium: item

Diog. La  
ërtius de  
vita Phi-  
losoph.

## PHYSIOL. SAGARUM

**Brent. in** *Salomonem: Item testante Brentio, Danie-*  
**com. ca.** *lem prophetam. Hi enim naturæ rerū fue-*  
**8. act. ho** *runt peritissimi. Tales quoque fuerunt, ut*  
**mi. 34.** *Tremellius testari videtur, tres Magi Ori-*  
*entales, qui aspectu & contemplatione stellæ*  
*cælestis, Christi Dei filij natiuitatem per-*

**Magi ad** *spicientes, ex Persarum urbe Susa (in qua*  
**Christū** *florentissima fuit olim Magorū schola) iter*  
**non ex** *videlicet dimensi ducentorum & triginta*  
**Saba ur-** *miliarium, ad adorandum eum Hierosoly-*  
**be Meri-** *mā usque profecti sunt. Verba Tremellij sunt:*  
**dionali,** *Magi Syre dicuntur Meguscha: quæ qui-*  
**sed ex Su** *dem vox in Talmudicis libris malè sonat,*  
**sa vene-** *notatque deditos artibus Magicis. In Syria-*  
**runt.** *co autem Testamento, sicut apud Persas, vo-*  
**In Com.** *cabulum est honestum, ac significat homines*  
**Matth. 2.** *tum sapientia, tum religione claros. Quis i-*

**Tho. E** *gitur non summoperè demiretur sententi-*  
**raft. in** *am Erasti, ubi contendit nullam Magiam*  
**tract. de** *inveniri licitam: adeo ut dicere non vereat-*  
**lamjs.** *tur de Magis solis qui ad Christū venerunt,*  
*quid loquatur se non habere, boninè fue-*  
*runt an mali? Magi, inquit etiam, nomen*  
*semper ferè pro homine infami & detesta-*  
*bili accipitur. Quid mi Eraste? Utrūmne*  
*Persa-*

Persarum Reges, & AEgyptiorum sacerdotes omnes fuerunt habiti infames atque detestabiles? Quid, quaso, absurdius? Scientia porro horum, celebritas, claritas & splendor fuit eximius, potentiaq; in rebus varijs & mirabilibus efficiendis mirifica: ut ex ijs repetere licet, qui de vitis Magorum philosophorumq; scripserunt. In intima naturæ adyta penetrâtes (id quod cui vis facere non conceditur: non enim cuilibet licet adire Corinthum) res admirandas cognoscere, intelligere, exercere, facere, producere, & de novo progignere possunt, ad imitationem videlicet ipsius naturæ. Quenâm igitur, & quales istorum operationes sunt? Exempla qui desiderat, poterit ea petere ex libris & monumentis illorum, qui Magiam naturalem docuerunt, & posteritati descriptam tradiderunt. Unum atq; alterum solummodo hîc recensēbimus. Magi nivem in locis æstuantibus calidissimisq; efficere & cingere possunt. Item rosas recentes in media bruma producere: vivas etiam animantium species ex alieno & improprio semine procreare. Et hac omnia opificio naturæ: quia

## PHYSIOL. SAGARUM

*Magis hisce terra Austrina fructus floresq;  
profert, cum Septentrionalis regio versuum  
non habet; ijsq; singulis diebus fermè Apri-  
lis, Majus, & quilibet alius mensis est: mes-  
sis & satio semper. Id quod Magia imperi-  
tis absurdū, adeoq; impossibile videtur: ut,  
si ejusmodi opera seu facta deprehendunt,  
Satanae opera esse pronuncient. Quid verò  
inquies? An igitur & ipsa natura efficere  
ea potest, de quibus antè dictum est? omni-  
nò quidem. Natura rerum omnium geni-  
trix multa ejusmodi ex causis physicis &  
certis motibus progignere potis est: quæ a-  
lioquin fieri haud posse videntur: id quod  
cū ratio, tum experientia quotidiana fir-  
missimè demonstrat, & verbotenus hoc i-  
psū Galenus quoq; testatur. Variæ admi-  
randæ, & prorsus stupendæ, reconditæ &  
longè nostra cognitione profundiores, a-  
deoque ineffabiles naturæ sunt potestates,  
virtutes, operationes, tam ἐν τῷ κόσμῳ μεγάλῳ  
in mundo majore, quàm ἐν τῷ μικροκόσμῳ, in  
mūdo minore, quem hominem appellamus:  
eæq; sæpenumerò satis ludicræ, ut propter  
novitatem, aut etiam raritatem eas admi-  
rati*

Com. 56.  
lib. 7. A-  
phorif.



rati pro miraculis habeamus, nec naturali  
 casu eas provenire progrediq; credamus.  
 Sicuti miraculum quoq; philosophi defini-  
 unt, quod quia sit insolitū sive rarum, ad-  
 mirationem adfert. Natura inquam lusus  
 sepē hominibus est miraculum, eo quod eius  
 causas ignoremus, & rei prater consuetudi-  
 nem vise naturam, virtutes, effecta haud  
 satis perspiciamus. Exemplis specialioribus  
 res dilucidior erit. Vidi ipse aliquādo Mar-  
 purgi à cive quodā tres ranas satis crassas  
 vi medicamentorum expulsas esse, eumq;  
 deinceps brevi revaluisse: ut omnibus ma-  
 nifestū fieri potuerit, eas ex naturali aliqua  
 putrescente materia in corpore illius crevisse.  
 Et quid mirū eiusmodi animantia in cor-  
 poribus hominū generari? cum videamus  
 aliquando etiam ranis pluerē, quae in supe-  
 riore aëre ex putrida, quae calida atq; humi-  
 da est, materia procreantur: aut sursum at-  
 tracto cum vaporibus aqueis ranarū sper-  
 mate, ut copiose ostendit Milichius Plinij  
 interpres. Similiter & alij vermes ibidem  
 ex simili quoq; materia & quidem propter  
 huius diversitatem diversarum specierum

In Com.  
 lib. 2. na-  
 tur. hist.  
 Plin.

## PHYSIOL. SAGARUM

figuris generantur. Anno 84 proximo ante  
 ferias Palmarum die Luna, rustici cujusdam  
 molitoris propè oppidum Hefstein filius, an-  
 nos triginta & paulo plures natus, qui per  
 integrum fere semestre spacium insignes cor-  
 poris cruciatus sustinuisset, exhibitis à me  
 alexipharmacis usque fortiter simul purgan-  
 tibus, egressit ultra quinquaginta vermes,  
 singulos formam serpentis junioris repræ-  
 sentantes, capite acuminato, circulo circa  
 collum lacteo, corpore alias toto nigricante,  
 quos parens eius protinus in Oderam fluvi-  
 um prope molam suam coniecit: & hoc ita  
 factum esse ad me postero die Corbachium  
 veniens, multis honestis civibus indicavit,  
 mihiq; mercedem benignam solvit. Filius  
 brevi revaluit. Eodem anno, insequente  
 nimirum æstate, & in ipso tempore vinde-  
 miarum, alius quidam in pago Imming-  
 husen/ quod miliare tantummodo unum  
 distat ab urbe Corbachio, postquam menses  
 aliquot continuos ventre suo plurimum tu-  
 mefacto, graves puncturas & erosiones sen-  
 sisset, equo vectus, una cum uxore sua ad me  
 venit auxilia petitum, quæ sibi prodesse  
 queant.

queant. Accepta igitur & ad præscriptum ritè usurpata portione egeſſit duabus vicibus tantam monſtroſorum vermium copiam, ut integram illi urnam repleviſſent. Animantia erant inſtar lacertarum, ſingula majorem digitum longa, capite & reliquo corpore craſſiore, ſanguine pleno ubiqꝫ anfractuoso, ſed cauda quaſi mucronata: quorum vermium aliquot ab ejus uxore in vitro ampliore & aqua repleto mihi tranſmiſſos, clariſſimus vir Laſarus Schonerus, ſchole tum temporis Corbachianæ Rector, quem honoris cauſa nomino, & præter hunc alij multi ciues noſtrates conſpexerunt. Hic certè nullā, quam ego reſcierim, ſuſpicionem veneficij conceperat, ſed ſe hydropicum factum eſſe crediderat. Cur igitur Sagis animalculorum iſtorum in ejus corpore productionem adſcriberemus? Facile potuit materiam ejusmodi in aqua potu ebibere, è qua deinde illa procrearentur. Quid quod vermes etiam in infantibus & pueris indies generari, eoſqꝫ ſepè longos, & numero plurimos, quotidiana experiētia teſtatur? Cur igitur portentum aut veneficium protinus  
E puta-

## PHYSIOL. SAGARUM

putaremus, si in grandioris ætatis hominibus vermes majores, forma ranarum, serpentum, aliorumve animalculorum nonnunquam videamus? Franciscus Valleriola Medicus testatur, Petrum quendam Ratōnum vinitorē Anno 61. in febris continente, assumpto purgante pharmaco, membranam ejecisse palmos viginti longam: & paulo post alteram palmarum octo longitudinis, utraq; tenuem, colore ex albo in luteum inclinante, mollem & tractabilem: ac tamen integrè curatam fuisse. Idem refert Loysonam Roveroini Arelatensis filiam viro nuptam, cum se uterū ferre crederet, post sextum aut octavum mensem peperisse membranaceum globum, totum instar ovorum piscium, aquosis bullis rotundis tumidis, diluta sanie plenis ac fœtidis: è quibus dissectis aquosa & diluta sanies ad citrinum colorem inclinans & fœtens emanavit: ac tandem congruis assumptis remedijs convaluisse. Trallianus Medicus refert, mulierem quandam τὴ βαλίμω correptam, assumpta hiera vermem ejecisse, longitudine duodecim cubitorum, & eo ampli-



us. Et si Plinio credimus, intra hominem Li. 9. nat. hist. c. 15.  
tinea tricenum pedum & aliquando pluri-  
um longitudine nasci possunt. Ejusmodi  
certè vermes & membranas si nostrates ex  
homine excerni viderent: à Sagis opinor  
ortum trahere putarent. Sed quomodo, & à  
qua causa efficiente, ex quâve materia na-  
turali sint facta ista, & in alijs fieri queant,  
copiosè Valleriola interpretatur. Nempe ex  
pituita putrida humida, & sequaci, qualis  
sæpè copiosa in intestinis ex loci natura co-  
aceruatur. Ubi efficitur, ut pro varia nati-  
vi caloris in hanc pituitam actione, varie  
quoque gignantur in intestinis rerum formæ.  
Si scilicet contingit, ita contemperari ma-  
teriam subjectam, ut formæ animantis ca-  
pax esse possit, animal ex ea à natura geni-  
trice potente procreatur: si vero ob putredi-  
nem nimiam inepta sit materia, & anima-  
tioni minimè idonea, efficit nihilominus  
natura quod potest, & pro vivētibz ver-  
mibus membranas inanimatas producit.  
Huc accedit quod Galenus experientia edo-  
ctus verè differit, non tantum illa, de qui-  
bus dixi, corpora, in ventre & intestinis

Li. de tu-  
mor. p̄t.  
nat.

## PHYSIOL. SAGARUM

*hominum naturali modo oriri posse, sed etiam in abscessibus quarumcunque partium, præsertim verò in cruribus varias corporum solidorum species reperiri. Incisi, inquit, abscessus istos intelligēs, omnimodam speciem humidorum ac solidorum corporum intus habere conspiciuntur: & non rarò etiam animantia in ipsis reperta sunt, omnibus ferè quæ ex putredine nascuntur simillima. Præterea & unguibus, pilis, ossibus, carbonibus, arenis, lignis, limo, faci, amurcæ, & alijs similia corpora in abscessibus hoc modo generantur, ut idem Galenus expressè docet: si scilicet substrata in spacio abscessuum vacuo materia diutius hærens, varias alterationes suscipit. Quis igitur tam rudis & physiologiæ imperitus foret, ut si tale quidpiam in hominibus aliquando deprehendat, absq; alijs certis causis, Sagarum artificio protinus adscribere velit? Judicium hoc erit hominũ potentiam virtutemq; naturæ ignorantium. Et hæc de mirabilibus naturæ facultatibus, operibus, effectis, in generatione, mixtione, alterationeq; rerum, & imprimis quidem animantium: qua*

*si Ma-*

Secũ. ad  
Glauc.  
cap. 6.

*si Magia cognoscat, facile etiam imitari potest. E quibus universis explorare & intelligere licet errorem eorum, qui quidvis indifferenter & temerè Sagis tribuere solent. Nec tamen idcirco statuendum, Sagas hæc aliquando etiam facere non posse.*

---

## De potentia & operibus Cacodæmonum.

**A**D eos igitur deinceps sigillatim progrediemur, qui in Ecclesiarum suggestis & alibi ex superstitione potius quàm veræ religionis emulatione clamitantes alijs persuadere volūt: Sagas nihil omninò eorum, quorum arguuntur, malorum efficere posse: quod ipsarum naturæ per se impossibile sit, quod à nemine, neq; à Satana etiam, addiscere artem ejusmodi queāt, quodq; vel Satanas ipse nihil hominibus incommodare, aut non omnia quæ velit, incommoda efficere valeat. His enim argumentis proposita questio de viribus & effectis Sagarum à pluribus disceptata disputataq; fuit. Primum scilicet testimonia sacrarum litera-

## PHYSIOL. SAGARUM

rum proferuntur, velut argumenta irrefutabilia. Essent quidem talia, si non vitiose in alienum sensum torquerentur, & minus recte explicarentur. Christus ait: Nonne duo passeress uno asse veneunt? Et unus ex illis non cadet super terram sine Patre vestro. Item: Capilli capitis vestri omnes numerati sunt. Nolite ergo timere: Multis enim passeribus vos meliores estis. Argumenta hæc sunt à comparatis minoribus, quasi diceretur: Nemo hominem ullum ledere, aut ulli incommodare absq; permissione Dei poterit: à duobus minoribus, 1. quia nec passeress, animantia ex volatilium numero minutissima, absq; illa in terram cadere aut ledi possunt. 2. quia omnes etiam capilli minutissimi tenuissimiq; numerati sunt: res scilicet quæ est corpore seu vita hominis longè inferior atq; contemptior. Et Psal. 34. Regius Psalmista Dauides ait: Custodit Dominus omnia ossa eorum: unum ex his non conteretur. Ex his, inquam, & pluribus alijs infertur ab hominibus nimium scilicet religiosi Daemonem malignum cum suis administris Sagis, nihil prorsus posse nocere alijs



alijs hominibus. At verò proposita questio cum adductis argumentis syllogistice disponatur, & melius consequentia perpēdetur, iudiciūq; rectius extruetur. Nempe syllogismus connexus formetur ejusmodi: Si protector noster Deus Jehova est, ut ne capillus quidem absq; ejus permissu & voluntate de capite nostro decidat, malus spiritus ossa nostra non conteret, hoc est, nihil unquam nobis nocebit. Atqui prius: Igitur & posterius. Assumptio quidem hujus antè demonstrata est. At verò propositionis connexio si dextrè examinetur, minimè necessaria est, minimeq; legitima. Nequaquam enim sequitur ilico: si absq; Dei permissione Satan nullam possit hominibus inferre noxam: cum nullam habere unquam nocendi potestatem, nihilq; quod mortalibus perniciosum sit, efficere unquam posse. Sed hoc potius innuitur divinis istis pronunciatis: Quamvis callidissimus sit ille spiritus, de quo loquimur, & artifex vaserimus, solertissimus, adeoq; rex mūdi potentissimus, omniumq; in tota universitate eruditorum eruditissimus, cunctarumq; rerum quas

## PHYSIOL. SAGARUM

*præter creatorem ullis creaturis novisse datum est, scientissimus expertissimusq;: nihil tamen unquam eum vel ad digiti longitudinem latitudinemve operari, agere, efficere posse, sine Patre cælesti, aut non permitte Deo patre omnipotente: quin Deus, inquam, hoc ipsum velit atq; permittat. Præpotens nimirum spiritus est tantæ virtutis tantiq; roboris, ut vel uno momento integram hanc mundi machinam perfringere & disjicere queat. Multipotens inquam est, sed non omnipotens: ideoq; nihil eorum quæ novit, aut quæ & quando velit, in actum deducere potest, neq; etiam passerculum, ut ostensum est, tam minutam & debilem bestiolum perimere, nisi tum demum si Deus illi cōcesserit. Et hoc est quod Joannes in Apocalypsi refert, se vidisse angelum descendentem de cælo, habentem clavem abyssi, & catenam magnam, quæ apprehenderit Draconem serpentem antiquum, qui est Diabolus & Satanas, & ligaverit eum, &c. Catenis videlicet constrictus tenetur diabolus, & portas abyssi aut inferorum ipsemet aperire nequit, nisi angelus de cælo veniens*

niens clavem adferat, ei<sup>q</sup> Deo iubente aperi-  
 riat. Non igitur potentia ista Satana, de  
 qua dictum est, negatur in precedentibus  
 sacrarum literarum dictis: sed potius ar-  
 guitur cum plurimarum rerum potentia-  
 rum<sup>q</sup>, quas nemo mortalium cire aut exe-  
 rere novit, autorem esse, nec tamen eas nisi  
 Deo volente prestare. Cur verò, inquires,  
 Deus hæc omnia finit, ut in perniciem ho-  
 mines adducantur? An Deus malorum autor  
 est? Absit hoc ab hominibus dicere. Permit-  
 tit, inquam, illi hæc omnia, tum ad punien-  
 dum scelera peccata<sup>q</sup>, impiorum: tum ad  
 explorandam melius constantiam & perse-  
 verationem piorum hominum in fide &  
 vera dilectione: alias<sup>q</sup>, ob causas, quas pro-  
 lixè Theologi persequuntur & docent. Et Jerem. 2.  
 hoc est quod à Propheta Ieremia dicitur:  
 Non est malum in civitate, quod non sit à  
 domino. Universæ calamitates, adversita-  
 tes, pericula & mala qualibet à Deo huma-  
 no generi propter peccata à Deo immittun-  
 tur. Væ tamen homini qui mala fecerit, se-  
 cundum illud Christi: Necessè est ut veni-  
 ant offendicula: veruntamen væ homini

Matt. 18.

## PHYSIOL. SAGARUM

per quem offendiculum venit. Utrum ergo  
 quasi verit aliquis ulterius, Diabolus tam  
 malus est in potentia, & in malitia sua tam  
 potens: Quare igitur Moyses significavit  
 Deum omnia fecisse ut essent bona? & ange-  
 los omnes creasse bonos? An Dæmonē quoq;  
 condidit & fecit malum? Minimè. Natura  
 siquidem hujus bona primum, illustris &  
 sancta fuit, cælesti fulgore coruscans. Sed  
 cum spontaneo motu & propria liberaq;  
 voluntate confestim à Deo suo descisceret:  
 aliam eo ipso naturam assumpsit, & alius  
 planè factus est. Ne autem intelligas Evvi-  
 chi, dum hæc dico, eum non marisissē substā-  
 tiam angelicam, spiritualem, incorporatam  
 & intractabilem. Cum proinde hanc defe-  
 ctionis suæ ob causā se æternis ignibus tor-  
 rendum & scrutiandū esse videret: tum  
 Deo creatori suo, tum cunctis ejus creaturis  
 permanentem gratiam perpetuò invidens,  
 nihil non cogitavit, ac tentavit, quod ad  
 Dei contemptum, & hominum discrimen  
 facere videretur. Spiritus itaq; factus est  
 iniquitatis, omnia sua ad extremam mor-  
 talium pernitiem dirigens, adeoq; ut Bul-  
 lingerus



*lingerus Theologus ait, sui ipsius non a-* Bulling.  
*mans. Tanta ejus in homines est rabies, tan-* decad. 4.  
*ta sœvitia, ut nisi à Deo vero compescere-* ferm. 9.  
*tur, omnia quæ illi inserviunt, vel in mo-*  
*mento perderet, asserente Petro Martyre.* In Com.  
*Unde etiam rectè Abadon, id est, vastator* Epist. ad  
*vel perditor, à divo Joanne nominatur in* Ro. ca. 9.  
*Apocalypsi. Abad enim perdere significat.* Apoc. 9.  
*Idem Asmodeus, perditor cōiugij, der & he-* Tob. 3.  
*teuffel similiter à perdendo, à Samad, id est*  
*delevit. Eodemq; planè sensu Leviathan* Esa. 27.  
*vocatur, quod in gentes procellas & fluctus* Job. 40.  
*variarum tentationum in hoc mundo su-*  
*scitet. Leviathan enim propriè vastus est in*  
*mari cetus, ut David in Psal. innuit. De hoc* Psal. 74.  
*divus Ioannes inquit: Va illis qui in terris* Apo. 12.  
*habitant, & in mari. Diabolus enim de-*  
*scēdit ad vos maximo furore æstuans, quia*  
*novit temporis sui angustiam. Et Aposto-*  
*lus Paulus inquit: in aëre volitant mali*  
*dæmones, sicuti cornices, & spicula sua jacu-*  
*lantur inter vos absq; intermissione: Unde*  
*vox Beëlzebub orta est, quæ magistrum si-* Matt. 12.  
*gnificat muscarum. Beël enim quilibet præ-* Marc. 3.  
*fectus seu Magister est, Zebul Musca est,* Luc. 11.

## PHYSIOL. SAGARUM

- quod instar muscarum plurimi semper nos circumvolitent. Et hinc quoq<sup>s</sup> puta ob multitudinem, frequentia eorum seu societas legio dicitur. Belial autem vocatur, id est spiritus sine iugo, quod à Deo deficiens neminem alium metuat, neq<sup>s</sup> ullius imperium potestatemq<sup>s</sup> reformidet. Ingens igitur vis atq<sup>s</sup> potentia est Satanae in efficiendis malis. Et nihil tamen eorum, ut Augustinus elegantissimè loquitur, sit, nisi omnipotens Deus fieri velit, vel per se faciendo, vel ut fiat sinendo. Error itaq<sup>s</sup> gravissimus est eorū, qui asserere non verètur, Cacodæmones nulla ratione mortalibus incommodare posse. Ecquid enim aliud doctores ejusmodi moliantur? ecquid faciunt? nisi ut securos reddant homines dormitantes, & geniorum malorum astutias nihili omnino pendentes? contra admonitionem Joannis, ubi ait:*
- Apo. 13.** *Datum est illi bestia bellum facere cum Sanctis, & vincere eos: & data est potestas in omnem tribum, & populum, & linguam, & gentem. Et hæc de factis, operibusq<sup>s</sup> Cacodæmonum, deq<sup>s</sup> potentia eorum, & nocendi cupiditate. Atqui facile est, inquires,*  
*ista*

ista omnia intelligere. Unde autē, & qua-  
 nam qualiaq; Sagarum, de quibus hic po-  
 tissimum disceptatur, effecta sunt? An ista  
 etiam rerum, quarum arguuntur, cause ef-  
 fectrices sunt? Intellectum quidem est ad-  
 mirandam potestatem Satanae & ejus quoq;  
 angelis tribui. Quid verò Magi & in mu-  
 lierum scilicet Magicarum societate Sage  
 possunt efficere? & unde didicerunt? Hoc e-  
 nim est quod imprimis cognoscere placet.  
 De his igitur inquam effectis seorsim dein-  
 cept, quae necessaria fuerint, contemplabi-  
 mur: ut manifestetur quàm multa possint  
 Sage alijs hominibus impossibilia produce-  
 re, & quàm multa & enormia peccata com-  
 mittant.

---

## De effectis Sagarum ple- nius in genere.

EX numero proinde Magorum, multi  
 (quae natura hominū est) arte sua lau-  
 datissima utilissimaq; abuti denuò ceperūt.  
 Pejores enim instigante Satana facti, finem  
 artis suae inordinatum, illicitum inutilemq;

## PHYSIOL. SAGARUM

*sibi proposuerunt: in perniciem tantummodo aliorum, rerum naturalium quam didicerant, mixtionem & compositionem usurpantes. Quamobrem & Deo & hominibus tandem ars illorum in visa facta est: multis etiam in locis sacrarum literarum prohibita: adeo ut quanto major ejus abusus ceperit, tanto quoque odiosum magis nomen Magia factum sit. Vocant hanc Magia speciem ad distinctionem prioris praternaturalem, illicitam, &c. Et hujus periti nominantur vulgò à diversitate effectorum malefici, venefici, nigromantici, prestigiatores, alijsque nominibus pluribus. Malefici frequenter appellantur à Moyse in Exodo & alibi, ut Brentius in commentar. annotat: Quos, inquit, scriptura maleficos vocat, hi fuerunt Aegyptiorum philosophi, sacerdotes, & quos vocant spirituales. Nempe malefici nominantur non à scientia, sed potius à malo & pernicioso artis suae usu. Tales Magi fuerunt, qui, ut textus Bibliorum refert, per incantationes suas etiam illa miracula fecerunt, quae Moyses & Aaron Pharaoni antè fecissent. Aquas enim Moyses, ut histo-*  
ria

Moyse  
cap. 8.



ria testatur, in sanguinem vertit: at vert-  
 runt & ipsi. Fecit Moyses ranas: fecerunt &  
 ipsi. Virgas mutavit in serpentes: mutâ-  
 runt etiam illi ipsi Pharaonis Magi. Quod  
 verò illo, ū opera & factitia producta ani-  
 mantia non tam diu vixerint & durave-  
 rint, sicuti ranae & serpentes Moysis, id sin-  
 gulari factum fuit Dei nutu, ut significare-  
 tur fortiolem esse & potentiolem Deum  
 Moysis & Aaronis, eo ipso, cuius ductu &  
 virtute adjuti Pharaonis Magi artem su-  
 am in malum finem exercebant. Uterq; e-  
 nim iste, maiestatem, gloriam & predica-  
 tionem Dei veri spectabat. Hi verò Magi,  
 benevolentiam Pharaonis, & nominum su-  
 orum laudem celebritatemq; querebant.  
 Ex horum quoq; numero fuit Simon Ma-  
 gus ille magnus, cuius ars tum alibi, tum in  
 Actis Apostolorum describitur, cap. 8. Sci-  
 entia huius fuit insignis, cui omnes, ut Euā-  
 gelistae verba sonant, auscultarent, dicentes  
 eum esse virtutem Dei magnam: tantaq; ob  
 eam autoritas, ut hoc sciens vel seipsum  
 baud erubuerit magnum appellare. Fuit ex  
 eorundem societate olim Zoroastres, quem,

## PHYSIOL. SAGARUM

Plato in  
Alcib.

quòd miracula & prodigia plurima ederet,  
Græci, cum quibus vixit, inventorem &  
principem Magia nominârunt. Plato Ma-  
giam ejus divinum Dei cultum vocat. Et  
inter alios deniq; Mahometh ille Turcicus,  
qui Magia usu & exercitatione tantam si-  
bi laudem, tantumq; nominis splendorem  
comparavit, ut cum bubulcus antè fuisset,  
postmodum Rex eligeretur, ac tandem pro  
Deo coleretur. Alij insuper plurimi cele-  
bratissimiq; Magi fuerunt, quorum qui-  
dem ars culpâri non potuisset, nisi ea in con-  
tumeliam majestatis divinæ, & in detri-  
mentum proximi usi essent. Quantò scilicet  
deterior mundus factus est, & Satanas sa-  
vitiam quoq; suam in posterioribus seculis  
majorem exercuit: tantò magis ejusmodi  
hominum numerus crevit. Ex infimo au-  
tem genere illorum esse putamus, qui nunc  
etiam venefici, & in fœmineo inprimis se-  
xu, Saga, lamia, striges appellantur. Et hoc  
genus hominum est longè deterrimum, qui  
nulla etiam rerum naturalium scientia im-  
buti, immediatè à Diabolo hanc artem ad-  
discere non verentur, qui cum sua virtute  
& pro-

& proprio artificio alijs noxam inferre ne-  
 queant, à Deo Opt. Max. deficientes, pere-  
 grinum administratorem & coadutorem  
 eligunt rerum suarum perficiendarum.

Et plurimi quidem hoc faciunt non impru-  
 dentes, aut ex errore ab alijs persuasi, sed su-  
 apte sponte lubentes volentes, præcedente  
 deliberatione. Satanas deinde spiritus ab  
 initio malus, pravæ illorum cogitationes  
 percipiens, tantò magis & vehementius  
 absq; omni intermissione eos ad id quod ex-  
 petunt, aggrediendū impellit, quantò maio-  
 re humanorum periculorum desiderio fla-  
 grat. Ipsi proinde consortio & societate gau-  
 dentes, quoscunq; modò possunt, ad se allice-  
 re student, ut vel filios proprios filiāsve id  
 quod didicerunt, doceant, eorumq; animas  
 & corpora præceptorī atq; amico suo Sata-  
 næ devoteant. Cur autem maior in hoc ge-  
 nere mulierum frequentia reperiatur: ratio  
 in promptu facilis est. Quò enim imbecil-  
 lior hominum natura est: quò animus, ut  
 plerunq; mulierum est, ad nocendum para-  
 tior: eò securior est, eoq; facilius atque ci-  
 tius à Satana ab una sententia ad aliam, &

## PHYSIOL. SAGARUM

*à bono ad malum pertrahi, adeoq; seduci, falli, decipi potest. Saga igitur vel sponte, vel ab amico suo persuasa, familiaritatem cum eo, consuetudinemq; ineunt: & oblato, pro pignore, suo sanguine, pollicentur se fideles ejus in omnibus, quæ unquam ipse possit machinari, & humano generi inferre, periculis fore ministras. O scelus scelestissimum! O familiaritatem execrādam, si modo hoc nomine appellanda sit. O excecatam & perditissimā hominum ejusmodi naturam, qui ei totos se tradūt, ac dedunt, quem universi pariter manifestum & exploratum habemus, infestissimum humani generis hostem esse. Cur, quæso, & quem in finem pactum aliquod cum eo fædusvè ineunt? Quam ob causam illi tantū fidei tribuunt, ut persuadeat eis se constantem & benevolum fore amicum, ijsq; in re omni benè facturum esse? O callidam Satana calliditatem, & nunquam satis admirandam astutiam, qui ad pleniorē pacti fidem, pignus aliquod aliāvè obligationem exigere audet. Natura hominum ejusmodi, jam antè satis deperdita, qualem *μὴ ἀποδοῦναι* patiatur,*



tur, quàm multis modis corrumpatur, om-  
 nes oratores haud sufficienter declamitare  
 possunt. Et quid multis? Mens & voluntas  
 in ijs planè diabolica est. Quippe quæ nihil  
 nisi quod vehementer, quem dominum &  
 patronum suum agnoscunt, Satana placet,  
 quod inutile, quod malum & impium est,  
 cogitant & moliuntur: quæ nullis rebus &  
 actionibus tantoperè student, quàm ut om-  
 nium scelestissimorum artificiorum genere  
 imbuantur, quibus nihil non alijs homini-  
 bus perniciosum efficere valeant. At qua-  
 nam, aliquis quasi verit, muliercularum i-  
 starum efficientia est? Utrum etiam quod  
 volunt & cupiunt, per se præstant? An ve-  
 rò post pactum cum Satana fœdus magis  
 magisq; obcæcata, imaginantur solummo-  
 dò suis viribus fieri & produci ea; quæ ta-  
 men ille Satanas potius per eas efficit? Non  
 tertè. Non sunt hæ, crede mihi, tantum opi-  
 niones, aut mera perpetuò imaginationes.  
 Esse insignem veneficorum veneficarumq;  
 & haud exiguam potentiam: præter supe-  
 riora testimonia de Magis AEgyptiacis a-  
 pud Pharaonem, & de Simone Mago, non

## PHYSIOL. SAGARUM

*tam exprophanorum scriptorum, quàm ex  
sacrorum bibliorum monumentis satis a-  
bunde demonstrabitur. Primum itaq, ut*

In extre-  
mit. lib.  
de mor-  
bo sacro.  
Item de  
corde &  
alibi.

*ab antiquioribus exordiar, Hippocrates Co-  
us Medicus omnium qui ad nos hodie ex-  
tant, scriptor antiquissimus, suis etiã tem-  
poribus incantatores, ejusmodi & incanta-  
trices, Græcè Μάγισ, & ἀγύρτας vocatos, eo-  
rumq, virtutes cognovit, qui tum alijs re-  
bus efficiendis, tum morbis quoq, curandis  
occupati fuerint. Et tamen ipse, quod in  
Ethnico homine mirum sit, admonet, mor-  
bos incantamentis non esse curandos: despi-*

Dialo. 2.  
de Rep.

*ciens nimirum Magiam illicitam. Plato  
etiam vim quandam veneficis tribuit, ubi  
vires incantationis sequentibus verbis de-  
scribit: Prestigiatōres & vates persuadent  
hominibus vim sibi esse, quæ sacrificijs &  
incantationibus suppeditetur, ut si vel in-  
justè quid factum sit à quopiam, aut majō-  
ribus ipsius, medeantur & expurgent illud  
per oblectamenta & festivitates: & si quis  
inimicum aliquē ledere velit, ut cum par-  
vo sumptu justum simul ac injustum ladat,  
incantationibus quibusdam & vinculis,  
veluti*

veluti dicunt, inducentes Deos ut sibi in-  
serviant. Et his, inquit, sermonibus suis  
Poëtas testes adducunt. Et paulò post: Li-  
brorum magnum cumulū proferunt Mu-  
sei & Orphei, Lunæ & Musarū nepotum,  
secundum quos Deorum imagines circum-  
ferunt: persuadentes non solum idiotis, sed  
etiam civitatibus, quod exolutiones & pu-  
rificationes iniuste factorum per sacrificia  
& ludorum oblectamenta viventibus con-  
tingant. Hæc Plato: ubi ostendit, præstigia-  
tores illos artem promississe, qua Deos ipsos  
etiam cogere & alijs nocere possint. Alibi  
quoq; indicat, Magos carminibus suis im-  
mortalitatem corporibus pollicitos fuisse.  
Mira sanè hæc esset verborum & optanda  
potentia. Et hanc ipsam Socrates ait, se di-  
dicisse à Thracensi quodam Medico Za-  
molxidis sectatore. Plato autem ipse incan-  
tationem Magicam definit: orationem  
compositam ex vi à Deo infusa, & rationi-  
bus ex philosophia comparatis: innuens in-  
cantationem Magicam esse divinam phi-  
losophiam. Qua Magia Phæbus primò, de-  
inde Pythagorici morbos ab animo & cor-

Orph. an  
te Chri-  
stū an-  
nis plus  
minus  
1270.

Plato in  
Charm.

## PHYSIOL. SAGARUM

*pore mirabiliter expulerint. De artis quoque incantandi efficacia, leges testantur duodecim Tabularum antiquissima: effecta tamen ejus omnino vetantes: de quibus deinceps seorsim videbimus. Plutarchus in super Sagarum meminit, lib. de vita philosophorum, dirarum nomine. Item Cicero, ubi refert: In li. 1. de divin. Crasso nihil boni accidisse, dirarum obnuntiatione neglecta. E quibus intelligitur, veteribus quoque, & priscis hominibus execrationes quasdam in usu fuisse, quarum ad perdendum eos quos vellent, magna vis foret. Verum leviores forsitan hæ probationes videbuntur. Videamus igitur divinorum interpretum testimonia. Et res erit longè clarior. Lutherus Organon prædicationis verbi divini in hæc novissimis seculis electissimum, expressè asserit & testatur: esse aliquid revera fascinum Magorum, & posse fieri illud, & veneficia. Sed ad pleniorē fidem, verba ejus subjiciemus. Negari, Luth. in inquit, haud potest, quin Diabolus vivat, Comm. imò regnet in toto mundo. Fascinum autem Epist. ad & veneficium sunt opera diaboli, quibus Gal. ca. 3. non solum nocet hominibus, sed permittēte Deo,*



Deo, quandoq; etiam occidit. Sumus aut nos omnes corporibus & rebus subjecti diabolus, & hospites sumus in mundo, cuius ipse princeps & Deus est. Ideo panis quem edimus, potus quem bibimus, vestes quibus utimur, imò aer & totum quo vivimus in carne, sub ipsius imperio est. Potest igitur per suas veneficas nocere pueris, vel angustia cordis: vel excacare, vel furari, vel in totum auferre puerum, seq; in locum ablati pueri in cunas collocare. Ego audi vi talem puerum fuisse in Saxonia, qui suxit quinq; mulieres, & tamen non potuit expleri. Sed idem potest in senibus. Item in iisdem comment. Me puero, inquit, multe erant venefice, quæ pecora & homines, præcipuè pueros incantabant: item nocebant segetibus per tempestates & grandines, quas suis veneficijs excitabant. Hac Lutherus: à quibus evidenter elucet, quantam potentiam, quantamq; facultatem veneficis adscribat: intellige scilicet, si Deus illis concesserit. Similiter Sarcerus in explicatione Actor, Apost. de Simone Mago, Homines, inquit, Sarce. in Com.ca. 8. Actor, Magica arte ex instinctu Satana & coope-

## PHYSIOL. SAGARUM

*ratione aliquid posse non dubito. Est enim diabolus efficax in incredulis, id est, nihil non potest in incredulis, etiam ut signa & prodigia in illis operetur, quibus confirmet impios in sua impietate: id quod docet exemplum hoc de Simone, & illud exuscita-*

**1. Reg. 28.** *ti à Magica muliere Samuelis. Et paulo post: Non est impotens neque inefficax ars Magica, verum potens & efficax. Præterea etiam copiosè de his differit Brentius in ejusdem loci interpretatione. Elegans est & Petri Martyris hac de re doctrina. Copiosissimè autem de potentia Sagarum Bullingerus docet, Magiam & Magiæ species eruditissimè describens. Sed quid hominum vel prophanorum, vel etiam sacrorū pronuntiatis, quorum testimonia in dubium vocari possint, rem totam demonstrare pergo? Scrutemur potius sacras literas, & Dei ipsius, quæ in illis nobis describuntur videamus elogia. Deus enim Jehova in plurimis sacra scriptura locis vim & potestatem artis Magicæ & veneficorum hominum nobis aperit & ostendit: prohibens juxta, ne ejus studio nos unquam dedere cogitemus.*

*Primum*

Brët ho-  
mul. 35.  
in cap. 8.  
Actor.  
Martyr  
in loc.  
com.

Primum namq, ut omittam leges illas de  
 interficiendis Magis & Maleficis, quas de-  
 inceps suo in loco seorsim videbimus: ex-  
 presse Dominus ait: Si quis Propheta fecerit Deut. 8.  
 signa & portenta, & velit te abducere ad  
 Deos alienos: non parces illi: manus tua erit  
 super eum. Et clarius: Ne invenitor in te u-  
 tens divinationibus planetarius aut conje-  
 ctor, aut prestigiator: item utens incanta-  
 tione, aut requirens Pythonem, aut ariolus,  
 aut necromantes. En amabo, manifeste in  
 his legibus ars Magorum omnesq, eius spe-  
 cies illicita prohibentur. Cur autem leges i-  
 sta à Deo latae essent? & in quem, quaeso, fi-  
 nem? nisi certò illi constitisset esse Magos,  
 esse veneficos, aut incantatores, eosq, arte  
 sua plurimū efficere posse. Cur vetaret Deus  
 quidpiam addiscere, si nemo esset, qui illud  
 doceret, aut etiam novisset exercere? Mi-  
 rum sanè hoc foret. Leges nullae feruntur  
 nisi de rebus, quae sunt, & quae solent inter  
 homines evenire. Dauides quoq, Psalmista Psalm. 58.  
 Regius: venenum, inquit, eorum (incanta-  
 tores intelligens) simile est veneno serpen-  
 tis, velut aspidis surdae obturantis aures su-

## PHYSIOL. SAGARUM

*as, quæ non exaudit vocem musitantium, seu carminibus suis eam incantantium, nec venefici incantantis quantumvis sapienter. Ubi dilucidè improbat Propheta incantationem, & studium enunciandi carmina ad incantandum. Verbis enim ijs ipsis*

*Deut. 18. utitur, quæ ponuntur in Deuter. De eadem Math. 7. questione & Christus suo ipsius ore: Veni- & 14.*

*ent, ait, Pseudopropheta & Pseudochristi, & dabunt signa magna & prodigia, ut in errorem inducantur etiam, si fieri possit, electi. Certè si nulla extarent alia proposita questionis argumenta siue testimonia, hoc unum puto satis validū atq; robustum foret ad arguendum insignem Magorum virtutem. Tanta, inquit Christus, est illorum potentia, ut miraculis suis atq; portentis quod velint, vel electis persuadere queant. Attamen plenioris demonstrationis gratia huc etiam referre licet, id quod Apo-*

*2. Thef., stolus Paulus asserit: Cujus, inquit, adventus est secundum operationem Satana, cum omni potentia, & signis, & prodigijs mendacibus. Attendite, quæso, cum omni, inquit, potentia, & signis mēdacibus: mendacia*



dacia signa appellans, non quòd phantastica sint, & falsa, aut verè non apparentia, sed argumento efficientis, quatenus ab auctore mendace proveniunt: vel potius à fine, quia fiunt ut hominibus imponant: eò quod impij semper digni sint qui decipiantur, nimirum ut divus Apostolus addit, quia dilectionem veritatis nō receperunt. Addo & Apocalypseos testimonium illud: Data est Apoc. 13, bestiae potestas, &c. data est ei potestas in omnem tribum, & linguam, & gentem. Et hac de veneficorum veneficarumq; mulierum potentia sufficere puto. Quid enim opus est pluribus? cum ex precedentibus satis superq; percipi potuerit, ingentem esse non tantum Satanae, verū etiam ministrarum ejus Sagarum, quae illi privato contractu sese obstrinxerunt, potestatem: adeoq; plurima ab ipsis fieri quae verè sunt, id quod videntur, quemadmodum serpentes, quos antè à Magis Aegyptiacis productos aut factos esse diximus, veros fuisse serpentes, cum divo Augustino Petrus Martyr expressè fatetur. Et quod in pediculis facientis defecerunt, manifesto indicio esse, antea

P. Mart.  
in locis  
comm.

## PHYSIOL. SAGARUM

rem illorū haud prestigijs fuisse peractam,  
 & Magos cum Moyse rebus ipsis verè for-  
 matis, non prestigijs, illuc usq; contendisse.  
 Conclufivè igitur dico, & iterum iterumq;  
 dico: Plurima Magi verè faciunt, & res  
 ipsas verè & substantialiter sepè exhibent  
 oculis hominum conspiciendas. Non presti-  
 giæ solum, non ludibria, non apparentia,  
 aut *quæ* *quæ* sunt ea omnia, quæ Sage fa-  
 ciunt. Quamobrem denique demirari satis  
 nequeo tuam, ut ad te revertar, Evvichi,  
 sententiam, qua asseris, Sagas ne minimam  
 quidem partem eorum, quæ illis tribuuntur,  
 facere, non quòd non velint, sed quòd non  
 possint: adeoq; ea tantum vel diaboli ope eas  
 posse, ad quæ natura sua idoneæ sint. Qualis  
 qualis illarum natura sit, nihil tamen mi-  
 rum est, si Satanas ea, quæ potest, ad interi-  
 tum hominum efficere illas quoq; doceat: &  
 vicissim illas, si instituantur & doceantur,  
 omnia ejusmodi addiscere, & in usum de-  
 ducere posse, haud est absurdum credere.  
 Quòd si verò nihilominus aliquis nimium  
 corde induratus, & mente stupidus iudex  
 precedentibus, tum humanis, tum divinis  
 testimo-

*testimoniorum argumentis firmissimis fidem adhibere nolit: cogitet is & perpendat, quid quotidiana, & manifestè sensibilis experientia de effectis ejusmodi hominum sæpiSSimè cum plurimorum periculo contestetur. Perpendatur insuper ipsarū Sagarum propria & incoaëta liberrimaq; de istis omnibus confessio. His tandem argumentis univèrsis qui non movebitur, eum non modò imperitum, stupidum, aut stolidum, sed stolidissimum, ineptissimumq; rectè dixerim.*

---

## De specialibus nonnullis Sagarum effectis.

**A**Dhuc generaliter de effectis, de potentia & viribus Sagarum dictum est: Sequitur præsius aliquid de singularibus nonnullis illarum operibus. Fatentur etenim multi, eas licet plurima præstare queant, non tamen efficere posse sequentia. Sæpè enim vulgò quæsitum est. Primò, An Sagar seu veneficæ mulieres adjumento & ope diaboli possint infantibus alijsq; hominibus morbos exhibitis quomodocunque venenis

## PHYSIOL. SAGARUM

*inferre: utpote phthisin, membrorum stuporem & ariditatem, claudicationem, &c. Secundo queritur: An possint per aërem quasi volitare, & per caminum extra ades suas de loco ad locum alium transferri, ubi convivia & ludos varios celebrent. Tertio: Utrum possint eadem in catorum seu felium, aliorumq; animantium formas à Satana vel seipsis transformari. Quarto: An cum Satana rem siue actionem veneream; ut ipse fateri solent, exercere queant. Quinto: Utrum efficere quoq; possint, ut mare naves, quas velint, absorbeat. Ac denique: Utrum pluvias, tonitrua, fulmina, ventos, aliasq; aëris tempestates, quibus noxam segetibus & hominibus ipsis inferant, ciere & producere valeant. De his igitur singulis questionibus proposito ordine deinceps in specie sententiam nostram aperiemus. Pleriq; quod equidem sciam, has propemodum universas negativè concludunt, à quorum partibus noster etiam stat Bremensis Evvichius. Arduæ quidem & graves quæstiones hæ videntur: attamen ut in sequētibus manifestabitur, ejusmodi sunt, quæ adhibita*  
*ratione*



ratione intelligi & decidi possint. Prudenter itaq; considerandum & dijudicandum fuerit, quid de singulis verè statuendum sit, ne miserae mulieres eorum quæ minimè fecerint, arguantur.

---

An Sagæ corpora humana inquinamentis morborum contaminare, ranas aliosq; vermes in illis progignere possint, &c.

AD primam porrò questionem quod attinet, sæpissimè, proh dolor, experimur, inter alia quæ Magi committunt peccata haud infrequens esse homicidium: quando exhibitis clandestino venenis alios homines ita perdunt, ut si non protinus cōmuni hac luce privetur, longo tamen tempore aegroti decumbant. Hoc inquā est, quod frequentissimè ubiq; terrarū cōtingere plurima exempla contestantur. Et sunt quidem nihilominus, qui tale quidpiam fieri in hominū vita

## PHYSIOL. SAGARUM

*constanter pernegant: eò quod nec Satan,  
 nec veneficus aliquis, in re ulla alijs nocere  
 possit. Alij contrà asserunt, si omninò hoc i-  
 psum eveniat, ejus causam efficientem esse  
 non Sagas, sed solum Satanam sive spiri-  
 tum malignum, qui illis illudendo persua-  
 deat, ut putent aut imaginentur solum se id  
 fecisse, quod per diabolum alioquin effectū  
 est. Atqui contraria horum sententia fir-  
 missimis argumentis pluribus demonstrari  
 potest: quemadmodum de opinione eorum  
 qui diabolum & ejus ministras arbitran-  
 tur nullam noxam inferre posse, jamante  
 satis abundè diximus. Specialiter itaq; hoc  
 in loco vidēdum de eo, quod sanitati adeoq;  
 ipsi vitæ hominum Satan ejusq; ministri  
 officere queant. Quomodo verò, qua arte,  
 quibus medijs hoc efficit? An immediatè,  
 aut solo contactu invisibiliter hoc præstat?  
 Hæc ut intelligantur, sequentia diligenter  
 observanda veniunt. Nempe demones ob  
 insignem suam totius universitatis scien-  
 tiam, & plurimorum à condito inde mun-  
 do seculorum experientiam, initia rerum  
 naturalium & semina optimè omnium co-  
 gnosce.*

gnoscere colligere & inter se componere, a-  
 gentia videlicet siue causas illarū cum pa-  
 tientibus coniūgere & commiscere norunt.  
 Possunt itidem movere aliquid & alio im-  
 pellere: & si velint aut si opus videatur,  
 corpus alicujus animantis assumere & in  
 hoc cum hominibus versari queunt. Et hoc  
 verissimū esse, nemo arbitror ratione præ-  
 ditus negaverit. Naturæ enim totius scien-  
 tissimus artifex, omnium quoq; inde orta-  
 rum rerum naturalium possibilem mixtio-  
 nem, transmutationem, vires plerasq; &  
 facultates perspectas habet. Quid igitur è  
 genere speciem arguentibus mirum videat-  
 ur: eum semina plantarum aut ipsas quoq;  
 plantas earumq; partes, aliasve res veneno-  
 sas rescire, & si velit contemperare posse,  
 ut pharmacum inde conficiat hominū cor-  
 poribus lædendis & interficiendis idoneum?  
 Quid quod & homines improbi, qui in Sa-  
 garum tamen aut Magorum societate non  
 sunt, venenosa pharmaca aut toxica phil-  
 traq; parare, eaq; ferculis seu poculis illorū,  
 quibus perniciem moliri cogitant, clande-  
 stinò injicere aut immiscere queūt? Quem-

G

admo-

## PHYSIOL. SAGARUM

In Philo.  
magna.

*admodum experientia quotidiana testatur, amatores, qui illicito & scelerato iu-  
vencularum amore, & vicissim flagrant,  
poma, pira & alia ejusmodi assumpto vene-  
no inficere, prae parare, idq; ita illis intrude-  
re, ut nullo apparente foramine assumentes  
minimè videant: & si non confestim mo-  
riantur, multos tamen annos lethaliter in-  
de contabescentes decumbant. Quanto ma-  
gis itaq; & facilius hoc Satanam prestare  
putabimus, quem adventantem, & quod  
dictum est, insidias vitae nostrae struendo  
efficientè haud quaquam videmus. Haud  
temerè dixero, hanc illi omninò scientiam  
inesse, ut possit venena ex rerum naturali-  
um corporibus extrahere, & sibi conficere,  
hominumq; quibus velit, vel non cernenti-  
um ferculis poculisve, ut antè dixi, com-  
miscere. Omnes siquidem callet artes, quas  
unquā homines scire aut addiscere value-  
runt: ut rectè Paracelsus philosophatur. Et  
haec omnia commodius efficit assumpta for-  
ma alterius hominis, quem ei, cui insidias  
struit, quotidie familiarem esse perspexit.  
Quid verò tantum de exhibitis & admi-  
nistratis*



nistratis medicamentis loquor? Potest enim  
absq<sup>ue</sup> illis etiam corpora hominum tabifica  
reddere, admovento saltem ijs vel suppo-  
nendo in locis, ubi potissimum morantur,  
aut incedere solent, radices aliq<sup>ue</sup> pharmaca  
noxia, ut morbis sevis<sup>simis</sup> inde corripian-  
tur, ijsq<sup>ue</sup> deinceps arte Medicorum sepe in-  
curabilibus. Hæc contra te assero Evvichi:  
nec tamen idcirco Satanam ulla ratione, ut  
tu suspicaris, numen omnipotens esse statuo.  
Audi quid Theophrastus ille Paracelsus di-  
cat in hanc sententiã: Est etiam, inquit,  
in Sagarũ ascendentibus alia venefica pote-  
stas, qua varios morbos, quos ex ordine re-  
citare haud possibile foret, per sua stramina,  
porcorum setas, ossa, corium, fragmenta  
quorumvis, plumas, testarum frusta, fuso-  
rum cuspides, abjecta ruptaq<sup>ue</sup> linteola, spolia  
piscium, & alia similia, præter cutis aut lo-  
ci, per quem intra verint indicium aliquod,  
corporibus hominum inferunt: ut idem fo-  
re videatur, ac si visibili quodam impetu  
locus, in quem invisibilis ejaculatio fuit  
impressa laderetur: quam ejaculationem  
deinceps infirmitas subsequitur naturalis,

In tract.  
Philoso.  
magnæ  
de male-  
ficis, c. II,

## PHYSIOL. SAGARUM

dolorq<sup>ue</sup> intolerabilis, &c. Et si nullum rationis κρίτητον, nulla experientia, nullum deniq<sup>ue</sup> ullius hominis literati testimonium, idipsum quoc<sup>umque</sup> edoceret: sola tamen litera sacra, quarum vel unicum pronunciatum dextrè, & nativo sensu intellectum, firmissimo verissimoq<sup>ue</sup> argumento esse potest, expressis verbis evidentissimè id confirmant.

Job 2.

Et quidem præter alia, omnium ore tritum illud Jobi: Ubi egressus Satan à cōspectu Jehovæ, percussit Jobū ulcere pessimo à planta pedis usq<sup>ue</sup> ad verticē eius? Annōn hæc manifesta veraq<sup>ue</sup> historia est? Annōn sufficiens & satis validum hoc testimonium est, causa efficientis eorum, de quibus hucusq<sup>ue</sup> loquimur? Percussit eū ulcere, inquit textus. Sive autem mediatè sumptis & usurpatis venenis, sive immediatè id fecerit, nihil omninò refert. Fecit enim, ut ex historia liquet. Et potuit arte sua hoc facere, adeoq<sup>ue</sup> scivit se facere & præstare posse. Nisi enim hoc novisset: cur, quæso, ad DEUM Abijisset rogatum, an ejus permissu sibi id licitum foret? aut cur, inquam, DEUS Jehova dixisset ad Satanam: Ecce in manu tua Jobus esto:

esto: veruntamen vitam eius serva. Quorsum, quaeso, haec verba? nisi ille manum, id est, potestatem habuisset Jobo nocendi, quomodocumque vellet. Efficientiā igitur istam Satana haud malè tribuimus: sed voluntate, gubernatione, praedestinatione Dei Opt. Max: & iudicis iustissimi determinatam. Licetor scilicet Dei fuit Cacodemon ille, qui nihil eorum quae potuit, efficere ausus fuisset, nisi permisisset ei vel voluisset hoc ipsum Deus aternus. Et fecit tamen illud scilicet à Deo sibi permissum, ad explorandam fidei in diuvo Jobo constantiam, ut ex contextu verborum evidenter apparet. Sed quid in re manifesta opus est pluribus? Delirus & amens sit, qui plura sacra scripturae testimonia in proposita quaestione requirit. Quorsum autem dilabor? Contesseris enim forsitan Evvichi haec omnia: Videlicet si quod vulgò Sāgis adscribitur, homicidium perpetretur, eius causam quidem efficientem esse Satanam: sed ipsas etiam Sagas tale quidpiam efficere, puto negaveris. Hoc enim inquires, multis impossibile videtur. At qua inquam fronte? Quidni & illis delicti ejusmodi aut

## PHYSIOL. SAGARUM

*efficientia morborū quorundam culpa imputaretur? Attēde & intelliges facile quid de hoc rectē sentiendum veniat. Quod si Sagis per se talis efficientia tribuenda non fuerit: sequetur aut non velle eas aut non posse id, cuius insimulantur. Sed neutrum horum esse, ē sequentibus liquidō patebit. Animus earū & voluntas parata si ve proclivis ad nocendum ex eo probatur, quod omnibus studeant, omnia discant, faciant, quæ ad extremam aliorum vergunt perniciem: quod hanc maximē ob causam fædus cum Cacodamone feriant, ut doceantur ab eo hæc omnia rescire, experiri, facere, operari, quæ aliorum vitæ noxia futura sint. At qui faciliora hæc sunt, quàm quæ pleniorē demonstrationem requirant. De potestate itidem earum, de qua tamen major controversia est, minimē dubitandum esse censemus. Cum enim summa arte scientiaq; Cacodamon unusquisq; polleat: quid mirum si dicatur, eū Sagas quoq; hanc ipsam artem docere: vel etiam confecta à sese pharmaca, alimenta, philtra illis offerre aut exhibere posse, ut ipse postmodum ea subministrent alijs?*



alijs? Cur hoc minus verisimile, cur absurdum videatur. Quam verò ob rationem quod per se & sua arte potest, per adjuvantes seu administras causas efficit? Ratio est: ne illi soli tale effectum adscribatur, sed ut in Sagas quoq; eius culpa transferatur: & in primis quidem, ut hoc modo plures simul una eademq; operatione homines pereant, delinquentes nimirum venefici & alij ab ijs per diti. Quid si dicerem secundum physiologiae fundamenta & rationes: non prorsus impossibile esse, aut ijs denegatum, quin per se ex singulari quadam industria, cognitione atq; peritia rerum naturalium tale quidpiam addiscere valeant? Qui hoc negaverit, steriliorem, impotentior, imbecillior, quàm sit, naturam esse putat. Amplissimus, uberrimus, fructuosissimusq; naturæ ager est. Tam multa, tam copiosa huius merces est, tanta huius dona, tantaq; virtutes sunt, ut à nemine unquam mortali-um perfectè & absolutè inquire, nedum cognosci queant. Omnis siquidem natura, si-ve substantia naturalis à Deo condita, eiusq; ratio, proprietas, virtus menti huma-

## PHYSIOL. SAGARUM

ne ad inquirendum subjecta est, ut eleganter eruditeq; Paracelsus philosophatur: sed non omnis ex equo vel pari mensura omnibus. Deus siquidem secundum certam pro placito suo mensuram unicuiq; largitur, tum alia dona, tum ipsam quoq; scientiam. Qua quanto magis quispiam abutitur, tanto peior habendus, tantoq; maiore pœna dignus est. Quamobrem & Magia qua dicta fuit naturalis, haud culpabilis esse potest, si nihil mali inde oriatur. Taceo nunc, & non plenius commendo, si ve etiam defendo illorum opinionem, qui plantas aliasq; res nonnullas annotant & describunt, quæ vel Spiritus si ve genios malignos fugare soleant. Sicuti præter alia de sale Bodinus prolixè disputat. Horum enim fides nunc penes alios esto. Sed de his etiam suprâ copiosius. Addo tantum Paracelsi sententiam, ubi docet: nonnullas veneficas ab ipso ortu seu naturæ vitæ sua tales esse vel fieri: quarum scilicet, ut ipse loquitur, ascendens sydus in conceptione aut generatione sit veneficum. Et hoc verisimile multis videtur: eò quod plurimi ad furtum, ad rapinam, homicidium &

Paracelsus.

Nōnullæ veneficæ à natura tales.

um & alia scelerum flagitiorumq; genera  
 committenda nascuntur, nisi educatione  
 assuefactioneq; sapientiores facti astris do-  
 minentur. Quid enim hoc, quod dicitur,  
 Sapiens dominabitur astris: aliud signifi-  
 cat, quàm ut credamus ingentem esse vim  
 & facultatem eorum. Verùm ut ad propo-  
 situm revertar: Sage quocunq; modo ex antè  
 traditis suam artem didicerint: volunt &  
 possunt aliorum corporibus varios morbos  
 inferre. Possunt, inquam, si non aliunde, at-  
 tamen à Satana imbutæ, institutæ, edoctæ,  
 hoc facere. Porro si volunt quod possunt, &  
 contra: quî, quæso, & cur tam temerè quod  
 de ijs auditur, phantasticum omne censere-  
 mus? Accedit insuper propria & spontanea  
 sæpe quam suo ore edunt confessio: sicuti u-  
 na ex crematis Lemgovia Sagis confessa est,  
 se civem quendam, cuius tamen hic nomen,  
 quod incolis illius urbis satis notum sit, re-  
 ticeo, claudum fecisse: & alia ibidem sua  
 voce testata est, se Consulis uxore primam,  
 suppositis adium illius limini rebus vene-  
 natis eò redegisse, ut eo ipso die agrotare in-  
 cipiens, brevi post vitam cum morte com-

## PHYSIOL. SAGARUM

mutarit. Quo argumento, quòdnam aliud  
 magis ratum firmiterq; desiderari possit in  
 ullis rebus pertractandis, nemo Logicus fa-  
 cile dixerit. Exemplum addam quod ipse  
 vidi & observavi: Fides enim ijs habenda,  
 quæ experientia exemplis nobis ostendun-  
 tur. Hac ipsa præsentis anni 85. æstate, mu-  
 lier venefica Waldecie comprehensa est,  
 quæ in oppido ditionis Illustriss. Principissæ  
 Barbara, comitissæ Waldeccensis, &c. Beun-  
 vicini cuiusdam sui famulæ radicem quan-  
 dam in superiorem togæ, quam ei parare de-  
 buerat, partem duplicatam insuens effece-  
 rat, ut simulatq; illa famula vestem, quam  
 dixi, indueret, ea ipsa protinus hora circa  
 lumbos, quos extremitate sua vestis proxi-  
 mè tangebatur, pessimè afficeretur, & conse-  
 ssim per totum corpus gravissimis cruciati-  
 bus torqueretur. Paucis insuper diebus post,  
 ossa quoque instar majorum crassiorumq;  
 dentium equinorum, & concham exiguan-  
 tem vomuit. Vidi ossa omnia, vidi concham, &  
 ipse cultello quodam meo discidi & contudi:  
 ut nunquam mihi persuaderi patiar, hanc  
 oculorum fuisse obfuscationem. Unum ad-  
 huc



*huc proferam testimonium, quod à fide digno viro mihi trāsmissum est anno, &c. 73.*

14. Novembris. Stephanus, cognomento Kalen / ex oppido Hollenstedt / in ducatu Brunswicensi, à duobus affinibus suis veneficij accusatus, inter cetera spontè, & extra omnia vincula confessus est, se à prima sua conjuge, quæ in urbe Ratelberg / cum aliis Sagis concremata esset, artem veneno necandi homines didicisse: & postmodū quando secunda, cum qua tum temporis vixerat, iratus factus esset ob suspicionem adulterii, venena quadam, quæ tamen hîc nominare non libet, pulverisata commixtaq; in puerperio ad enecandum eam exhibuisse. Item quod adjuvante se priore, quam dixi, conjuge, Martino cuidam Rhexopffs in Bacchanalibus ob discordiam & litem exortam, in calida cerevisia potu venenū propinaverit, ut is intra octiduum mortuus fuerit. Similiter quod alium virum, Hans Niesfents / anno ante, veneno ex tribus, quæ etiam nominavit, animantibus præparato interfecerit. Adhac liberè etiam fassus est, se oleario cuidam ejus loci, quidpiam

## PHYSIOL. SAGARUM

*ex aliquot animantium venenosorum partibus confectum, ante limina adium projecisse, ut exiens ille extra eas protinus dolores senserit, primò in superiore brachio, ac deinde in reliquo corpore, quibus adhuc graviter torqueretur. Et juxta medicamenta recensuit alia, quæ antedictis morbis iterum mederi possent: quæ tamen omnia minimè hoc in loco describenda fuerunt. Quamobrem sequente die 15 Novembris iterum absq; civilibus tamen quæstionibus examinatus est: ubi præter alia dixit, quomodo ob cadentem in aquas pileum suum ibidemq; amissum Deo omnipotenti iratus, eumq; abnegans, Satana se dicarit, & hunc ad se accerserit: ego, inquit, tibi me totum dedam, tuaq; tutela me committam. Veni tu ad me Satana. Hic igitur vocantem audiens, quicquid ille modò voluit, fecit. Postmodum die 20 ejusdem mensis justo judicio veneficus iste concrematus est. O horrendam impietatem! O diabolicam Magiam, & alia plus quàm ineffabili pœna dignam! An proinde his auditis & cognitis, adhuc Evvichi, Sagarum efficientiam in præparandis*

randis venenis, & interficiendis homini-  
 bus negare voles? Imprudens menteq; vesa-  
 na, adeoq; impudenter impudens hoc fece-  
 ris. Hæc enim communis natura est homi-  
 num vel sceleratissimorum, ut citius boni  
 alicujus effectores se esse, quàm mali vel mi-  
 nimi autores, gloriari soleant. Quare igi-  
 tur Magos ejusmodi & veneficos, & qua  
 fronte insontes esse pronuntiabimus? aut  
 non putabimus hoc fecisse, quod sibi ipsis vo-  
 lentes libenter adscribunt. Si verò in fide  
 hujus quæstionis ad *καὶ λαοίαν*, imaginatio-  
 nem, præstigias & ludibria Satana cum  
 Wiero Medico recurrere volueris, quod  
 fascinentur & obfuscentur isti Magi à ma-  
 lo Spiritu ad confitendum ea, quæ tamen  
 minimè perpetrarint: hujus refutationem  
 ex antecedentibus satis abundè cognoscere  
 poteris. At plenius tua verba videamus:  
 Sage, inquis, nihil supra naturæ suæ vires  
 possunt, &c. Et paulò post: Propterea frustra  
 creduntur pharmaca certis præstigijs in-  
 cantata, quæ vel ore hausta, vel attracta o-  
 doratula dant illos tantummodò quos ipsa  
 velint, reliquis similiter usurpantibus ni-

## PHYSIOL. SAGARUM

*hil obsint, &c. Non esse in natura viribus,  
aut prorsus esse impossibile, hominem natu-  
ralia remedia siue φάρμακα parare, quæ u-  
surpantibus illa incommodent: quis unquã,  
quæso, mortalium asseruit, præter unum E-  
vvichium? Hoc rectè commentum & λεγε-  
τολογία Evvichii: hoc παρόδοξον nulla de-  
monstratione constabilitum appellabitur.  
Hoc enim si sit, totius Medicina fundamen-  
ta labefactari corruereq, necessum erit. Est  
siquidem possibile multis. Ergo si assumpse-  
ris, & Sagas esse homines, facile quoq, evin-  
cetur, illas pharmaca ejusmodi præparare  
posse. Quinimò Magis & Magicis mulie-  
ribus hoc tantò facilius erit, quantò melius  
à spiritu maligno rerum omnium peritissi-  
mo juvantur. Veruntamen repetitis dili-  
genter antecedentibus absq, gravamine, o-  
pinor, hoc dabis. Quod autè simul eodemq,  
modo assumentibus illa non pariter noceat:  
aut, ut tua verba sonant, eos tantùm ledant  
quos ipsa velint, alios similiter usurpantes  
non item: hoc inquis esse, quod nemo sana-  
mentis sibi persuaderi patiatur. At ego con-  
tra me exēpla specialia, quæ dicto tuo fidem  
faciant,*



faciant, observare multa vix memini. Et  
 tamen si fiat hoc, menti humana intellectu  
 nequaquā difficile esse dico. Equidem enim  
 indissolubilem, quem tu nodum censes, absq̃  
 ulla tū artis ullius, tū pietatis jactura solvi  
 posse arbitror. Et quidni? cum absurdā hanc  
 tuā sententiam esse ex Philosophia, Medici-  
 na, & media deniq; Theologia demonstrare  
 queam. Annon enim physiologia tibi Arist.  
 ostendere potuit: agens nullum agere nisi in  
 patiente benè disposito ad recipiendum. Id si  
 novisti, intelligere quoq; debuisti: si venenū  
 à Sagis homini alicui exhibitum, sit lethale,  
 et ab alio similiter assumptū, ei haud noceat:  
 fieri hoc propter diversam assumentū illud  
 cōplexionem: quarum altera vincitur à ve-  
 neno, altera verò illud ipsum vincit & ex-  
 tinguit. Quomodo sapissimè videmus unū  
 idemq; alimentū à pluribus comestum, om-  
 nibus ex æquo cōmuniter non pdesse: et con-  
 tra, non nocere. Causa nimirū est diversitas  
 temperiei corporū. Maritus quidam vene-  
 ficus conjugī suæ puerperæ potionem propi-  
 navit veneno infectā, putans se illam inter-  
 fecturum. At illa incolumis mansit. Venenū  
 siq̃dem illud, opinor, in corpus eius pluribus

## PHYSIOL. SAGARUM

antè humoribus (quale puerperarum est) adhuc malè ceinquinatis refertū incidens, non tam citò in substantiam illius partium vires suas exerere potuit, atque in alterius corpore puriore. Idem enim & alios yisdem suis Magicis pharmacis interemit. Hyosciami semina minutissima si in maiore quantitate assumantur, homini venena sunt & lethalia: Muribus autem longè imbecillioribus & minoribus animantibus, id quod ipse aliquoties observavi, alimenta sunt gratissima minimeq; noxia. Nempe quia diversa est ventriculi hominum & murium complexio, ideoq; actio etiam utriusque impar. Physica quoq; ratio hac est: Demoncellerrima sua agilitate & motione velocissima eo ipso momento, quo Saga porrigunt alicui medicamentum ut perdat, veneno suo illud inficiens aliter preparat & afficit, atq; reliqua portio sit disposita, quam alius forte fortuna accepit. Non certè intelligo si hac naturæ legibus seu etiam potentie sint contraria. Cur igitur hac, Evvichi, cum tuis miraculosa esse putas, aut ceu impossibilia miraris? Utrum, quia potentiam illam

nath-

*naturæ neutiquam percepistis? ut hoc uno  
 insuper præter antecedentia ex Augustino Augu. de  
 comprobare placet. Miraculum, inquit ille, utilitate  
 voco, quicquid arduū aut insolitum supra credēdi  
 spem vel facultatem mirantis apparet. At- ad Hon.  
 tende, quæso, verba illa, supra facu. tatem cap. 16.  
 mirantis, & quid velim, perpende. Idem  
 alibi in hanc sentētiā inquit: Non oportet Libro 21.  
 moveri, cum Magicis artibus miracula fi- Sentent.  
 unt, plerunq; similia miraculis quæ fiunt sent. 4.  
 per sanctos Dei servos. Non oportet hæc mi- ce  
 rari, quia omnia quæ visibiliter sūt, etiam ce  
 per inferiores potestates aëris huius, non ce  
 absurdè fieri posse creduntur. Si insuper ad  
 Medicæ artis, quam exercuisti, praxin re-  
 curramus: Annōn observasti, pestilentie ab  
 aëre contagioso originē trahentis venenum  
 plurimos sæpè, proh dolor, in uno eodemq;  
 loco simul inficere, nec tamen omnes pariter  
 interficere aut occidere? Quis verò illud  
 venenum hoc modo præparat, ut uni noce-  
 at, alteri non absit? Archeus ille dico in  
 corpore hominum seu Iliaster, ut à Paracel-  
 so vocatur, naturæ artifex, aut ipsa natura  
 rerum in eo dispensatrix optima. Annōn  
 H deniq;*

## PHYSIOL. SAGARUM

Mala. 1.  
Rom. 9.

deniq, si Theologiæ fundamenta cognovisti Doctor EVvichi, liquere tibi potuit, hoc arcanum & imperscrutabile Dei iudicium esse, idq, iustissimū, quod alij conserventur diutius in hac vita, alij citius perdantur. Judicis, inquam, hoc beneplacitum, hoc decretum iudiciumq, est, qui Esau reprobavit, & Jacobum fratrem dilexit, antequam in utero matris uterq, conciperetur. Quocirca neq, Sagarū pharmaca universis qui ea acceperint, mortem inferent. Viden' igitur EVvichi, quàm graviter in philosophiam, Medicinam, Theologiam, quarum tamen omnium scientiarum nomine concelebrari cupis, in proposita questione impegeris? Quicquid quicquid porro copiosius disputetur, Sagis tamen efficientia hac tribuenda est. Effecta videmus. Causam efficientem eorum Sage se esse profitetur. Quid igitur ulterius? Ais verò efficientiā istiusmodi non esse per se naturalē neq, voluntariam, sed solummodo instrumentariam, quæ nihil nisi Satana movente operetur? Quid tum verò postea? Et instrumenta omnia seu causæ, ut loquuntur, instrumentariæ, ab uni-



universis Logicis rectissimè inter alias effici-  
 cientis causæ species connumerantur. Quod  
 qui non fatetur, is Logica artis planè impe-  
 ritus est, itemq; delirus & amens est. Si ve  
 igitur causam efficientem procreantem per  
 se absolutè intellectā si ve instrumentariam  
 nominaveris: efficientiam tamen & vim  
 efficiendi, ut tribuas illi, ex propositis argu-  
 mentis necessum fuerit. Eapropter Ulricus  
 ille Molitor, quem tu, Evvichi, in definiti-  
 one Sagarum citasti, haud malè concludit  
 hoc modo: Ipsam scilicet Dei providentiam  
 occulto suæ bonitatis iudicio nocēdi quidem  
 potestatem diabolo permisisse: neg, tamen e-  
 um huiusmodi potentiā amplius extendere  
 posse, quàm à summo Deo concessum fuerit.

---

An Sagæ scopis vel baculis  
 insidentes, per aërem vo-  
 litare possint.

S Ecūda questio de specialibus effectis Sa-  
 garum proposita fuit ejusmodi: An extra  
 ades suas per caminum aut per aërem voli-  
 tare, & sic de loco ad locum alium possint

H a trans-

## PHYSIOL. SAGARUM

*transferri, ubi convivia aliosq; ludos celebrent. Mirum enim hoc esse propemodum universis, adeoq; totum ex imaginatione & insomnijs nocturnis procedere videtur. Et quid ni mirum esset? Conditionem & artem se habere ac novisse profitentur, quæ baculis, furcilibus, palleis, scopis, & alijs ejusmodi insidentes per caminum evolent, prius peruncta certis quibusdã unguentis, quæ solent enumerare, utpote cati alicujus aut lupi adipe, & lacte a sinino, & nescio quibus alijs. Res hæc plena admirationis est: quapropter etiam diligentius, quid de proposita questione judicari concludiq; debeat, ex philosophiæ penetralibus in natura promptuario disquirendũ erit. Et hoc præsertim, quod plurimæ Sæge non coactæ fateantur, se convivij ejusmodi & choreis interfuisse, aliosq; ludos celebrasse, etiam in locis centena aliquot miliaria à suis edibus, in quibus habitant, disitis. Primum itaq; lubens equidem fateor, quod negare non possum, hanc hominum naturam esse immutabilem, ut in terris, non in aëre sublimiore incedant, ambulent, equitent, & quomo-*

quomodolibet aliter moveatur. Secundum quod singula animantium genera certum aliquem locum certamve sedem, in prima rerum creatione à Deo acceperunt: aves, ut in aëre volitent: pisces, ut in aquis natent: homines insuper ceteraq; bruta animantia, ut in terrarum superficie incedant. Ut Poeta elegantèr differit.

Ovid. 1.  
Metam.

Neu regio foret ulla suis animalibus orba,  
Astra tenent cœleste solum, formæq; Deorū.  
Cesserunt nitidis habitandæ piscibus undæ,  
Terra feras cepit, volucres agitabilis aër, &c.

Quemadmodum igitur capras, boves, cervos, in aëre pasci, pisces in littoribus nudos ali, impossibile est: Sic per naturā hominum quoq; fieri nunquam potest, ut ulli per se & suo motu per superiorem aërem progredi-

antur. Et hoc est quod differuit Paracelsus: Sagarum, inquiens, evolatus nulla prorsus arte constat. Intelligit nimirū eas non propria arte, id est vi & natura sive motu in-

Paracels.  
in Philo.  
mag. de  
malef.  
cap. 17.

sito in aëre volare. Utrum igitur vana, in-  
quies, hæc tantum est illarum opinio, quam  
ex persuasione Satanae conceperunt? Hoc sa-  
nè non facile dixerim: quod & alij homi-  
nes, ejusmodi convivia, choreas, aliaq; spe-

## PHYSIOL. SAGARUM

*Etacula Sagarum in remotis & desertis locis sylvarum camporumq; conspexerint: de quibus dicere haud licet, eos oculis suis in tali visione obfuscatos fuisse. Quare causa alia inquirenda est ad rei proposita intelligentiam? At quā causam huius statuemus? An imaginationem, quod domi suae in proprio lecto altè dormientes, & simul à Satana dementatae, sibi videantur quidem alijs convivari, ducereq; choreas, ceteraq; ejusmodi facere cum suis socijs? Ita sanè plerisq; videtur. Variæ enim sunt & diversimoda stupendaq; mētis seu animæ humanæ, nunquam nec in somnio, ut Hippocrates inquit, quiescentis, conceptiones, cogitationes, imaginationesq;: ei tam valide fortiterq; impressæ, ut homo post cessantem somnum sibi persuasissimam habeat, & firmiter credat, verè & realiter ea omnia contigisse quæ somnia vit. Unde amores, oscula, amplexus, coitus Ephialticorum: item ascensus in cælos, descensus ad inferos, aliæq; peregrinationes Ecstaticorum originē traxerunt, quas sanctè etiam jurantes se perfecisse jactitant. De quibus Peucerus & alij plures Physici copiosè*

Hipp. de  
 insomn.

Peuce. in  
 li. de di-  
 yinat.

copiosè



*copiosè tradiderunt. Et quod miretur aliquis, de futuris verè deinceps contingentibus homo insomnia sapissimè cōcipit. Multa enim sic audiri, multa dici videtur. Cuius illustre exemplum est apud Ciceronem, de duobus Arcadibus amicis, qui cum iter facientes Magaram venissent: alter ad cauponem, alter ad hospitem di-vertit. Et huic qui in hospitio erat, concubia nocte visum fuit in insomnijs, alterum orare ut subveniret, quòd sibi interitus à caupone pararetur: idq; cū pro nihilo haberet, alter denuò idem rogare visus est, ut quoniā sibi vivo non subvenisset, mortem suam ne inultam esse pateretur, se interfectum in plaustrum infra stercus à caupone coniectum esse, &c. Manè igitur, ut admonitus erat, surgens bubulco ad portā præstò fuit, quærens quid in plastro esset, mortuum eruit: bubulcus perterritus aufugit. Caupo re patefacta pœnas dedit. En imaginationem nocturnam & somnium Arcadis de familiari suo verissimum. Similiter etiam Simonides, ut idem Cicero refert, cum ignotum quendam projectum mortuum vidisset, eumq; humavi-*

Cice. lib.  
1. de di-  
vinat.

Cic. ibi.

## PHYSIOL. SAGARUM

*set, haberetq; in animo navem conscendere: moneri visus est in somno ne faceret, ab eo quem sepultura affecerat: si enim navigasset, eum naufragio esse periturum. Redijt itaq; perierunt ceteri, qui tum navigassent. Ita sæpè animus hominis in somno præsentia cernit, futura prævidet, meminit præteritorum. Jacet enim corpus dormientis ut mortui: Viget autem & vivit animus. Ego metipse, ut hoc unum addam, ante decennium plus minus nocte quadā in collegio Pomærij Marpurgensium dormiens somnia- vi, me videre quendam in urbe mihi familiarem, cujus nomen nunc taceo, circa dorsū & in brachijs vulnerari. Manè surgens, rem ita ut somnia veram, ea ipsa nocte contigisse, ex publico rumore protinus comperi. Scitè igitur & eleganter imaginatio Soli in homine, à Theophrasto confertur, utpote quæ non secus operetur in suo globulo, & in id, ad quod splendor ejus dirigitur, quàm Sol in elementa subjecta suum splendorem emittit. Sed quorsum hæc, inquires, omnia? Ad demonstrandum quanta vis esset imaginationis: quæ nimirū tam valida tamq;*

data tamq̃, potens est, ut etiam ad formationē hominis in utero, ejusq̃ immutationem plurimū sēpē numero faciat, ut pro diversa gravidarū imaginatione diversi fœtus formentur. Sicuti copiosè Medici in traditionibus suis de conceptione & de gravidis ostendunt. Vide integrū tractatum de ea Paracelsi. Quemadmodū itaq̃ Ephialtici vel Ecstatici, de quibus dixi, plurima referunt, quæ in Ephialte aut in ἐπιάλτῃ sua viderint, audiverint vè: utpote gaudio exultantes in cœlis angelos, igne crematos in inferno impios: item: quæ observârint in hortis, cāpis, aut alijs in locis amenissimis. Et hæc omnia verissimè affirmare audēt, ita ut narrarint contigisse, quò tamen nunquam venerunt, quaq̃ nullibi terrarum viderunt. Sic etiam Sage (quid enim impediret eas) imaginari possunt se convivjs opiparè admodum instructis interfuisse, se cū amicis suis saltasse, aliq̃ tractasse hujuscemodi, quibus plerūq̃ delectari solent, non tantum juvencula sed etiam vetula. Ea, inquam, tam altè menti sue imprimere possunt, se vidiſſe, quæ tamen nunquam facta fuerunt: ipsis domi in-

Parac. in  
tract. de  
imagin.

## PHYSIOL. SAGARUM

*terim propter maritos suos vel liberos dormientibus. Ex appetitu verò earum phantasia talis provenit. Quapropter minimè equidem negaverim, quin plurimæ, de hisce Sagarum visionibus & peregrinationibus assertiones sint phantastica, imaginaria, ideoq; nihili faciendæ. Attamen omnia apparitionibus tantum in somno adscribere velle, hoc est, quod nemo demonstraverit. Insignis enim & perniciosus iste error est Ulrici Molitoris, Wierri, & qui hos sequuntur, aliorum in proposita questione decidenda concludentium, hæc omnia, de quibus dixi, Sagis in somno per representationem similium specierum κατὰ σῶμα conceptarum, vel à diabolo ipsis impressarum, apparere duntaxat, non revera fieri. Etenim non tantummodò Sagarum illa confessio metu extorta, vel sponte facta, verum etiam aliorum hominū experientia, & ocularis demonstratio, equitationibus, saltationibus, convivijs, &c. earum, fidem facit. Quis sic inquires? Multis, inquā, iudiciis, alijsq; rerum publicarum præfectis cognitum & exploratum est, Sagas fateri ipsas,*  
*se in*



se in congregationibus suis alias veneficas  
 mulieres ex alijs locis, quas antè non cogno-  
 verint, in sua esse societate, conspexisse: quæ  
 deinceps à Magistratu comprehensa, luben-  
 ter se reas esse fatentur. Addo quòd sæpè re-  
 perti sint & proditi viri, qui istis saltatri-  
 cibus fistula vel tibicine canentes, vim  
 quandam pecuniarū inde lucrati fuissent,  
 utpote veram & certam aliquā monetam  
 auream argenteamve: & deinceps re mani-  
 festata, aufugissent, ne punirentur. Huc re-  
 fero, quòd multi per sylvas aut alias solitu-  
 dines iter facientes, ejusmodi conventum  
 Sagarum, suo visu observarunt: earumq; a-  
 lias subito evanescere: reliquas verò, quæ  
 ad custodiendum vasa & fercula, illic im-  
 mensis reposita, mansuræ essent, in feles ca-  
 nesve mutari, ne agnoscerentur. Postquam  
 enim adventantes rei visenda gratia pro-  
 pius accessuri resistentibus illis animatibus  
 pedes aliasve partes amputassent, domum  
 reversi, fæminas illas, quæ in feles aut ca-  
 nes conversæ erant, iisdem partibus, eademq;  
 hora, quæ eas obtruncassent, mutilatas vi-  
 derunt. Qua, quæso, Evvichi, oculorum

## PHYSIOL. SAGARUM

*experientia & visione, quòdnam clarius & illustrius aliud testimonium desiderabis? Annè dices Satana has prestigias esse, quòd huic facilimum sit, imagines in istis locis & formas talium muliercularū excitare atq; proferre? aut hunc ipsum formam istarum assumere? Si dixeris, fieri hoc posse cōcedam: aliquando quidem, non semper. Quomodo namq; si corpore suo mansissent domi, in remotissimis syluis, quò non venissent, canum feliumve specie, pedes ijs aut alia partes substantialiter mutilari potuissent? Absurdissima, arbitror, & omninò hæc ridicula foret opinio: qua nihil ineptius, nihil tetrius, nihil deniq; à Physicæ philosophiæ legibus magis alienū auribus nostris unquam adfertur. Quasi verit autē alius, quibus modis, quibûsve argumentis sententiam istam tueri velimus, quòd Saga, brevissimo vel unius horæ spacio, citissimeq; in alias etiam remotissimas ab earum habitatione regiones, urbes, sylvas, quò velint, per aërem ferri, moveri, volitare, si ve equitare queant. Unguentorum hoc fieri ajunt, vel à Satana oblatorum, vel à seipsis preparatorum*

*obliti-*

oblinitione, si frontem, manus, aliasve corporis sui partes ijs inungant: hoc enim factum eas a volare citò ad mille millenos genios. Et hac illorum ratio physica, & in specie quoque verisimilis apparet. At non omne quod veri formam præ se fert, protinus quoque κατὰ παντός, ut Logici loquuntur, aut ἀποδιδούς verum est. Quapropter paulò exquisitius diligentiusque istud argumentum est examinandum. Cati vel lupi adipem nominant, & lac asininum, & nescio quæ alia, quibus uti consueverint. Magnam equidem ante rebus naturalibus efficiendi potentiam inesse dixi, adeò ut vix minima eius pars nobis accuratè perspecta sit: quæ verò in istis simplicibus rebus, aut alijs, quas recensent, Sagarum in altum aërem sublationis, evectionis, deductionis causa sit, ingenuè fateor me nondum accuratè definire posse. Quod si enim attractrici alicui qualitati cum levitate simul conjunctæ effectum istud adscribere velim: eam in alijs pluribus rebus longè validiorem potentiorèque reperimus. Specifica verò, inquires, hæc virtus est, & propria quadam facultas

## PHYSIOL. SAGARUM

illarum rerum, è quibus unguenta ista parantur, à physis Medicisq<sup>3</sup>, nondū hucusq<sup>3</sup>, descripta, sed ijs solummodò perspecta, quibus Cacodæmon significarit, videlicet Magis atq<sup>3</sup>, veneficis. Esto sanè: Si enim anxie contendatur, nō habeo, quod contradicam. Quandoquidem plurimis ob quotidianam experientiam in confesso est, sæpè cōtingere: ut, si mariti aliquando, qui forte fortuna obseruarent suas uxores prius inunctas a- volasse, quid rei esset experiri cupientes se quoq<sup>3</sup>, perunxerint, simul post eas a- volent. Id quod historie plurima, quas videre est

Bodinus  
in tract.  
de peregr.  
Sagar.

apud Bodinum & alios hujus generis scriptores, evidentissimè testatur. Ut ut autem hoc sit: Unguentis tamen per se vim talem inesse, absq<sup>3</sup>, cooperante Diaboli potestate

Paracels.  
ca. 16. de  
malefic.

haud lubèter concesserim: sicuti Paracelsus quoq<sup>3</sup>, innuere videtur: Unguenta, inquit, nihil reuera ad rem faciunt illis, quæ ad veneficia natura quidem aptæ sunt, nec etiam verba quidquam prosunt. Verum quæ non sunt nata sub istis ascendentibus, iuvante sola superstitionis vana fide, possunt ijsdem ceremonijs & unctionibus obseruat-  
tis un-



tis unà cum cæteris evolare? quod idem est,  
 ac si quis potiatur eo quod alteri prepara-  
 tum est. In quibus verbis non omnem un-  
 guentis vim Paracelsus adimit: sed in ijs  
 quæ non sunt natæ veneficæ vim eorum au-  
 geri putat à vana fide. Sunt etiam qui simi-  
 liter unguentis illis eam, quam dixi, virtu-  
 tem inesse negant: sed argumento minimè  
 hanc quæstionē probante. Nempe quod qui  
 inter volandum Dei veri nomē invocent,  
 ulterius volare aut equitare nequeunt in  
 terrā à Satana protrusi, vel per se decidant.  
 Si enim unguentis, ut inter cæteros Bodinus  
 inquit, quibus venefici oblinūtur, vis tan-  
 ta insit, eam vix impediri à nominis divi-  
 ni pronuntiatione, id quod fieri Bodinus ob-  
 multarum Sagarum confessionem conclu-  
 dere videtur. At hoc infirmum planè argu-  
 mentum esse, quis non intelligeret? Si enim  
 nominis divini appellationem definias ve-  
 ram Dei altissimi ex intimo cordis gemitu  
 procedentem invocationem: quidni illa vel  
 potissimam efficacissimamq; omnium un-  
 guentorum, adeoq; ipsius Satana virtutem  
 impediret? Ab hac certè qualiscunq; virtus

## PHYSIOL. SAGARUM

*rerum omnium naturalium infringi & im-  
minui potest. Quandoquidē & montes ve-  
ra fides transponit. Quamvis tamen ejus-  
modi gemitum & sinceram invocationem  
in ijs qui se Satanae obligarūt ex pacto, haud  
concesserim. In reliquis qui forte fortuna  
oblinuntur, fieri posse non admodum recu-  
sa verim. Sin verò de symbolica tantum &  
verbali Dei conditoris nominatione istud  
accipias: quid, quaeso, illa conferret? Quod  
si enim prae admiratione solummodò rerum  
visarum absq; ulla auxiliorum imploratio-  
ne Deum nomina verint: quemadmodum  
vulgus re aliqua nova vel etiam ridicula  
saepe inspecta exclamare consuevit, proh  
Deum immortalem, qualis haec res est? quid  
video? Bone Deus, &c. Annē hac Dei exter-  
na & verbali appellatione unguētis in cor-  
pore Sagarum, omnem vim adimi putas  
Bodine, aut Cacodemonem tantoperē illam  
reformidare, ab eaq; abhorre, ut ferre vel  
audire prorsus nequeat? Quid igitur illud  
Matt. 7. quod Christus ait: Nequaquam omnis, qui  
dicit mihi, Domine mi, domine mi, introi-  
bit in regnum caelorum, &c. Et paulo post:  
Multi*

*Multi dicent mihi, Domine, domine, nonne in nomine tuo propheta vimus? Et tunc confitebor illis: Nunquam novi vos, &c. Quamobrem, inquam, argumenti abs te Bodine allati sententia non catholica aut universalis est. Quenam igitur tandem, aliquis quaesiverit, & qualis causa est Sagarum volatus, ut questionis propositae explicatio ad finem aliquando perducatur? Diligenter hanc rem perpendenti, difficile quidem est certam aliquam causam in natura Sagarum, & quibus utuntur unguentorum reperire. Qualiscumque enim specifica virtus in iis proferatur, eius tamen in actum deductionem à Satana ipso juvari credimus, ut effectum, de quo loquimur, non tam unguentis, quam ipsi Cacodemoni adscribendum sit. Et quidem hac ratione: Spiritus (nimirum maligni) vetis velocissimis per similes sunt, ut loquitur Paracelsus: exempli gratia: ventis qui flant à Septentrione versus meridiem, celerrimaque eorum operatio est. In quam sententiam diuus quoque Augustinus: Dæmones, ait, avium volatus incredibili celeritate vincunt. Hi igitur si vo-*

I luerint

## PHYSIOL. SAGARUM

luerint Sagas quasdam ceteris adesse, eas deducunt ad locum ubi congregatio illarum futura sit, siue per caminum, siue alia quacumq; via; flantes nimirum post tergora Sagarum. Quemadmodū ventus spirans plummam à terra eleuat in altum & ante se, donec eò loci veniat, in quo steterit. Singularem verò locum eligunt, ubi congregentur, quòd ab hominum consortio remota nō impediuntur, ea quae intra parietes adium suarum minimè possent adimplere: videlicet instructionem, conspirationem, & consultationem de inferendis aut efficiendis malis: adeoq; veneficia quaeq; comparare atq; perficere: & quia nunquam ferè conveniunt, ubi non simul conuiuentur ac saltent, id quod domi sua haud commodè possent efficere. Magnus enim sepè chorus earum est, ut Paracelsus refert, adeò ut turmatim aliquando militum instar ex ordine super pagos, montes, conualles ferantur. Quod insuper inter volandum, ut ipsae fatentur, loqui non audent, vel etiam retrospicere: id ait fieri, quòd metuat Satan ne nominetur is qui cōdemnavit eum, altissimus. Exempla vola-



tus & saltationis Sagarum qui cupit, plurima colligere potest ex alijs scriptoribus. Vide de his Augustinum, & copiosius Wierum.

Item Jacob. Sprengerum, & ceteros. Concludimus itaq, ex antecedentibus repetentes: Sagas, etiamsi nō suapte natura aut proprijs viribus, & omnes, unguentorū tamen virtute à diabolo corroborata, ac deinde huius quoq, ductu plurimas sæpè per aërem de loco in locum alium vel remotissimum ferri aut peregrinari, ubi con-viventur, choreas ducant, & res alias pro lubitu cum Satana habeant atq, transigant: ut neutiquam dubitandum sit, Sagis hæc effecta veluti causis efficiētibus rectè assignari. Quare? aut quam ob causam? quia sponte & volentes hæc faciunt: gaudent siquidem hisce rebus, & summo perè delectantur. Voluntas autem à Logicis, id est ab omnibus sapientibus atq, prudentibus hominibus inter causas efficientes rectè numeratur: ut qui consultò & consideratè quidpiam faciunt, si non principales, attamen concause seu cooperantes voluntaria hæud immeritò dicantur & habeantur. Imò etiam si nihil ipsæ per se facerēt,

Augu. li.  
10. item  
21. de ci-  
vit. Dei.  
V Vierus  
lib. 1. c. 8.  
de præst.  
dæm.  
Spreng.  
in mal-  
leo mal.

PHYSIOL. SAGARUM

*agenti tamen consentientes eâdem qua ille culpa tenentur. Oritur autem ex precedentibus alia, quæ sequitur questio.*

---

De Sagarum in catos, feles,  
aliave ejuscemodi ani-  
mantia transforma-  
tione,

**C**um enim sæpè observatum fuerit, Sagarum in congregatione seu conventu suo, ne ab alijs hominibus ex improvviso fortassis adventantibus agnoscerentur, in canes, feles aut catos fuisse transmutatas: non immeritò à Philosophis præcipuè quaesitum est, utrum vera & substantialis ista sit μεταμορφωσις, an verò phantastica tantum & apparens. Item quomodo hæc fieri possit, physicane aut naturali ratione, si ve præternaturali contingat. Quocirca ne rerum causas inquirere non velle putemur, hæc etiam questio penitus examinanda venit, ne Sagæ quæ non fecerunt, fecisse dicantur. In the-  
matis autem hujus interpretatione, in cam-  
pum

*pum disputationis amplissimū incidimus. Multi enim persuasum sibi habent, ac firmiter statuunt, non tantum Sagas mutari in canes, catos, &c. sed etiam alios homines in alias bestias, utpote in lupos, cervos, asinos, & alia id genus animantia sæpè converti. Et hæc non solum vulgi opinio, sed vel politissimorum gravissimorumq; autorum sententia est. De λυκανθρωπια autem, id est, conversione hominum in lupos, seu de lupinis hominibus res copiosior est: ideoq; primò de ea videndum. Rex Arcadiae Lycaon olim in lupum mutatus fertur ab Ovidio, ubi Jupiter post enumerationem ejus*

Ovid. i.  
Metam.

*scelerum ac delictorum, ait:*  
Territus ipse fugit, nactusq; silentia ruris  
Exululat, frustra q; loqui conatus, ab ipso  
Colligit os rabiem, solita q; cupidine cædis  
Utitur in pecudes, & nunc quoq; sanguine  
gaudet,

*In villos abeunt vestes, in crura lacerti  
Fit lupus: & quæ sequuntur plura.*

*Unde etiam Lycaon, opinor, dictus fuit. Et harum μεταμορφώσεων veluti Actæonis in cervum, & aliorum in alias bestias, pleni sunt lib. 15. poëtæ hujus Ovidij, quæ quod pleræq; fabulose sint huc non pertinent. Si-*

# PHYSIOL. SAGARUM

Virgil.  
Eclog. 8.

*militer Mœrim quoque quendam lupi formam assumpsisse, eamq; sui ipsius vel a mœris veneficijs & herbis efficere potuisse, Virgilius refert:*

Has herbas (inquiens) atq; hæc Ponto mihi lecta venena

Ipse dedit Mœris: nascuntur plurima Ponto.  
His ego sæpè lupum fieri, & se condere sylvis  
Mœrim, sæpè animas imis excire sepulchris.

*An verò Poëtarum forsân exempla testimoniaq; Evvichi respuis? Certè si feceris, miraberis etiam quod Bodinus asserit, Ulyssus sociorum in suos immutationem, quam Ho-*

Belli Tro  
jani tēpo  
re: quod  
cceptum  
est annis  
1200  
ante  
Christū.

Augu. li.  
18. de ci-  
vit. Dei,  
17. & 18.  
capitib.

Herodo.  
ante an-  
nos fer-

*merus cōmemorat à Circe venefica factam verè contigisse: vel, ut ipsius Bodini verbis utar, non esse fabulam. Miraberis etiam, quòd Virgilius dixerit herbis illud effici posse? Na & ego miror quod D. Augustinus refert, suis temporibus veneficas frequentes repertas esse, quæ peregrinantibus, aut iter aliò facientibus singularis cujusdam frumētī semine exhibito in caseolis, eos in quadrupedes bestias transformarent. Agedum verò relictis poëtis ad alios transcamus. Herodotus testis est, homines in Neuriorum regione frequenter cōverti in lupos. De quibus etiam*



etiam Pomponius Mela: Neuris, inquit, statum singulis tempus est, quo si velint, in lupos, iterumque, in eos qui fuere mutantur. Plinius insuper huiusmodi luporum mentionem facit. Item Strabo, Solinus Polyhistor, & alij: adeo ut idem Plinius summopere miretur tot tantorumque autorum consensum. Unum saltem addo exemplum ex Tritemio Abbate, qui Bajanum quendam Iudaeum, quotiescunque modo vellet, se in lupo convertere potuisse refert. Omitto enim hic (quoniam de lupis potissimum dicere cepi) illud quod de Ammonio Peripatetico philosopho historici referunt: nimirum quod cum, quotiescunque ad scholam suam, in qua discipulis praelecturus esset, abiret, asinus, quem ex homine factum fuisse putant, a tergo secutus sit. At quam, inquires, causa est τῆς λυγανθρωπίας? Utrumne verè hoc modo contingit, an verò fictitia tota, vel fabulosa, & planè falsa est? Multi sanè hanc imaginariam solummodo esse crediderunt. Quemadmodum & Plinius inquit: Homines in lupos verti, rursumque sibi restitui, falsum esse existimare deberemus. Multi contra, verè & substantiali mutatione

mè 2100.  
ante quē  
vixit Ho-  
merus  
annis 40  
Pompo.  
Mela lib.  
2. de situ  
orbis c. 1.  
Plin. li. 8.  
cap. 22.  
Vide Peu-  
cer. in li.  
de divin.

# PHYSIOL. SAGARUM

eam fieri credunt, & quidem in multis locis. Videndum itaq, quænam ejus ratio sit. Medici porro in morborum naturalium numero *λυχνόρωπιαν* reponunt, & *λυχνόρωπον νόσον* appellant : docentes redundantis Melancholiæ eam esse speciem, qua qui laborant, noctu domo sua egressi lupos in cunctis imitantur, vaganturq, potissimum circa sepulchra mortuorum, donec dies illucescat, & ea quandoq, aperiunt, idq, plerumq, faciunt mense Februario. Est autem hoc de sententia illorum, depravatum maxime cogitationis & imaginationis symptoma: memoriam enim ferè illesam conservant, facie insuper pallent, oculos habent siccos & imbecilles atq, profundos, linguam aridam, salivæ expertem. Infestantur siti vehementi & perpetua, pedes habet exulceratos, &c. Medelam insuper hujus morbi eandem esse tradunt, quæ sit Melancholiæ. Causa morbi statuitur redundantia Melancholiæ præternaturalis, cerebrum obsidens & obtundens, ut *φασία* & imaginatio lædatur. Unde ex depravata deinceps imaginatione morbus iste oritur : ut præter alios plures

Peuce-

Peucerus eleganter collegit in lib. de curatio.  
 morbor. nondum edito, quem in Academia  
 Witenbergensi publicè prælegit. Atqui hæc  
 infirma nihilominus plerisq; sententia vi-  
 detur, credentibus λυγανθρωπίαν neq; ex Me-  
 lancholica imaginatione oriri, neque appa-  
 rentem quoq; fascinationem esse: sed verè &  
 actualiter fieri, adeoq; corporis humani, in  
 corpus veri lupi μεταμόρφωσιν esse. Sed qui-  
 bus argumētis hanc suam opinionem tuen-  
 tur atq; demonstrant? Primum res hæc plu-  
 ribus experientie comprobatur exemplis:  
 quorum unum atq; alterū repetam. Nempe  
 in Asia, inquit, & Græcia, attestantibus  
 nautis eò commigrantibus, frequentem esse  
 ejusmodi luporum generationem. Item in  
 Livonia. Quemadmodum hoc ipsum quoq;  
 refert, quem honoris causa nomino, Peuce-  
 rus, se nunquam, inquit, credidisse λυγαν-  
 θρωπίαν, quæ verè mutatis corporibus fiat: Peuce. in  
li de di-  
 postmodum verò cum resciverit ex pluri-  
 bus fide dignis hominibus, eam sæpissimè  
 contingere in Livonia, se non potuisse non  
 fidem illis habere. Henricus etiam Coloni- Colo. in  
tract. de  
lamiis.  
 ensis quidam, similiter Ulricus Molitor, &

# PHYSIOL. SAGARUM

*præter ceteros longè veriore hanc esse pu-*  
*tavit Bodinus: apud quem plurima quoq;*  
*alia huius rei exempla videre est: illud im-*  
*primis notatu dignū de Petro Burgot, qui*  
*Byzantij accusatus, se unguibus suis & den-*  
*tibus lupinis puerum septem annorum, &*  
*deinde quatuor puellas dilacerasse & devo-*  
*rasse confessus fuit. Et alterum quod recitat*  
*ex Jobo Fenzelio, referente, quod compre-*  
*henso Lycanthropo cuidam ungula omnes*  
*abscisse sint, isq; simulac redisset ad se, ma-*  
*nibus pedibusq; mutilatus visus sit. Huc*  
*accedit etiam argumentum ἀπὸ τῆς μετεμ-*  
*ήσεως (quam celebris olim schola Pytha-*  
*goreorum introduxit) id est, à transmigra-*  
*tione animarū in alia corpora desumptum.*  
*Pythagoras enim docuit, animas hominum*  
*post obitum eorum, in aliorum hominum*  
*vel brutorum corpora migrare, ut ex viris*  
*fæmina, vel è fæminis viri in secundo ortu*  
*nascantur, aliàve bruta animantia. Hanc*  
*Timæus Locrus, à cuius nomine Plato Dia-*  
*logum de universitate inscripsit, hoc modo*  
*proposuit: Referuntur, inquiens, supplicia*  
*nova quod transeunt animæ timidorum in*  
*corpora*

Bod. li. 1.  
 cap. 6. de  
 demon.

Fenzel.  
 lib. 2. de  
 mirac.

De me-  
 tempy-  
 chosi Py-  
 thagor.

Plato in  
 Timæo.



corpora muliebria, ut ad contumeliam ex-  
 posita sint: latronum siue homicidarum, in  
 bestiarum corpora ad supplicium: libidino-  
 sorum in suum aut aprorū formas: leuium  
 in volatiliū species: imperitorum & stoli-  
 dorum in aquatiliū speciem, &c. Sed spe-  
 cialioribus exemplis copiosius eam describit  
 Plato, ubi Erin Armenium Ecstaticum in-  
 troducit: qui refert se vidisse animam Or-  
 phei, eligentem, cygni vitam ob fœminei ge-  
 neris odium: vidisse animam Thamyra mu-  
 tatam in lusciniā: vidisse contrā cygni a-  
 nimam migrasse in hominem. Item Ajacis  
 Telamonii animam, elegisse vitam leonis,  
 vidisse Agamemnonem in aquilam muta-  
 tum: adeoq; ex aliis bestiis animas in homi-  
 nes transuisse, & inter se vicissim iniustas in  
 agrestes, iustas in mansuetas mutari, & o-  
 mnibus mixtionū modis misceri. Et hac est  
 μετεμψύχωσις Pythagorica, à plurimis Pytha-  
 goricis, Platoniceis, Chaldeis, itemq; Persarū  
 & Aegypt. Philosophis approbata. Quid verò  
 q̃ & Theologi multi aliis etiā præter μετεμ-  
 ψύχωσιν argumētis, ejusmodi mutationē ho-  
 minū fieri demonstrāt? eo modo quo fœmina

Plato  
 sub finē  
 10. de Re-  
 publ.

## PHYSIOL. SAGARUM

Gell. li. 9.  
cap. 4.  
Plin. lib.  
7. natur.  
histor.
Dan. 4.

*nonnullæ specialiter in viros converti dicuntur. Ut Gellius ex Plinio refert, fœminas sic, uti dixi, mutari in mares. Plinius, inquiens, se non audiuisse, neque legisse, sed vidisse se & scire scripsit. Ait enim: hoc non est fabulosum. Invenimus in annalibus Q. Licinio Crasso, C. Cassio Longino Cos. C. Asinij puerum factum ex virgine sub parentibus iussuq; Aruspicum in Insulam desertam deportatum, &c. Et paulo post: Ipse, inquit, in Africa vidi mutatum è fœmina in marem die nuptiarum L. Costium civem Trysditanum: vivebatq; cum proderem hæc. Atq; hæc plerunq; ex prophanis autoribus. Quod si deniq; sacrosanctarum literarum monumenta consulamus, eorum quoque historijs demonstratio quædam desumitur. In Daniele vate verissimo exemplum habent manifestissimum de Nebucadnezare rege, ab ipso Deo in bestiam converso per integrum septennium. Cum enim in palatio regni Babylonie obambulans suam potentiam ipse nimium sætaret: eadem hora, ut Propheta inquit, verbum Prophetia completum est in Nebucadnezare.*

zare. Nam ab hominibus depulsus, cum be-  
 stijs agri in vinculo ferreo chalybeoq<sup>ue</sup> her-  
 bam ut boves, comedit, & rore corpus ejus  
 intinctum est, usq<sup>ue</sup> dum pili ejus ut aquila-  
 rum plumæ crevissent, & ungues ejus, ut a-  
 vium. En corpus regis plumosum, & un-  
 guibus ornatum. En bestiam ex homine na-  
 tam. Quid igitur, & quam ob causam du-  
 bitabimus amplius, quin homines (id quod  
 in principio demonstrare constitueramus)  
 in aliorum animantium species mutari que-  
 ant? Res hæc cum propter sensibilem infalli-  
 bilemq<sup>ue</sup> specialium experientiam, tum pro-  
 pter certissimam Danielis historiae verita-  
 tem, minimè dubia videtur. Quamobrem  
 & Bodinus de proposita questione differens,  
 Res mira, inquit, hæc est: verum longè ma-  
 gis mirandum puto, quòd sint, qui tot cla-  
 rissimorum autorum argumentis testimo-  
 nijsq<sup>ue</sup> refragari non verentur. At verò, in-  
 quam, quantumcunq<sup>ue</sup> mira sit, natura ta-  
 men hominis ita comparata est, ut non faci-  
 le aliorum placitis acquiescat, si probabiles  
 saltem ulla rationes contrà adferre possit.  
 Quamobrem ut certi aliquid de animantis

## PHYSIOL. SAGARUM

*rationalis quæ fertur, hoc est, hominis trās-  
mutatione cōcludatur: præmissis istis omni-  
bus nostram quoq; sententiam* ἡ ἀόλῃ καὶ τῆς  
φύσεως sacramenta observantes denuò adji-  
ciemus. Homo est animal ratione præditū:  
materia scilicet corporata, & forma corpo-  
ris experte, utpote ratiocinandi facultate  
constans. Quandiu hæc causæ essentiales ma-  
teria & forma conjunctæ manent: tandiu,  
ut & suprà attigi, homo substantiam suam,  
& hujus propriam denominationem reti-  
net: tandiu, inquam, homo est & manet ho-  
mo. Si verò dissolvantur, corpus humanum  
destruitur atque perit, quæ destructio mors  
hominis est. Neque enim possunt istæ secun-  
dum naturæ ordinem dissolvi, nisi ab uno  
præpotente DEO in morte hominis, quales-  
cunq; sint ejus occasiones. Deus enim uni-  
cuiq; homini, ejusq; vitæ, antequam in ute-  
ro matris suæ conceptus fuerit, certum ter-  
minum & finem unum ordinavit, consti-  
tuit, & limitem intransgressibilem posuit,  
ut quæcunq; anima humana semel à corpo-  
re suo secesserit, ea non possit iterum adesse  
illi corpori, aut consociari, ante novissimum

Dei



Dei conditoris in mundi extremitate judi-  
 cium. Hæc, inquam, immutabilis est Dei o-  
 mnipotentis ordinatio. Hic natura huma-  
 na ab eodem factus est cursus, & non alius.  
 Quamvis citra mortem ejusmodi sensibi-  
 lem unus Elias in igneo carru, vivus nimi-  
 rum in cælos subvectus est. Quod si igitur  
 hominum quorundam forma substantialis  
 ante hunc novissimum terminū in hac vita  
 subinde ad certum spacium corrumpetur,  
 ac toties restauraretur, aut recuperaretur:  
 necessario fatendum esset, unum eundemq;  
 hominem, quantū ad essentiam sæpè muta-  
 ri: id quod nemo unquā philosophorum cō-  
 tesserit: sequeretur Dei ordinationem, quam  
 dixi, non servari: sequeretur contra verissi-  
 ma physiologie fundamenta, unū eundemq;  
 hominem in sua vita sæpè de novo generari  
 seu reviviscere, itemq; sæpè mori. Amissio e-  
 nim seu secessio formæ substantialis mors ab  
 omnibus Physicis definitur. Novæ formæ  
 seu pristina recuperatio, generatio vitæ est.  
 Quamobrem ita breviter colligo: Si homi-  
 nes vel venefici vel alii, in lupos, vel etiam  
 in asinos, cervos, ante fatalem, & à divina

## PHYSIOL. SAGARUM

*providentia determinatum vita exitum  
 mutarentur, mutatio illorum aut à DEO  
 ipso, aut à Satana ortum trahet. Sed neutri  
 istam efficientiam adscribere possumus. De  
 Deo antè diximus. Quòd verò Lothi uxor  
 in statuam salis à Deo conversa scribitur, ea  
 specialis quædam & fatalis conversio fuit.  
 Non enim fœmina ista deinceps formam  
 suam iterum recuperavit, ut Lothi uxor i-  
 terum fieret aut diceretur: sed omnimoda  
 ejus ob promeritam ultionem perditio fuit,  
 & in hujus testimonium statuæ perpetuò  
 duraturæ erectio, à qua durationis perpe-  
 tuitate statuam illam nonnulli Salis appel-  
 latione cognominatam fuisse censent, quod  
 hoc nomine Hebræi, quamlibet rem diutis-  
 simè durantem describere cōsueverint. Sa-  
 tanæ porrò si efficientiam, quam dixi, ad-  
 scribere quispiam velit, is absurdissimè fe-  
 cerit. Iste siquidem nullam neq; hominis ne-  
 que alterius rei naturalem & semel in or-  
 tu natiuitatis à Deo creatam speciem mu-  
 tare, & aliam inde creare essentialem po-  
 test. Creatio namq; propriè dicta solius Dei  
 opus est, qui postquam omnia rerum natu-  
 ralium*

raliū genera omnesq; species creasset, singulis illis (exceptis spiritualibus) creaturis, ut ipse à creatione liberaretur, potestatem quoq; siue facultatem indidit similem ex se se speciem progignendi: quarum si una formam suā prorsus amiserit, omnino perditā, destructa, mortua, ab universis physicis rectè dicitur. Satan itaq; cum & ipse creatura sit spiritualis: nullam neq; sibi similem creaturam, neq; corpoream quamcunq; de novo creare potest. Proinde cum Satan hoc non possit, quis sanæ mentis compos ulterius hominū Metamorphosin aut in alia animantia transformationem asserere & defendere audeat? Nemo scilicet, qui vel extremis, ut ajunt, labris, physiologia primordia degustavit, id ipsum conabitur. Enthymematicus igitur syllogismus ex antecedentibus demonstrationibus repetitus talis esto: Homines neq; à Deo ipso, neq; à Satana, multò minus ab hujus ministris substantialiter in lupos mutantur: Ergo talis aliqua mutatio, quæ verè & corporaliter fiat, minimè credenda est. Sin verò præcedentia exempla quispiam vehementer urgeat, facilis est illa

# PHYSIOL. SAGARUM

*examinandi & intelligendi ratio. Quode-  
nim Bajanus ille Judæus Trithemij Abba-  
tis, se quoties modò placeret immutare po-  
tuerit, libentissimè credidero: sed quod ve-  
rus factus sit lupus, animal videlicet ad u-  
lulandum quod nascitur, ossibus, ceterisq;  
partibus lupi substantialiter constans, ne-  
mo mihi persuaserit. Potuit ille aliorum vi-  
sionē obductis crassioribus humoribus falle-  
re: potuit effascinare, ut lupum pro homine  
viderent: potuit etiam cooperante Satana  
lupina specie siue forma corpus suum vesti-  
re, vel deniq; corpus suum oculis aspectan-  
tium subducere, & in locū ejus lupum, vel  
saltem lupi simile corpus producere. Quem-  
admodum Pythonissa illa in Endor Sauli  
1. Sam. 28 Samuelem ab inferis reduxit, non ipsum  
puta Samuelem regem, sed similem illius i-  
maginem, simile spectrum, ut Pet. Martyr  
copiosè demonstrat. Quamvis ut annotat  
Bodinus, Theologi quidam putent, hunc  
verum fuisse Samuelem: eò quod ab Eccle-  
siasse dicitur: Samuelem post obitum suum  
prophetasse nuntiata morte regis & victo-  
ria Philistæorum. Deinde quod Samueliste  
in sua*

1. Sam. 28

Martyr  
in loc.  
comm.  
Bod. lib.  
2. cap. 3.  
Ecclef.  
cap. 46.



in sua responsione magnum Dei Iehovæ no-  
 men quinquies enunciando repetierit: quod  
 tamen audire Cacodæmones perhorrescunt.  
 Intellige enim contra Bodinum, aliquando  
 etiā diabolus ex jussu Dei vera nunciare:  
 ut Tho. Erasmus uberius declarat in Anti-  
 paracelsicis, & vel coactum Dei appellatio-  
 nem audire vel etiam exprimere. Præterea  
 q̃ Petrus iste Byzantinus puerulos & puel-  
 lulas lupinis suis dentibus dilaniarit, &  
 plures voluerit, hæc stolidi fuit ejus persua-  
 sio: dum forti imaginatione se lupum esse  
 putans, eos ex illicita & præternaturali ap-  
 petitione manibus suis, quarum extremi-  
 tates, ungues aut ungulas credidit, impetu  
 validissimo discerpserit & comedit. Fidem  
 huic facit, quod & alij robustiores homines  
 facile puerulum aliquem discerpere vi ma-  
 xima possint. Fidem pleniorē facit, quod  
 ex depravata similiter imaginatione gra-  
 vidæ mulieres, de quibus antè, non tantum  
 crudas quaslibet carnes, verumetiam, lu-  
 tum, & varij generis terrestrem materiam  
 devorent. His enim omnibus meliorem &  
 gratum magis saporem obtinet humana ca-

# PHYSIOL. SAGARUM

ro, ut impiorū quorundam experientia, in ea decoquenda, & alijs ad comedendum exhibenda, docuit. Idem de similibus iudicium esto. Sed quid seorsim de Pythagoreorum metempsychosi dicemus? Dicendum certè quod res ipsa est: videlicet quod illa comparatè aut μεταφορικῶς secundum similitudinem, & non absolutè secundum substantiam sit intelligenda. Nempe observandum rationales animas in vitam non bruti alicujus siue brutorū, sed brutam, id est, brutorū propemodum similem & vicissim demigrare intellige, quantum ad mores inhonestos & planè efferos, &c. Hæc siquidem interpretatio, omnibus penè illustrioribus Platoniceis, excepto Plotino, maximopere

Ficin. in placuit, ut Marsilius Ficinus attestatur, argumē. qui & ipse plenius eam interpretaturus in lib. 10. de quit: Intelligitur, ubi ait Plato hominem Republ. fieri brutum, id non propriè, sed quadam similitudine dici. Et paulò post. At verò gradus brutorum omnes paulatim ex graviore Tim. rationalis animæ lapsu multiplicari: intellige animam nostrā ob quandam liberi motus infinitatem posse intra se in brutorum

omnium

omnium affectus habitusq; proruere, &c.  
 Allegorica igitur hæc sive mystica sententia  
 (qualis plerorumq; pythagoræ dogmatum  
 est) de liberrimo & infinito animarum hu-  
 manarum motu, evidentissimè nobis osten-  
 dit, ante definitam metempsychosin nulla  
 ratione substantialem aliquam hominum  
 in bestias transformationē arguere. Quod  
 insuper ad Nebucednezarem regem perti-  
 net, textum Danielis Propheta diligenter  
 perlegendibus, riteq; considerantibus, liqui-  
 dō apparebit, mutationem istius regis fa-  
 ctam esse οὐ κατὰ σῶμα verè & substantiali-  
 ter, sed κατ' εἶδος φαινόμενον, vel potius καὶ ὁ-  
 μοίωσις, ut similis evaserit bestiis in sylvis  
 hinc inde irrationabiliter currentibus. Nec  
 enim textus inquit, eum factū esse bovem  
 aut aliud quoddā certo nomine insignitum  
 animal: sed segregatum esse ab hominibus,  
 & cum bobus aut instar boum herbas agri  
 comedisse. Qualis igitur, quæso, hæc conse-  
 quentia foret, si dicerem: Nebucadnezar  
 segregatus ab hominum cætu instar bovis  
 alicujus fœnum aliasq; herbas comedit:  
 Ergò verè bos fuit. Ἀλλοῖον planè hoc est di-

## PHYSIOL. SAGARUM

*cere. Consequentis enim cum antecedente in isto Enthymemate connexio minimè necessaria est. Quoniam præsertim non adeò contra naturam hominis est, vesci herbis agrorum etiam crudis & inconcoctis. In pri-  
mis, cum Deus regem istum post datam sufficientem pœnã ad sese redire voluerit. Insuper nec pili eius prolixiores instar plumarum aquila alicujus, nec etiam ungues ejus instar avium, Logicè rectèq; id, quod alij volunt, hoc est, bovis substantiam arguunt atq; demonstrant. Quid enim mirum videatur physicae artis principia tenetibus, pilos Nebucadnezaris in longitudinẽ excrevisse: cum tanto tempore corpus ejus rore madefactum, adeoq; humores omnes ob inconsueta alimenta magis magisq; corrupti fuerint? Pilorum siquidẽ longitudo ex crassioribus in humidior corpore redundantibus humoribus provenit, teste Galeno Medico. Quemadmodum experiẽtia testatur, etiam suspensorum diutius hominum cadaverib. pilos longiores sæpè enasci atq; produci. Et quid multis? Si enim maxime (quod tamen neutiquam concesserim) in bestiam  
veram*



veram mutatus fuisset : unicum tamen hoc  
 exemplum , universalem Dei in hominum  
 corpore & forma ordinationem nequaquā  
 immutari probaret : hominem scilicet hu-  
 manam suam naturam & formam retine-  
 re adusq; totius dissolutionem ac mortem i-  
 psam. Fatalis enim hæc Regis illius pœna &  
 singularis quædam ultio esse debuit , in uti-  
 lem tamen ejus vitæ finem directâ : ut ni-  
 mirum rex iste arrogantissimus superbia  
 deposita seipsum humiliaret , ac summam  
 omnipotentemq; Dei Majestatem rectius  
 cognosceret. Rectè igitur, Evvichi, in prin-  
 cipio libri tui dixisti, historiam Nebucadne-  
 zaris non juxta τὸ πρὶν τὸν intelligendam. His  
 proinde satis abundè demonstratis, non pos-  
 sum non summopere mirari Bodinum, alio-  
 quin tam acerrimi judicii, quàm variæ le-  
 ctionis virum, qui contra sententiam histo-  
 riæ Danielis, verbis etiam non rectè citatis  
 dixit : Nebucadnezare in bovem à DEO  
 transformatum fuisse : indeq; contra ratio-  
 nis dictamen, generaliter, & quidem proli-  
 xa oratione hominum in bestias metamor-  
 phosin demonstrare aggressus copiosissimè

Bod. lib.  
 2. cap. 6.

## PHYSIOL. SAGARUM

*acerbissimeq; in alios sibi contradicentes invehitur. Nihil certè nos ullos metuemus Bodinos, nihil Peuceros, nihil denique alios ullos, qui in Livonia, in Asia, Gracia, & nescio ubi locorum alibi Lycanthropos ex hominibus ortos conspexerunt. Quamobrem, ut unde digressa est, eò redeat deinceps oratio nostra, statuo: ut nec alios homines, ita nec Sagas unquam in lupos, & per consequens in feles, canes, lepores & similes bestias immutari. At, inquires, sit venia dictis. Sensibili enim oculorum experientia & Sagarum ipsarum confessioni fidem non habere nefas sit. Esto sanè. Ast contra, inquam, apparens ista & phantastica omnis fuit visio, fucataq; & umbratilis tantum imago, ut homines quidem maneant, sed brutorum animantium specie extrinsecus apparentes solummodo videantur. Imago scilicet vel ab ipso Cacodemone, ejusve auxilio, vel ex mera illorum, quos hoc modo mutatos esse dicimus, imaginatione orta. Facilimum enim est demoni Sagarum corpora alterius cujusdam bestiae si vere rei cuiuslibet figura aut imagine superinducta tegere, ne*

*re, ne quales sint homines agnoscantur. Esse autem eas vel latere sub tali imagine absconditas, seorsim exemplum istud Bodini indicat, ubi refert de Sagis nonnullis Ver-  
nensibus, quod cum sæpè in arce quadam præantiqua in specie multorum felium con-  
venire solerent, ideoq; viri fortes quinq; ad explorandam rei veritatem istic pernocta-  
re aliquando proposuissent, unus ex illis sit à felibus interfectus, à reliquis autem Sage multe vulneratæ sint: quæ cum iterum in fæminas mutatæ essent, domi in lecto sin-  
gula suo decumbentes, ab astantibus vulne-  
rata mutilatæq; videbantur.*

---

## An Sagæ cum Satana rem veneream exercere possint.

**I**N causis porrò Sagarum judicandis & decidendis ulterius controvertitur ac disputatur: Utrum possint Sage cum Satana ad rem veneream exercendam, commisce-  
ri, ut ex commixtione tali fætus humanus, isq; vitalis generari queat? Hujus verò qua-

## PHYSIOL. SAGARUM

stionis disputanda, sicut & antecedentium causa fuit, experientia ipsa propriaq; Sagarum, qui tale aliquod delictum perpetrarunt, confessio: praesertim verò Ephialticorum, de quibus Physici docuerunt, imaginatio actioq; mirifica. De his igitur videbimus contemplabimurq;, quas in Physiologia rationes causasve naturales obtineant. Semper enim experientiae argumento τὸ τῷ λόγῳ κριτικῶν conjungendum: & disputatio nostra de simili Sagarum actione melius deinceps intelligitur. Ephialtes proinde morbus, ut quibusdam placet, à viro quodam ejusdem nominis Etymologiam traxit: aliis tamen à phantasia dicitur, qua Ephialtici agroti afficiuntur, quoniam imaginantur hoc morbo correpti, se ab aliquo pondere comprimi. Εφιάλτης enim insilire alteri significat, item irruere & invadere alios. Vulgò incubonem vocant, sive incubum, ab incubando: quod pondus quoddam nobis dormientibus incumbere, & super nos consistere putemus. Plinius modo suppressiones, modo noctis ludibria, item Faunorum in quiete ludibria vocavit. Oritur autem hic morbus,



bus, cum spiritus animales existentes in cerebro ob vapores ascēdentes à pituita & melancholia obtenebrantur, ut virtute sic oppressa videatur aliquid grave inferri, teste Aëtio Medico. Adjuncta enim huius mor- Li. 6. c. 2.  
 bi, quæ symptomata Medicis dicuntur, sunt: corporis motus tardissimus, & torpor, & per somniū maximè torpida sensatio. Item praefocationis sensus, & veluti irruentis alicujus corporis occupatio. Præterea nō tam vociferationis quàm vocis ipsius irritus conatus, ita ut maximè in verba erumpere & clamare hoc morbo correpti velint, ne utique tamen possint. Nonnulli insuper tam inanibus visis afficiuntur, ut eos quoque, qui in se irruerunt, oculis verè & auribus percipere credant, & à se usum turpissimæ libidinis exigere: mox etiam eos si digito apprehendere velint, in pedes sese ilicò conicere opinentur. Et si diutius hic morbus perseveret, graviora plerumque discrimina denunciat & parere potest: nempe apoplexiā, furorem, epilepsiam. Nam quaecumque Epileptici interdū & in vigiliis, eadem propemodum noctu & per quietem Ephialtici patiuntur. Cōtingit

## PHYSIOL. SAGARUM

autem hac affectio Melanchoiica plerunq̃  
 resupino corpore jacētibus hominibus, tum  
 aliis, tum potissimum vetulis. Illæ enim ob  
 sexum & atatem admodum pituitosæ, ple-  
 ræq̃ etiam ob animi affectus, qui à curis ab  
 avaritia & similibus oriuntur, Melancho-  
 licæ existunt, ideoq̃ accedēte illo sensu com-  
 muni ab impurioris spiritus assidua sugge-  
 stione vitiato se pati quidpiam molestum  
 existimare. Sed cum id temperamentum  
 sortiantur etiam juvenculæ propter absen-  
 tiam plerunq̃ amantium & amicorum suo-  
 rum tristiores, & variis curis cogitationi-  
 busq̃ implicite: non mirum si & ipsis hic  
 morbus frequens & familiaris sit. Omnes  
 igitur ejusmodi & juvenculæ, & potius ve-  
 tula hoc morbo affectæ, ob lesam planè phā-  
 tasiā & imaginationem accedente inte-  
 rim metu (sunt enim pleræq̃ timidæ atque  
 meticulosæ) existimarunt se à spectro quo-  
 dam vel demonio divexari, quod à sym-  
 ptomatibus incubum nominarunt. Unde  
 demum varia miraq̃ apud veteres figmen-  
 ta de equitantibus istis nocturno tempore  
 demonibus exorta fuere. Inter cetera verò  
 spar-

sparsum illud peculiariter fuit de demonū  
 prius cum viro aliquo, deinde cum muliere  
 congressu, & prognatis ex coitu ipsorum li-  
 beris. Quicquid quicquid autem de Ephial-  
 te fingatur, qui plurimis etiam honestissi-  
 mis piisq; hominibus, altè præsertim dor-  
 mientibus, contingit: eum nihil nisi mor-  
 bum ex melancholia redundante ortum ef-  
 se censemus. At verò quod de coitu spiri-  
 tum illorum cum hominibus spargitur, de  
 eo, propter Sagas quæ hunc ipsum sapiissime  
 vel semetipsas aliquot annos expertas esse  
 testantur, deinceps sigillatim videndum.  
 Etenim quod de eo dicitur, id plurimi e-  
 tiam cum Ethnici, tum Ecclesiastici autores  
 in scriptis suis prodiderunt, eundemq; scili-  
 cet demonem viris sceleratis, & Magis  
 succubum, mulieribus incubum effici: &  
 tum semen viro alicui ante ademptum mu-  
 lieris inde sinui in ipso actu instillari, atque  
 hinc sæpè fœtum concipi & generari, quem  
 vulgò appellant ein Wechselfind. Augu-  
 stinus ante omnes Theologus gravissimus,  
 creberrima, inquit, fama est, multiq; se ex-  
 pertos, vel ab eis qui experti essent (de quo-

Li. 15. de  
 civi. Dei,  
 cap. 23.

Li. 1. qu.  
 super Ge-  
 nes. qu. 3.

## PHYSIOL. SAGARUM

*rum fide dubitandum non est) audiuisse confirmant Sylvanos & Faunos, quos vulgò incubos vocant, improbos sæpè extitisse mulieribus, & earum appetiisse ac peregisse concubitum. Et quosdam demones, quos Galli Dufios vocant, hanc assidue immunditiam tentare, efficereq; plures commemorant, ut hoc negare impudentia videatur. Quid quod hunc demonis cum mulieribus congressum nonnulli, honestarum quoq; ut loquuntur, fœminarum, quibus ille contigerit historia defendere nituntur? Mercatoris cuiusdam uxor prope Witebergam peculiarem solita fuit concubinum admittere, quæ tamen proba fuit visa mulier. Et contigit marito negotiationis causa peregrè agente, amasium aliquando noctu redire, & post curatam ejus cuticulam hora matutina pica specie assumpta momento foribus insidere, & concubinae suæ his verbis valedicere: hic tuus hucusq; fuit amicus: dictoq; citius evanuisse. Apud Holandos religiosam quandam virginem ex propria peracta cum demone hujus spurcitiei confessione flammis adjudicatam esse, Wierus, Sagarum*



rum alioquin propemodum patronus conspexit. At utrum ista ut nomine, sic re ipsa quoque & verè religiosa fuerit, penes autorem illum esto. Quis enim certò affirmaverit? Sed tamen & propria Sagarum multarum confessionis exempla referuntur, tum ab aliis, tum à Bodino plurima. Ex isto hac imprimis notanda puto: Magdalenam, ait, Cruciam Corduba in Hispania natam, monasterii cujusdam Abbatissam anno 45. confessam esse, se 12. ætatis anno è maligno spiritu ad incestum sollicitatam ei consensisse, & ab eo tempore annis amplius 30. ei concubuisse. Et historia Divi Bernhardi: quæ testatur Sagam fuisse, quæ marito non animadvertenti accubans sæpenumerò Satana se commiscuerit. Idem & in nostris regionibus multa Sage proximis annis testata sunt. Sin verò de mulieribus dubitas eas ex imaginatione hoc ipsum habere putans, vide quid idem Bodinus de viris proferat: Magus enim quidam Benedictus Berna, sacerdos octogenarius, ut ille refert, dixit se amplius 40. annis cum damone muliebrem formam habente coivisse, eumque sibi nemi-

Li. 2. c. 7.

## PHYSIOL. SAGARUM

ne cernente, fuisse comitem, nomine tamen Hermionem. Unde etiam vivus postea crematus est. Item alter quidam Sacerdos septuagenarius fassus est, se itidem cū illo muliebri specie amplius 50. annis venerem exercuisse: & igni traditus est. Hac exēpla firmissima esse Bodinus arbitratur ad comprobandum copulationes istas neq; illusionibus neq; morbis annumerandas esse, ut in fine capitis suprā citati ait. Et quæ verissima historia est: Anno 73. 14. Novembris, in vicinia nostra, in Ducatu videlicet Brunsvicensi, Stephanus quidam Ralen dictus, cujus uxor haud longo antè tempore cremata erat, & ipse Magiæ accusatus, dixit: se septem annis cum demone, quem amicam suam credidisset, nomine die Rolstruckse dictam, rem habuisse veneream. At quid pluribus exemplis opus erit? quorum ubertate libri aliorum referti sunt. Ecquid autem ad hac omnia dicemus? Rationes enim experientia perpetuò conjungendæ sunt. Certè Physicorum traditiones de generatione recordantibus, easq; probè perpendentibus apparebit absurdum esse illud quod dicitur

de co-

de copulatione spirituum & Sagarum. Hæc enim ratio, hæc natura, hicq; modus est generatricis facultatis, quam Deus omnium animantium generi similem de se speciem procreaturo indidit, ut ex semine maris & fœminæ in utero fœmineo tanquam in naturali & propria sede ad id destinata simul commixto fœtus concipiatur & generetur. Et alius locus, aliûsve sobolem procreandi modus nullus est. Locus scilicet subiectus est uterus illius matris; quæ fœtum debet producere: in eo enim semen utrunq; retentum beneficio caloris concoquitur ad conceptionem sobolis. Genitura igitur humana in ordinatis tantum à Deo membris, generationi apta, si extra propria conceptacula qualicunq; etiam ratione transferatur, interire & corrumpi creditur, cum scilicet spiritus & calor ille cordis totiusq; corporis vel qualitate & quantitate iusta in ea temperatus non sit, vel planè non adsit. Præterea quicquid de ista seminis natura statuatur, substantia tamen spiritualis actualiter aut carnaliter cum fœminis coire nequit: sicuti Cassianus quoq; in collatione Patrum rectè asseruit.

## PHYSIOL. SAGARUM

*ruit. Ut maximè enim exteriorem hominis figuram spiritus illi assumere valeant, & aliquo elemento aëreo corporati esse: quale corpus ijs præter alios etiam Augustinus alicubi tribuit, vix tamen ita poterunt assumptum à se aëreum corpus indito calore spiritu & sanguine, ex quo semen generetur, vivificare: ut cum muliere aliqua cōgredi potis sint. Minimè, inquam, sequi videtur ab aëreo spiritu vel etiam corpore, cum eo, quod temperata elementorum permixtione consistit: naturalem vel similem ei, qui inter corpora terrestri magis temperie imbuta contingit fieri vel exerceri posse congressum. Aërem quidem vel aëreum corpus spiritus illi adferunt: sed in actu venereo præter alia sanguis & caro requiritur, quibus spiritus aut aërea spirituum corpora carent. In quibus tamen uberius proferendis parcendum est piis auribus. Neque etiam spirituales angelorum natura creatæ sunt, ut similem de se speciem in hoc mundo singula producerent, nusquam enim hoc de illis scriptum reperitur. Universæ enim eorum legiones quotquot sunt, in principio rerum simul à*

*Deo*



Deo creata sunt. Cur igitur naturali & physica ratione, modòve aut more virorum instar humano, cacodæmones cum Sagis venerem exercere posse assereremus? Copulatio ista venerea qualis qualis describatur, naturalis tamen non est: eam intellige, quæ in physicis de generatione hominum describitur. At quid respondebimus ad experientiam aliorum, de tot exemplis à Bodino, Wiero, alijsq; autoribus, qui de hac materia scripserunt, historicè annotatis? An manifesta experientia contradicemus? An nihil etiam spontaneam Sagarum confessionem faciemus? Id omne, puto, nefas esse dixeris. Si autem hoc sit, à causarum quoq; hujus actionis, de qua modò differitur, inquisitione, minimè desistendum, sed ulterius pergendum fuerit. Nihil enim turpius esse physico, quàm fieri sine causa quidpiam dicere, Cicero rectè pronunciat, Physici nomine vocans omnem eum, qui de rebus naturalibus differere aliquid velit. Quam igitur causam aliam adferemus? Si maligni spiritus actiones venereas exercuerint, ut *ἐμπόδια* significat: id præstabunt non secun-

Lib. 1. de  
finib.

## PHYSIOL. SAGARUM

*dum incorpoream suam substantiam, quatenus spiritus sunt & permanēt, sed assumpto corpore alicujus animantis, qualicunq; illud forma ostendatur, & sive aëreum sit, sive alterius materia. Et si maximè sit aëreum carne & sanguine destitutum, partes tamen illius hunc in modum dispositas robustasq; assumere potest spiritus quisq;, ut quod velit his ipsis efficere aut operari, eum venefici homines manifestè & ad tactum sentiant: sicuti plurimæ Sage fatentur se sensibiliter sæpenumero à suo spiritu percuti & flagellari. Unum addam exemplum sequens. Marpurgi circiter annum 78. Dæmoniacus quidam juvenis rusticus die quodam Veneris, quando publicæ haberentur preces, Theologorum concionatorumq; consilio in templum ductus est, ut tentarent si demonem ex eo possent propellere. Cum verò finitis istis precibus iterū in Xenodochion Weidenhusianæ plateæ, quod Dei domum vocant incolæ, duceretur: civis quidam mihi optimè notus, postquam juvenem illum suas ades (in quibus tum temporis absente familia ad ignem in foco suo solus stabat) pra-*

bat) praterire ex comitantium tumultuaria vociferatione observaret: ardentibus votis apud Deum pro ipso intercedens, ipso momento precationis suae à genio quodam, sibi tamen invisibili, protinus tam duriter ad cervicem percussus est, ut pronus ad terram procideret. Quia, puto, genius iste malignus ferre non potuit, ut homines pro juvene, quem obsederat, intercederent. Sensibilem, aiebat, se ferientis quasi manus robustioris tactum evidentissimè percepisse, facie sua ad ignem conversa. Historiam hanc, is, cui contigit quod dixi, eo ipso die mihi solire revelavit, ne, si uxor vel liberi sui idem resciscerent, deinceps, ut à timidis fieri solet, in domo ista sibi metuerent. Et de veritate huius rei gestae ne minimum quidem dubitandum est. Quid enim quod & boni tres angeli, assumptis corporibus non simulatis aut phantasticis, sed substantialibus, ad Abrahamum divertētes, cibum cum eo sumpserint? ut Moyses divinus historicus refert in Genesi. Quid & illud quod duo ad Lo-

Gen. 18.

## PHYSIOL. SAGARUM

civitatis eos ex adibus Lothi vi extrahere  
vellent, ipseq; idcirco ad tumultum sedan-  
dum ad illos egressus esset, angeli, inquam,  
illi, aperta janua Lothum ad se retraxerunt,

**Gene. 19.** & post se januam iterum clauferunt: matu-  
tino deinceps tempore, cum Lothus tardior  
unà cum suis ad abitum esset, angeli tum i-  
psum, tum uxorem filiasq; duas manibus  
corripuerunt, & extra urbem secum duxe-  
runt? An verò putabis partes corporis illo-  
rum angelorum, quibus commemoratas res  
perfecerunt, fuisse imaginarias, & non po-  
tius verè cum adspectabiles, tum tractabi-

**Num. 22.** les? Accedit igitur Angelus etiam, qui Bi-  
leamo ejusq; asina obviam venit, districtū  
ensem in manu tenens, quo asinam tertia  
quoq; vice impediret, ne progredereetur. Et  
multò magis is, qui Jacobum Patriarcham,

**Gene. 32.** cum quo dimicabat, percussit in femora, a-  
deò, ut & nervi illius dislocarentur. De qui-  
bus vide plenius Methodum Hyperii Theo-  
logi. Ex his enim necessariò efficitur, corpora  
à spiritibus angelicis assumpta non fuisse  
tantum phantastica aut apparentia, sed ve-  
ra, εἰσώδη, substantialia, & per consequens  
demo-



demones corporibus ejusmodi assumptis, operationes exercere posse humanas, utpote tangere homines, apprehendere, percutere, cum ijs dimicare, aut aliud quidpiam agere, adeoq; ut intellectum est, cibum potumq; assumere. Quid igitur mirum fuerit, si etiam cum Sagis coire actualiter, & ad satisfaciendum Veneri suppetias ferre possint? ubi leviori corporis titillatione & motu actioneq; haud validiore ad libidinem solummodo earum refrenandam opus est. Si deniq; demones isti Sagas ex una civitate in aliam per sublimem aërem, ut antè demonstratum fuit, rapere possunt: partes quoque muliebres earum, quietè præsertim jacentium, ad placitum movere ipsis nequaquam difficile fuerit, ut cœuntem ille spiritum aliquem manifestè tangant. Quamobrem de potentia propositæ spirituum actionis neutiquam dubitantes, eam veluti naturæ ipsorum minimè impossibilem, falsò ab alijs imaginationi tantum assignari asserimus. Fateor equidem sæpè imaginari tum Sagas, tum alios homines se videre, tangere, facere, quæ

## PHYSIOL. SAGARUM

*tamen minimè vident, tangunt aut faciunt. Et hoc experientia ipse edoctus fateor. Cur autem è somno expergefacti cessante nocturna imaginatione, postquam antecedentis temporis quo vixerunt, & rerum quas gesserunt, sumpto spacio recordari licet, faterentur id quod intelligunt & animadvertunt, se per *καταστροφὴν* solummodò vidisse, audiuisse, &c. præcipuè verò qui norunt ob tale aliquod facinus, sibi vitæ discrimen imminere? Per absurdum hoc esse arbitror. Quod si tandem dubitare perrexeris, unde semen accipiant Cacodæmones isti Sagarum incubi, quod Sagaræ fatentur sibi, & quidem plerumq; frigidum injici: cum carnis & sanguinis sua natura illi expertes sint: huius quoq; questionis rationem investigare haud difficile opinor. Si enim verè id se hoc modo habet, cogitare facilimum est, dæmones ineffabili quadam celeritate id alijs ademptũ in ipso momento venereæ actionis, succumbentium Sagarum sinui infundere posse. Quod si setas, pilos, aliag; huiusmodi, Sagaræ per insensiles corporum humanorum partes genitorum suorum ministerio intrudere queunt,*

queunt, ut plurima indubitata experientia  
 exempla testantur: nemo quoque inficias ive-  
 rit, quin genij ipsi longè facilius semen alte-  
 rius alicujus animantis per patentes & am-  
 plos suarum amicarum meatus immittere  
 possint. Hoc enim ex natura comparatorum  
 argumentorum necessario sequitur. Quod  
 insuper de liberis ex tali, quam diximus,  
 venere procreatis disputatur, negare non  
 possum, me ipsum tales nunquam vidisse.  
 Compertum verò & exploratum est cum  
 ex Ulrico Molitore, tum ex Inquisitorum  
 & aliorum annotationibus, fuisse aliquan-  
 do tales Satyrorum filios alicubi progenitos,  
 eosque deformes, macros, & aliquantulum  
 proceros. Quemadmodum & Gigantes o-  
 lim è concubitu demonum atque mulierum  
 natos esse nonnulli contendunt. Ecquid au-  
 tem veritatem generationis hujus sciscitan-  
 tibus asserendum erit? Annè fieri talis un-  
 quam potest? Ulricus ille, quem modò no-  
 minaui, concludit eos vel planè phantasti-  
 cos esse, vel alijs puerperis subreptos fœtus.  
 Bodinus etiamsi propter crebram experien-  
 tiam copulationem Sagarum & equitan-

## PHYSIOL. SAGARUM

rium demonum concedat, nihil tamen certi de liberis ex ea prognatis affirmat: referens tantum id ab Hieronymo, Chrysostomo & alijs quibusdam negari, qui putant liberos esse solummodò in specie humana Satyros, non veros homines. Quid igitur nos hac de re statuendum esse pronuntiabimus? Id certè quod res ipsa postulat. Nempe si ex demoniaca tali operatione liberi procreantur, requiritur, ut semen aliunde Sagis allatum, calore adhuc aliquo sit refertum, alioquin nihil perfecti ex eo generari poterit. Is enim causa efficiens est, qui in ipsam seminis materiam operatur. Sicuti copiosissimè Galenus ostendit, omne masculinum semen efficientis vim tenere. Ista autem efficientia tota pendet à calore. Hunc autem, ut suprà declaratum est, extra propria receptacula semen retinere nequit. Ergo id quod propositum fuit, vix verisimile videtur. Veruntamen si acutius rem perpendentes cogitaverimus, vix perceptibilem Satanicarum motionum, actionumq; celeritatem, non tam alienum à vero putabimus id, quod ex Scholasticis Doctoribus Thomas Aquinas asse-

Gale. in  
libr. de  
sem.



asseruit: insitam videlicet abrepti seminis  
 temperiem ab incubo demone conservari  
 posse, propter summam motionis velocita-  
 tem. Quinimò si maximè non omnem calo-  
 rem retinuerit, assumere tamen aliquem i-  
 terum posse à semine, cui commiscetur Saga-  
 rum. Nec enim puto perfectioris formæ fœ-  
 tum inde generari, sed deformes tantum  
 squalidos & planè monstrosos liberos, quos  
 Germanica appellatione *Wechselfinder /*  
*oder verwechselte Kinder /* liberos mutatos  
 nonnulli appellare solent. Quantumcun-  
 que autem monstrosi sint, eos tamen veram  
 substantiam sive substantiam aliquam  
 habere corporatam, haud veritus fuerim  
 dicere. Nec tamen hic questionis de-  
 fendendæ gratia, mentionem facere pla-  
 cet ejus quod Paracelsus (in libro de natu-  
 ra humana) scripsit absurdius, quàm quod  
 coram piis auribus proferendum sit, de ijs  
 qui ex semine parentum Soli & ejus radiis  
 opposito generari possint. Ut ut autem  
 hoc sit de procreatione liberorum veluti  
 vocant mutatorum, propositum examen  
 de concubitu Sagarum cum demonibus

## PHYSIOL. SAGARUM

concludentes, eum propter tam multiplicem atq; frequentem ipsarum Sagarum, & sæpè spontaneam confessionem, non semper, si maximè interdum sit, imaginarium esse: sed verè & ipso actu facinus tale scelestissimum sæpè committi arbitramur, ideoq; Sagas huius sceleris minimè insontes iudicandas & pronunciandas esse.

---

Utrum Sagæ tempestatem  
in mari ciere: item pluvias,  
tonitrua, ventos, & alia  
in aëre producere  
valeant.

**Q**uintum in superiore de effectis Sagarum tradito catalogo membrū fuit de eo: An mari imperare possint ut naves absorbeat? Et sextum huic affine deinceps fuit: An eadem virtute demonum, aut ipsi etiam demones per se ventos, pluvias, fulmina, tonitrua, aliasq; aëris tempestates efficere queant? De his duabus questionibus, utpote quæ eādem propemodum materiam

conti-

continent, uno deinceps in capite videbi-  
 mus, ut rerum naturalium contemplatori-  
 bus nihil restet, quod de effectis istis obser-  
 vandum & statuendum sit. Evvichius u-  
 trang, absque ulla tamen addita ratione  
 negativè concludit, absolutè & generaliter  
 inquiens: Frustrà creduntur Saggæ mari im-  
 perare, ut naves, quas jubent, absorbeat:  
 ventos tempestatesq, cum lubet in aëre ciē-  
 re. Veruntamen cum nullam assertionum  
 suarum causam addat: Saggæ verò ipsa pro-  
 pria & libera sapius confessione ingenuè re-  
 ferant, se facinorosorum ejusmodi operum  
 reas esse: nobis certè vidēdum fuerit, utrum  
 ex promptuario naturæ amplissimo causa a-  
 liqua depromi valeat. Si imperium saltem  
 verbale aut ceremoniale quoddam intelli-  
 gatur: ego ipse haud facile dixerim, eas ma-  
 ri imperare, ut naves in eo submergantur.  
 Quod verò cooperante Satana, & arte Ma-  
 gica, quam ab illo perdidicerunt, usurpatis  
 mediis quibusdam naturalibus tempesta-  
 tem in mari, si modo Deus permittat, pro-  
 ducere queant, hoc est, quod nunc inquirere  
 cogitamus. Christus quidem, Dei & Mariæ

## PHYSIOL. SAGARUM

*Filius sicco pede super mare obābula vit, & huic, ut tranquillum esset, uno saltem verbo imperavit. Quod factum ejus, utpote universis creaturis impossibile, pro summo miraculo haberi debuit. Satanam verò vel per se, vel per ministros suos hoc prastare, si quid aliud, planè mirum videtur. E sacris enim literis manifestissimum est, omnes ad versas aëris tempestates, utpote fulmina, tonitrua, grandines, ventos, &c. à Domino exuscitari, intellige ut malum culpa, aut pœnam ab ipso hominibus immissam: sicut & illud Jeremie sonat: Non est malum in civitate, quod non sit à Domino. Ergo, si Deus, iniquies, omnium aëris meteororum causa effectrix est, nullius autor erit Satan. Quomodo igitur efficientiam illorum, & quare Sagis vulgò adscribimus? Quid, inquam, ad illa dicendum? Princeps huius seculi Cacodemon, & rex aëris à Christo Salvatore ipso cognominatur, habitans scilicet in illo, & nos ubique circumiens. Nempe rex aëris potestatem quoque & imperium in eum tenet. Quid igitur mirum, aut quid dubium est, quin illum varijs modis movere & turbare*

Exodi 1.

Job. 38.

Josue 10.

Psal. 7.

Jerem. 3.

1. Pet. 5.

bare



bare qucat? vel quin celerrima robustissi-  
 mag, sua virtute, absque alijs medijs, na-  
 ves effringere, aut sub maria protrudere  
 possit. Turbato praesertim aëre, in mari na-  
 vigationem impediri, plurimi mortalium  
 maximo rerum suarum cum discrimine ex-  
 perti sunt.

Sed qui, quaso, aërem turbare illi facile  
 est? Videt nimirum quando & ubi exusci-  
 tentur aut exhalent è mari aut alijs terra-  
 rum locis vapores exhalationesve, è qui-  
 bus deinceps nebulae, nubes & pluvia pro-  
 ducuntur.

Istam igitur materiam si non coram sit  
 in loco, ubi tempestatem ciere constituit, ci-  
 tissime tamen aliunde adferre, & istuc com-  
 pellere potest: vel etiam ventis è terra evo-  
 cati simpliciter naves, ut dixi, evertere.  
 Verissimum tamen est, si DEUS nolit,  
 aut non permittat, illum nihil tale moli-  
 ri, nedum efficere & in actum deducere pos-  
 se. Permittente autem Jehova Domino, fa-  
 cilime celerrimeq, omne istud operari posse,  
 testis est Jobi historia, qua refert, Satanae

## PHYSIOL. SAGARUM

operatione ignem de cælo cecidisse, quo pueri & oves ipsius comburerentur. Similiter & turbines sive ventos impetuosos oriri fecit, quibus ædificia ejusdem Jobi everterentur. En argumentum potentia Satânica in efficiendis meteoris firmissimum. Potentem igitur in his Cacodæmonem esse asserimus, sed nunquam, ut antè aliquoties intellectū fuit, nisi permittente Deo. Permissionem & voluntatem Dei semper precedere oportet, adeò, ut nec porcis Gergesenorum quicquam incommodare ausus fuerit, potuerit ve, nisi antè à Deo illo permissum esset. Ut eleganter etiam asserit Tertullianus: Nec, inquit, in porcorum gregem diaboli legio habuit potestatem, nisi cum à Deo impetrasset, tantum abest, ut in oves DEI habeat. Possum dicere porcorum setas tūc numeratas apud Deum fuisse nedum capillos sanctorū, &c. Expresse porro scriptum legitur, operatione illius ignem de cælo cecidisse, id est, virtute, motu, potentia Satana: quæ virtus, aut qui motus nihil est aliud nisi efficientia. Ipse igitur effector, vel causa efficiens jure nominatur ignis de cælo cadentis, & ventorum

In lib. de  
fuga in  
persecu.

rum, quibus *edes Jobi destructa fuerint*. Nisi efficientiam hanc & virtutem agendi habuisset Satan: otiosè omnino & temerè verba illa à divino isto viro posita essent, ignè scilicet operatione Satana desuper cecidisse. Frustrà etiā ipse Satan à Deo permissionem suorum operum petiisset. Nemo enim operari vel efficere quidpiam facile tentat, quod non antè persuasum habeat se facere posse. Ergò evidenter satis apparet, Satanam posse excitare fulmina & tonitrua, & similia meteora in aère. Lutherus quoq; hisce testimonium perhibet in explicatione decalogi. Item in expositione symboli: Possunt, inquit, Dæmones tempestates tonitruaq; concitare, perdere fruges. Brentius ad decidendam hanc quæstionem ait: Satana nec voluntas, nec facultas nocendi deest. Et paulo post. Apud Jobum excitat ignem & ventos &c. Quid, si naturali etiam motu eum ceu physicum ingeniosissimū expertissimumq;, ex causis nimirum physicis, hæc facere posse dicamus? Nam contra naturam ascendentia spirituum (ut Paracelsus ait, Dæmones intelligens) nihil efficere queunt. Quomodo

Brent. in  
ca. 28. lib.  
1. Sam.

Para. ca.  
4. lib. de  
malef. &  
eorum  
operib.

M doigi-

## PHYSIOL. SAGARUM

do igitur naturaliter tonitrua facit malignus spiritus? Quemadmodum videmus, inquit ille, in terris varias ab hominibus artes inveniri meteoricis generationibus non ab similes. Nempe ut cælestes generationes fiunt in cælo, sic in terra quoque naturaliter meteorica quadam opera contingunt, & quidem per mineralia. Ut si Salpetra cum aluminosa substantia misceatur in magna quantitate, & super terram accendatur, priusquam integrè preparata sint: tum mixtum hoc in fumum assurgit ad mediam ferme regionem aëris nubem in illo generans, quæ per se postmodum resolvitur in guttas aqueas, & veram pluviam. Simili modo non impossibile fuerit Cacodæmoni, materiam mineralium in montium cavernis locisque secretioribus congregare, & ibidem arte Vulcanica intempestatum molitiones fabricari, quæ deinceps in turbines atque procellas erumpunt naturaliter. Et artes istæ plurimum admirandæ sunt, hominibusque non usque adeo notæ, sed tamen naturales: quarum operationibus è specu nonnunquam videre licet ventorum erumpentium tantos im-



tos impetus eo loco se conferentes, ad quem  
 ex pacto licitati sunt, ut valde mirum sit  
 videntibus. Quando igitur simile quid con-  
 tingerit, existimandum est, Cacodæmones  
 artibus subtilissimis humanam experienci-  
 am excellentibus usos fuisse. Et hæc ex Pa-  
 racelsi proposuimus, examinanda tamen  
 plenius alijs physicis relinquentes. Eiusdem  
 verò argumenti est, quod sæpè audimus,  
 quàm ingentem sonum atq; strepitum ma-  
 jores edant bombarda hominum ingenijs  
 inventæ, qui mineralia miscere noverunt.

Quis autem hanc artem homines docuit?  
 Natura certè, quæ per transmutationem res  
 plurimas alterare valet. In quantum verò  
 hoc potest, tātum quoq; ars spirituum, quos  
 dixi, efficit. Et postquam solvetur universa  
 mundi machina: tunc oculariter cognosce-  
 tur, multa per naturam & ejus artificium  
 evenisse, quæ hucusq; diabolo immediate  
 fuerunt adscripta: qui ne pilum quidem u-  
 nū ex seipso propria virtute, citra naturam  
 scilicet, album aut nigrum reddere potest:  
 Omnia ex naturali tantum scientia præ-  
 stans. Ut idem Paracelsus eleganter philo-

## PHYSIOL. SAGARUM

Plin. lib.  
28. natu.  
hist. c. 8.

Gell. lib.  
10. ca. 12.

*sophatur. Taceo veterum quorundam opinionones, qui putarunt etiam ex plantis & animantibus, aliisque rebus naturalibus simul permixtis fulmina & tonitrua fieri. Plinius Secundus refert, se in Democriti philosophorum nobilissimi quodam libro legisse: si caput Chamaleontis una cum collo, ligno Roboris arboris uratur: imbres & tonitrua derepentè fieri: idque ipsum usu venire, si jecur ejusdem animalis in summis tegulis uratur. Atqui Gellius hac eadem ex Plinio repetens, ait: Commenta esse & portenta fabularum indignissime in Democritum collata: neque prestigijs hisce à Plinio scriptis nomen tanti Philosophi dignum esse putandum. Neque ego hac temere recitarem, nisi jam ante in Plinii & Gellij operibus publice descripta haberentur. Quicquid autem de his scriptum extet, statuendum esse puto, Satanam DEO permittente (alias verò minime) imbres, tonitrua, fulmina, &c. elicere & procreare, & his ipsis tum fruges terrarum, tum res alias hominum perdere. Verum enim verò dixerit aliquis: Esto, spiritum malignum hac facere posse, hominibus*

*tamen*

tamē factu erunt impossibilia. At, inquam,  
 Sage quidem secundum suam naturam ex  
 se talia minimē possunt, nisi à Satana edo-  
 ceantur. Utrum verò hic eas non instituere  
 queat, qui nihil tam in votis habet, quàm  
 ut homines omnia malitiæ genera discant  
 & exerceant? An contra Sage discere ista  
 nequeunt? Potest ille docere, & possunt hæ  
 discere. Quid igitur aliud impedit, quò  
 minus ea quæ perceperūt, quorumq; artem  
 noverunt, in actū deducere, & ijs uti que-  
 ant, præter unam DEI permissionem, de  
 qua nunc sæpè diximus? Quod Spiritus iste  
 per suam naturam spirituales celerrimam  
 levissimamq; præstare potest, id etiam, si  
 voluerit, per ministros suos transigit: ut  
 præter alios Theologos manifestè etiā Bren-  
 tius testatur. Hæc, inquiens, aliāq; nō solum  
 per se, sed etiam per sua organa potest Sata-  
 nas. Hinc lex ait, Maleficam ne patiaris  
 vivere: quod non iussisset Dominus nisi &  
 Satanas ea quæ per se sæpè facit, etiam per  
 sua organa tētet. Sed quantus sit, subjectus  
 tamen filio Dei est. Attendite argumentum  
 Theologi: legem scilicet de non ferendis ma-

## PHYSIOL. SAGARUM

*lesicis, otiosam fuisse, nisi Deus optimè novisset eas plurima nefanda perpetrare, & res horrendas efficere. Quomodo autem effectura essent, nisi potentiam efficiendi in se obtinerent? Minimè igitur quod Evvichius his obijcit, hîc locū habet, ubi inquit: Fiunt quaedam ex his (scilicet effectis) sed non viribus & opera Sagarū. Quid enim si maximè proprijs suis viribus Saga non agerent quidquam, inde tamen non sequuturum esset, illas nihil omninò & planè nō agere. Negatio enim adjuncti modi non tollit omninò ipsum subjectum. Vel potius negatio causæ efficiētis per se & naturalis non protinus tollit causam omnē per accidens: sicuti neg. solitaria negatā, causa adjuvans vel instrumentaria simul negari debet. Et quid multis? Imperitè, dico, faciunt omnes, qui cum Evvichio simpliciter & absolute negant, neg. Satanam neg. administras ejus Sagas, ventos aliasq. tempestates cum lubet in aëre ciere. Rectius verò sentiunt qui illud Neuvaldi approbāt, ubi inquit: Interdum non sic ludit Diabolus, sed revera exhibentur toxica, perduntur fruges, procre-*



procreantur grādines, fulmina, & similia,  
 ut Deus tanquam carnifice ad iustitiæ exe-  
 cutionem illo utatur. Et tamen Ethnica eo-  
 rum hominum est sententia, adcoq; impia  
 & planè diabolica, qui quotiescūq; in æstate  
 vētos, aliāve tempestatem noxiam dere-  
 pentē oriri vident, eam Satana aut Sagis  
 adscribere non verentur. Et hæc de effectis  
 Sagarum in specie, illa sapientia, & salvo  
 Theologorum inprimis aliorumq; iudicio  
 dicta sint: è quibus intelligatur, quid &  
 quantum Magis omnibus & Sagis tri-  
 buendum putemus.

Ex his porrò longa hucusq; & prolixio-  
 re fortassis, quàm par sit, serie disputatis, lu-  
 ce opinor meridiana universis nunc clarius  
 constare potest, quinam & quales sint ho-  
 mines, quos Magos appellamus, aut eorum  
 fœmina. Ex effectis enim & operibus effi-  
 cientis causa natura, qualitas & omnimo-  
 da constitutio facilius arguitur. Nempe  
 quod sint sceleratissimi, improbißimi, im-  
 pißimi, neq; homines ullos, neq; Deum de-  
 niq; ipsum vel minimum reformidantes:  
 peccatores, inquam, omnium mortalium

## PHYSIOL. SAGARUM

*maximi atq; gravissimi: adeò, ut nullum ferè peccatum excogitari possit, quod illi non cõmittere soleant, ut antè intellectum fuit. Academicus quidem Philosophus Cicero acutè differit, peccata omnia esse aequalia; quatenus videlicet defectus sunt humanae mentis, legibus vel divinis vel humanis contrarij. Verùm si accuratè omnia perpendere velimus: nō possumus non longissimè inter peccata Sagarum & aliorum hominum distinguere. Conjuratores, vaticini, Crystalli inspectores, peccant contra legem Decalogi primam, in eo, quòd Diabolo magis quàm Deo serviunt, & hunc idcirco solum non venerantur. Alij Deum blasphemantes per nomen ejus temerè aut falsò jurant, & hanc ob causam à Magistratu puniuntur: Peccant verò contra legem secundam. Qui diebus Sabbathinis contra ordinationem sui Magistratus opera mechanica aliàve tractant, vel sub concionibus publicas frequentant tabernas, hi violant præceptum Decalogi tertium. Alij sunt, qui parentibus suis, præceptoribus, Magistratui, maledicunt, obloquuntur, eos temerè ad*

re ad iram provocant, nedum qui eos inju-  
 ria aliqua afficiunt, aut quacunque etiam  
 turpitudinis nota dehonestant: horum pec-  
 cata sunt contra legem, qua Deus precipit,  
 parentes esse honorandos. Alij homicidæ  
 sunt & latrones, qui sanguinem humanum  
 profundunt, contra quintum Dei præceptum.  
 Alij scortatores, adulteri, mæchi, transgre-  
 diuntur mandatum sextum. Alij sunt fu-  
 res, prædones, piratæ, contra septimum.  
 Sunt etiam homines falsarij, falsi testes, qui  
 falsa perhibent alijs testimonia, & quidem  
 contra præceptum nonum. Sunt deniq; qui  
 proximorum suorum bonis per fas nefasq;  
 comparandis inhiant & insidiantur, fa-  
 mulos famulasve eorum seducunt, & ad  
 iniquitatem irritant. Et hi omnes ubique  
 terrarum ubicunq; videlicet benè constitu-  
 ta sunt Respublicæ, graviter puniri solent.  
 Atqui cunctorum illorum, quos commemo-  
 ravi, peccata, in Sagis simul concurrunt.  
 Quod si namq; citatas sacrosancti Decalogi  
 leges ordine introspicias, nulla certè Saga  
 est, quæ non contra omnes istas multis mo-  
 dis delinquat. Quis enim si primam illa-

## PHYSIOL. SAGARUM

*rum legum tabulam respiciamus, non animadvertit ex antecedentibus, quàm graviter Sage cōtra totam illam peccent, dum à conditore suo vero & eterno Deo deficientes, eum sponte sua abnegant, abjurant, & quantum possunt, ubi vis calumniatur, Cacodemoni se totas addicunt, & vel proprio sanguine adscribunt, devotent, tradunt, & hunc solum auxiliatorem suum esse credunt, & in omnibus actionibus invocant, dum Dei nomen mille modis in vanum usurpant: dum Sabbathum nullum sanctificant, vel saltem vano pietatis pretextu templa piorum ingrediuntur. Hac enim omnia Sage plurima se facere fatentur. Quæ verò unquam graviora peccata ab ullo mortalium committi possunt? Hac, hæc nimirum sunt peccata in Spiritum sanctum irremissibilia: Deum, dico, non tantum aliorum instar negligere, contemnere, sed ipsum omnibus etiam modis sponte & liberrima voluntate abjurare, & huius loco Diabolum patronum eligere. Pudet hic propemodum meminisse manifestissimi erroris eorum, qui cum Hamelmanno Theologo*



logo sentiunt non semper istam abnegationem DEI, & cum Satana conjurationem verè fieri, sed sæpius imaginativè, dum Saga sibi ipsis phantastice tantummodo persuasum habeant, se Deum abjurantes cum Satana (ejus scilicet præstigijs fascinatæ) fœdus ferisse: quamvis interim Theologus iste paucis interjectis haud neget, aliquando talem conjurationem & tale pactum verè iniri. Quidcunq; enim de phantasia illarum sentiamus, dum tamen ipsamet sibi Saga hoc persuadent, & in persuasione sua persistentes, illum, quem dixi, pro Deo colunt, & sponte quoque sua hoc omne fatentur: quis, quaso, eas conspirationis istius non arguet, aut reas habebit? At plerarumque spontanea confessio sapièssimè attestata est verè hoc ipsum evenire. O scelus igitur sceleratissimum! O horredum abominandumq; peccatum! O hostes Dei plus quàm diabolicos! Angeli semel mali facti, hanc naturam retinēt, ut perpetuò in omnem æternitatem mali sint & mancant, neque possint iterum ad priorem dignitatis suæ, in qua conditi fuerunt, gradum assurgere. Perpetui igitur

## PHYSIOL. SAGARUM

*sunt Dei & bonorum hominum hostes. Homines autem ipsi licet in peccatis concipiantur, & per Adami lapsum peccatores generentur, tales tamen nascuntur, ut per spiritum & aquam regenerati suorum peccatorum veniam & remissionem fide in Christum promereri queant. Hos ergo, praesertim in hisce temporibus atq; locis, ubi clarissima sacrosancti Evangelij lux per multos hucusque annos effulsit, à Deo creatore suo unico, iterum & quidem sponte sua deficere, quis non summum & inexcusabile peccatum esse existimabit? Ethnicos inexcusabiles fore Divus Apostolus refert, qui Deos plures fictitios coluerunt, cum tamen verum Deum Christi Dei Filij Patrem non cognoverint. Quomodo igitur, nisi injustissime eos excusatos habebimus, qui sacrarum literarum documentis imbuti, & eruditi, nihilominus denuò volentes & incoacti à Deo vero deflectunt, antè scientes unum esse Deum puramente venerandum, hujus verò hostem crudelissimum esse diabolum? Horum hominum peccata qui excusant si ve defendunt, eaq; tantum alto somno aut imaginationi adscri-*

adscribunt, & ipsi in Deum & ejus Filium  
 gravissimè peccant, suntq; judices iniquis-  
 simi. Etiam si verò ex pramemoratis abun-  
 dè perspectum sit, quanam & qualia quan-  
 taq; sint Sagarum delicta, & quanto alijs  
 graviora: nihilominus tamen, ut specialiore  
 significatione omnibus declarentur, ad ta-  
 bulam quoq; alteram Decalogi procedemus,  
 & inde cognoscemus: Sagas fermè univer-  
 sas non tantum contra unum atq; alterum  
 duntaxat ejus praeceptum, sed cōtra omnia  
 ex aequo simul enormiter peccare. Quod e-  
 nim hominum impiorum genus aliud prae-  
 ter illas ipsas, quartum praeceptum Dei ma-  
 gis violat, dum scilicet superiores, quos re-  
 vereri, honore prosequi, & quibus subje-  
 cti esse debebant, omni injuria, infamia,  
 turpitudineq; afficiunt. Præterea transgre-  
 diuntur & quintum praeceptum, dum non  
 modò homines venenis suis interficiunt, sed  
 etiam equos, vaccas, sues, & alia id genus  
 eorum jumenta: & quod horrendum dictu  
 est, dum conjunx maritum, & hic contrà  
 suam conjugem occidit, dum proprios suos  
 infantes jugulant, ut sanguine illorum ad

## PHYSIOL. SAGARUM

veneficia sua uti fruiq; possint. Inhumana  
certè, & plus quàm ferina hæc est actio, qua  
vix ac ne vix quidem crudelior ulla exco-  
gitari potest, & qua neq; cum Busiridis fa-  
mosissima scævitia, neq; Phalaridis tyranni-  
de conferenda est. Quinimò rarissimè pec-  
cata Sagarum innotescunt, si non etiam cō-  
tra quintum illud præceptum actiones suas  
instituant. Ad sextum si progrediamur,  
quis non summoperè admiretur extremam  
illarum turpitudinem & vitam inhone-  
stissimam scelestissimamq;? quando non na-  
turalibus saltem voluptatum illecebris, sed  
concupiscentia plus quàm diabolica incita-  
ta, nō modò cum hominibus, verum etiam  
cum brutis animantibus, imò (ut in præce-  
dentibus ex propria illarum confessione pa-  
tuit) cum ipso cacodæmone concumbunt,  
veneremq; præternaturalem exercent, a-  
deoq; diabolum ipsum pro marito, & con-  
tra, habent, & amico spurcissimo utuntur.  
O flagitia flagitiosissima! O scelera gravis-  
simis supplicijs dignissima! Horret animus  
hæc prolixius commemorare. Sed hisce ne-  
quaquā acquiescentes Sage, pluribus quoq;  
alijs



alijs peccatis sese contaminant, ut vel nolle videantur quidquam omittere quod ad contemptum Dei & hominū perniciem faciat. Quid igitur ulterius? Furta huc accedunt & rapina assidua, à quibus etiam nemo vel sagacissimus diligentissimūq; paterfamilias sibi cavere potest. Si res nostras benè custodiamus, facile à furibus alijs tuti esse quimus.

At Sagarum furta quis, queso, praeveniet? quippe quae ex abditis cellis vinarijs & alijs locis vel optima ratione munitis & conclusis quidlibet auferre solent. Pleraq; insuper prater antè dicta contra octavam simul Decalogi legem graviter peccāt, dum nihil non falsi, tum de Deo ipso, tum de proximis suis loquuntur. Adhuc ne una quidem reperitur Saga, quae nō pariter nonum & decimum praecepta transgrediatur. Scilicet omnes hoc unum fermè cogitant, ut quod aliorum sit, in suam potestatem redigant, & suum sibiq; proprium faciant. Talia igitur, tantaq;, & tam multiplicia Sagarum scelera, delicta, peccata sunt. Ex quibus abundè satis liquet, & manifestissimè,

## PHYSIOL. SAGARUM

*si quis modò oculos aperiat, videre est, quale hoc hominum genus sit, videlicet omnibus improbitatis impietatisq; generibus cumulatissimè coinquinatum: Satanam pro vero Deo habent coluntq;: Nomen Dei in vanum semper sumunt: Sabbathum nullum sanctificant: Parentes, & qui horum nomine intelliguntur, nequaquam honorant: Alios homines occidunt: Scortantur, mæchantur: Furta faciunt: Falsa tantum testimonia dicunt: Maritos vicinarum, vel contrà uxores vicinorum proximorumve concupiscunt: Domos possessionesq; aliorum appetunt, famulos famulasq; illis abstrahunt, & nihil non aliud quod impium sit, perpetrant atq; faciunt. Omnes igitur peccatores, id quod antè demonstrandum susceperamus, cum Sagis minimè conferendi sunt. Cur enim hoc ingenuè non faterer? Nulla in tota rerum universitate creatura tam horrenda, tam abominanda, detestandaq; ut quævis Saga est. Nihil à Deo conditum est post Satanam pernitiosius, nihil humano generi magis noxium, nihil deniq; magis fugiendum. Venenosa animan-*

animantia, & venena ipsa morbosq; pesti-  
 feros metuimus & reformidamus. Cur igitur  
 Sagas potius, quæ omni malo, venenoq;  
 pestilentiores sunt, nō a versamur, odio pro-  
 sequimur, & quantumcunq; licet fugimus?  
 Natura illarum mortalibus inimica est.  
 Effecta quoq; & universæ operationes inu-  
 tiles sunt. Quamobrem indignissima ha-  
 beantur, quæ hominum societate frui debe-  
 ant. Sed quare finem non facio? Si enim o-  
 mnium vel eloquentissimorum Oratorum  
 facundia in me esset, non satis tamen ut me-  
 rentur, suis coloribus Sagas depingere de-  
 scriberēve possem. Quibus probè considera-  
 tis non possum non iterum iterumq; Joan-  
 nem Wierum mirari, qui ut peccata illarū  
 extenuaret, & illis gratiam benevolen-  
 tiamq; apud Magistratum conciliaret, o-  
 mnes earum actiones ex mera tantū ima-  
 ginatione & sola phantasia dormitantium  
 procedere docuit, utpote quæ somnient so-  
 lummodo se ea, quorum arguuntur, fecisse,  
 nihilq; eas verè & actualiter præstare aut  
 producere posse. Quod enim aliud illius stu-  
 dium? quæ doctrina? quis finis propositus  
 N fuit?

## PHYSIOL. SAGARUM

fuit? quàm ut culpam earum imminuens, adeoq; omnem in fascinationem Satana transferens, definita impunitate eas à pœna promerita liberaret, artemq; & societatem Magicam promoveret, ac ubiq; terrarum auctiorem redderet. Si quid modo liberè mihi dicendum sit, ego certè unà cum Bodino suspicor Wierum istum eorū omnium quæ Sagis tribuuntur gnarum, socium reumq; fuisse: Magum scilicet atq; veneficū magos & veneficos reliquos defendisse. Satius igitur & longè melius esset, illum in hoc mundo nunquam natum fuisse, aut saltem nihil unquam scripsisse, quàm scriptis suis occasionem peccandi tam multis hominibus alijs præbere, & regnum Satana longius amplificare. Decipiuntur autores scriptoresq; universi, qui opiniones istas Wierri de effectis Sagarum ratas verasq; esse statuunt. Deceptus est hoc modo Thomas Erastus: decepti sunt alij. Deceptus es etiam cum illis Evvichi, ut falsissimè dixeris sub finem tractatus tui primi, omnia fascinationi potius Satana esse tribuenda quàm artificio aut efficieatia Sagarum. Axioma hoc est fal-



*est falsissimum. Falluntur denique iudices qui  
sententiam eandem approbantes simile iu-  
dicium proferunt. Hec fuerunt, Evvichi,  
quibus contra primam militiam tuam (& Neu-  
vvaldi) Magica classem contendere visum  
est: firma nimirum & solida propugnacula,  
que veritatem litis & disputationum de  
natura & effectis Sagarum tueri & defen-  
dere possunt. Victa est ista tua classis, I  
igitur Evvichi, I & Neu-  
vvalde,*

*I nunc & verbis virtutem illude superbis.*

N 2 LIBER





LIBER SECVNDVS  
DE INQUIRENDIS  
per certa signa & rectè co-  
gnoscentis examinan-  
disq; Sagis.

UBI

De purgatione earum per aquam  
frigidam.



*Dhuc de natura & potestate  
effectisq; Sagarum: deinceps  
de indicijs & signis earun-  
dem, quomodo nimirum co-  
gnosci & examinari ritè de-  
beant, sequetur. Cum enim ex anteceden-  
tibus abundantissimè perspectum sit, eas  
plurimorum nefandorum operum effectri-  
ces esse, ut impunitæ nunquam dimitti de-  
beant: necessarium sanè erit, ut comprehen-  
dantur,*

dantur, ritè examinentur, & si rea sint, è  
 communitate societateq; vita tollantur.  
 Hoc autem quomodo fieri poterit? quomodo  
 inquam sciri poterit, quinam maximè sce-  
 lerum & criminum ejusmodi intolerabili-  
 um rei sint, nisi certis quibusdam observa-  
 tis signis atq; indicijs hoc ipsum exploretur?  
 vix enim unquam reperias vel unum Ma-  
 gum sive Sagam unā quæ se ipsam prodat,  
 accuset, aut quæ Magicas suas operationes  
 alijs manifestet atq; revelet. Quamobrem  
 etiam antequam ad pœnam procedamus,  
 de inquisitione earum aliquid in hac parte  
 videndum fuerit: ubi simul ad secundam  
 partem tractatus Evvichij, quantum fieri  
 poterit, brevissimè respondebitur. Sed res  
 copiosior quoq; nobis cum Neuvaldo hic  
 expedienda erit, qui integram suam exege-  
 sin examinis Sagarum aperto titulo contra  
 nos scripsit. Agedum igitur Evvichi tecum  
 primò acturi classē seu stationem tuam se-  
 cundam perlustremus, ut militiam quoq;  
 nostram melius inchoare & ordinare quea-  
 mus. Videamus quanam in principio secun-  
 da stationis tela collocasti? Qualis tua est

## PHYSIOL. SAGARUM

*Sagarum inquisitio? Quomodo eas cognoscere doces? Signa abs te communiter secundum Medicorum quorundā distinctionem duplicia proponuntur: pathognomonica quae naturam & vires morborum: & diagnostica quae differentiam horum ostendunt. Sed quia haec non omnibus nota, parum ad rem faciunt, illis omisſis nos ad dictamen rectae rationis sive logicae conspicientes, signa Sagarū considerabimus tum communia, tum multo magis propria. Communia dicimus quae in aliorum quoq; sceleratorum inquisitione observantur: qualia abs te Euvichi recensentur: Rumor vulgi: aliorum testimonium: acta publicè observata & manifesta, & confessio Sagarum. Propria vero nominamus: notas quas dicunt corporibus illarum seorsim impressas: & quae abs te vocantur experimenta: utpote injectionem in aquas frigidas & alia eiusmodi. Ad communia signa quod attinet: primo de vulgi rumoribus & testimonijs pleni sunt libri autorum tum aliorum tum jurisconsultorum, copiosè interpretantium quando & quanta fides testimonijs & quibus maxime*



ximè testibus adhibēda sit: è quibus uberior  
 illorū explicatio peti potest. Sæpenumerò q-  
 dem contingit ut vulgi rumores & publica  
 quæ spargitur fama Magos Magasq; siue Sa-  
 gas alijs hominibus significet: quā si Magi-  
 stratus percepit, officij sui ratione de ijs ple-  
 nius inquirere, easq; cōprehēdere cogitur, ut  
 Zizania hac è terris eradicētur. De his igitur  
 rumoribus & de fama publica perpendendū  
 est ante omnia quod Poëta canit, inquiens:

Fama malum quo non aliud velocius ullum,  
 Mobilitate viget, viresq; acquirit eundo.

& paulò post sub finē ejusdem descriptionis:  
 Tam ficti praviq; tenax quam nuntia veri.

Fama, inquit, non minus res fictas & planè  
 falsas, quam verè contingentes sæpenumerò  
 hominib. annunciat. Argumentū itaq; siue  
 documētum rerum inquirendarū plurima-  
 rū sed sæpe incertum fama est. Quamobrem  
 etiā huic non temerè neq; soli semper fidendū  
 fuerit: ne innocentes puniantur, nocētes ve-  
 rò impuniti dimittātur. Quid igitur in his  
 faciendum? Magistratus diligentissimè ex-  
 plorabit eos, à quibus talem aliquem rumo-  
 rem cognovit, & deinceps cōsiderabit quales  
 sint isti testes, & quanam eorum testimonia.

## PHYSIOL. SAGARUM

De his autem regula generalis hac diligenter attendenda est. In civilibus & forensibus rebus testimonia plerumq<sup>ue</sup> fidem faciunt, si contestantis prudentia, virtus & benevolentia adfuerint. Ex qua unica regula plures alie speciales à Jurisconsultis extruuntur. Inde enim colligitur prudentibus tantum & sapientibus præcipue credendum: pueris e contra minorem: fatuis stolidisq<sup>ue</sup> hominibus, adeoq<sup>ue</sup> furiosis omnino nullam fidem habendam esse. Ignorant siquidem illi quid loquantur, aut quid rerum sæpe testentur. Deinde virtutis nomine intelligitur specialiter probitas atq<sup>ue</sup> veritas: & præcipitur ijs potissimum fidem esse habendam qui probi sint, honestatem vitæ veritatemq<sup>ue</sup> in primis spectantes: contra improbis & alioqui mendacibus minime credendum. Qui enim mendacio gaudet, is de aliorum veritate ad defendendam honestatem testimonium ferre non potest. Tertiò in testimonijs etiam considerata est benevolentia: hunc in modum ut videatur, quomodo testes affecti sint erga eos de quibus testari debent: an malevoli sint, an inimici

& ho-

& hostes. Tales enim ut plurimum menda-  
 cia proferre solent in perniciem eorum qui-  
 bus malè cupiunt. Ut autem hac in rebus  
 civilibus & forensibus controversiis omni-  
 bus: ita in his præcipuè causis quæ Sagas cõ-  
 cernunt simul perpendenda veniunt. At  
 Sagæ, inquit, horum omnium expertes sunt,  
 neq; prudentes neq; probæ & veraces sunt,  
 neq; ullis mortalibus benè cupiunt. Diabo-  
 lus siquidem, ad cuius nutum vivunt, &  
 cuncta faciunt, ab initio homicida & men-  
 dax est, nihil nisi perniciem humani gene-  
 ris querens. Quod si igitur hæc alias Sagas  
 indicent atq; proclamant, quanam fides ijs  
 tribuenda? Fides certè exigua illis habenda  
 est: at quæ aqua & igne, seu capitis supplicio  
 testimonia sua confirmaverint, & in con-  
 fessionibus suis ad extremum usq; vitæ spi-  
 ritum perstiterint, ijs plerumq; credere sole-  
 mus. Magistratus itaque cautè & circum-  
 spectè prudenterq; in his aget: ne si unus ali-  
 quis Magus aut Saga una alios itidem suo-  
 rum scelerum socios sociasve cõfiteatur: ipse  
 unius alicujus stans testimonio absque alia-  
 rum circumstantiarum consideratione eos

## PHYSIOL. SAGARUM

*protinus reos esse judicet atq; condemnet. Si tamen plures ejusmodi ante mortem suam de alijs testimonium perhibeant: Magistratui pro suo officio inquirenda veritatis gratia accusatos illos comprehendere permissum esse potest: & licitis, de quibus deinceps agetur, medijs in illos plenius inquirere. Quot verò, inquires, numero testes in hac causa requirentur? Christus ait in ore duorum aut trium consistit omnis veritas. Jurisconsulti septenarium plerunq; numerum postulant: adeò ut unius vel inculpati hominis testimonio vix unquam acquiescere velint. At hujus rationem ex superstitione potius quam ex veritate originem traxisse arbitror, eorum videlicet qui septenarium quodammodo sanctum habent.*

*Si rectè judicare velimus: indefinitus per se testium numerus esse potest. Lemgovien-  
sis Reipub: praesides, consules & consulares penes quos imperium fuit, proximis hisce annis summā in hoc inquisitionis genere prudentiā adhibuerunt, eas tantummodo Sagas cōprehendi & carceribus mācipari faciētes, quae à pluribus simul post confesso-*



fessionem deinde suam combustis accusata  
 essent. Inconsultū itaq<sup>3</sup>, illiberale, adeoq<sup>3</sup>, ini-  
 quissimum, Evvichi, tuum est de ijs judi-  
 cium, qui verbis Epistola mea minus dextrè  
 intellectis consules illos iniquitatis non ferē-  
 da & impietatis arguis: quod ego dixerim  
 trium Sagarum, quæ me videlicet Lemgo-  
 viam adventante mortis supplicio affecta  
 essent testimonijs mox tres alias accusatas,  
 comprehensas, & incerto experimento ex-  
 positas esse. At quid quaeso, Evvichi? Di-  
 xiné ego solummodò trium istarum quæ il-  
 lo die concremata sint testimonio tres reli-  
 quas accusatas condemnatasq<sup>3</sup>, fuisse? De-  
 pravatè omninò verba mea repetiisti, &  
 in alienum sensum detorsisti: quod an ho-  
 minis sit ingenui nequaquam video.

Non dixi tribus istis, quas commemo-  
 ravi, interfectis videlicet propter earum  
 tantummodò accusationem mox etiam cæ-  
 teras à lictoribus esse comprehensas: sed  
 post mortem illarum trium, alias insuper  
 tres, quas tum priores istæ, tum ante istas  
 aliquot aliæ ceu socias nominassent, decre-  
 to Senatus carceribus inclusas esse. Si aliter

## PHYSIOL. SAGARUM

locutus essem, summam ego Lemgo viensis  
 Reipub. Consulibus, Domino Henrico Flori-  
 ken inprimis, & Domino Theodoro Coth-  
 manno viris prudentissimis injuriam face-  
 rem: qui tamen quidvis aliud quàm hoc i-  
 psum de me dici vellem. Jurisconsultos pro-  
 inde asseris non temerè quosvis ad ferenda  
 testimonia præsertim in criminalibus ad-  
 mittere, nominatim autem excludere infam-  
 es & hostes: neminem verò magis infamem  
 esse quàm Sagas, ideoq; exclamas mi-  
 nimè standum esse illarum confessionibus  
 & testimonijs. Ratio additur: quia nihil ni-  
 si exitium quarunt. Bellè sane. Esto hac sen-  
 tentia Jurisconsultorum eorum scilicet, quos  
 tu saltem legisti aut cognovisti. Quod si au-  
 tem rata & catholica hac sententia haberi  
 debeat, ut nullis Sagis credendum esse exi-  
 stimes: sequetur nullum etiam furibus, nul-  
 lum latronibus & homicidis qui alios fu-  
 res, alios latrones vel spontè vel coactè defe-  
 runt, fidem habendam esse. Omnes enim hi  
 infames sunt, & aliorum infamiam & exitium  
 quarunt. Neq; unus propemodum eorum  
 est, qui si interficiendus sit, mortis sua  
 socium

socium habere non optet. At hac cunctorum  
 fermè ad Rerumpublicarum gubernacula  
 sedentium in foro consuetudo est, ut quos à  
 furibus, latronibus, monetarijs apud sese  
 deferri audiunt, in eos quoque animadver-  
 tendum esse justè judicent. Res hac notoria  
 est, ideoq; pluribus specialibus exemplis eam  
 comprobare, haudquaquam opus esse reor.  
 Et quidni, quaeso, justum hoc esset? nisi om-  
 nes istos, de quibus dixi, & id genus alios  
 scelestissimos homines superstites vivere  
 velis? Sequetur deniq; si in propositam tu-  
 am sententiam nobis eundum sit, nihil un-  
 quam Magis & veneficis vel de exhibitis  
 à se venenis, vel de equitatione aut saltatio-  
 ne, vel de cohabitatione demonũ aut cate-  
 ris ejusmodi quæ fatentur facinoribus cre-  
 dendum, adeoq; omnem illorum scelerum  
 confessionem irritam habendam fuisse,  
 quod tamen absurdissimum esse quotidiana  
 experientia vel meridiana luce clarius o-  
 stendit, & apertissimè testatur.

At verò alij saniores iudices plurimi non  
 iniquum esse censuerunt, sed permiscrunt,  
 ut ex alijs qui eorundem scelerum simul rei

## PHYSIOL. SAGARUM

*confortes & socij essent in alios testimoni-  
 um atq; probatio peteretur: hanc maximè  
 ob causam, ne plurima peccata huiusmodi  
 impunita dimitterentur. Quamobrem si  
 argumentum comprobationis majorum re-  
 spicias: videlicet si in causis civilibus de a-  
 dultério, furto, cade, homicidio, licitum sit  
 insontes testimonium perhibere: multo ma-  
 gis in gravioribus causis id permitti posse:  
 nihil omnino vetat quin & Magi contra  
 Magos, Saga contra Sagas (maximè si ac-  
 cusatores ejusmodi plures sint) testimonium  
 dicere possint. Hac sola insuper observata  
 cautela, ne notorium & capitale odium ex-  
 tra magicam artem & societatem inter eos  
 deprehendatur. Longè enim gravior hac,  
 de qua nunc cōtrovertitur, causa est. Quip-  
 pe qua crimen laesa majestatis est non tan-  
 tum humana sed & divina. Solertissimè i-  
 gitur Bodinus & rectissimè de ejusmodi te-  
 stibus conclusivè inquit: In tam horrendo  
 crimine nihil necesse religiosè hærere quen-  
 quā regulis procedendi aut refellendorum  
 recipiendorum-ve testiū ordinarijs. Viden'  
 igitur, Evvichi, quàm prudenter hoc in lo-  
 co sci-*



co scilicet differueris, quàm graviter & iniquè Lemgo viensem Senatum accusâris. Sed hæc facessant.

*Tertium in ordine inquirendarum Sagarum signum esse dixi, acta publicè observata & manifesta. Sæpenumerò siquidem plurima hoc signo deprehensa sunt: ut quæ post corporis sui certo aliquo unguento factam inunctionem a volare in aërem visa sunt, quæ igne in campis extructo aërem perturbare & ciere tempestatem observata sunt.*

*Inter alia autem signa inquisitionis Sagarum, validissimum atq; certissimum est spontanea confessio, si proprio motu scelera sua Saga confiteantur. Tum enim nihil omnino prohibet, quò minus fontes pronunciari & condemnari debeant.*

*Confessionem spontaneam intelligo illarum, quæ reas se esse fatentur, præcipuè videlicet antequam rogentur, & in confessione hac sua deinceps persistunt.*

*Sæpe enim contingit, ut spe consequenda impunitatis fateantur scelera*

## PHYSIOL. SAGARUM

*sua, eademq; deinceps si videant promissa sibi nequaquam servari, rursus negent. Omnibus igitur modis attentandum est, utrum possit ab illis spontanea ista confessio elici. Quoniam verò confessiones pro personarum, locorum, temporum, aliarumq; circumstantiarum varietate plurimum differunt, illarum quoque omnium aequi iudices diligentem rationem habebunt. Hic autem error illorum iudicum gravissimus notandus est, qui vel spontè scelera sua confitentibus Sagis fidem habendam esse negant, quæ ijs videntur contra naturā fecisse: ut quando ajunt se cum Satana rem habuisse veneram, se per aërem aliò volitasse, tonitrua excitasse, & quæ horum sunt similia. Sagas enim illorum omnium reas argui posse, in præcedētibus firmissimè demonstratum esse puto. Quenam enim alia inquirendarum sceleratorum hominum certior ratio esset, quàm quæ ex propria confessione oritur? cū hac cunctorum mortalium natura sit intentatum crimen negare potius quàm confiteri, si necem sibi vident ob illud parari. Quod si verò monita Saga suapte sponte peccata*

peccata sua fateri nolint, eas ad questionem civilem rapiendas esse Jurisconsulti pleriq; statuunt, ut violentia quadam veritas ex illis extorqueatur. At hic certe singulari industria summaq; prudentia opus erit propter diversissimas personarum qualitates, & quantum ad vires seu robur partium corporis attinet, dispositiones facilius scilicet vel difficilius violentam ejusmodi questionem sustinentium.

Quapropter non satis congrua videtur illorum judicandi solennitas, qui omnes eos indifferenter absolvere à criminibus solent qui in examine tali nihil confitentur. Multum enim quod norint ante, se nihil confitentes à iudicibus absolvi, fortiter illam perferre omni conatu student, ut taceant potius ea quoq;, quorū optimè sibi conscij sunt, quàm ultimum vitæ suæ periculum subire debeant, aut velint. Quemadmodum ipse aliquando in celebri quadam civitate observavi, reum quendam homicidij multis incolis perspectissimè noti, cum illud violenta questione examinatus fortiter negaret, infontem judicatum esse. Ita consuetudo in

O      j. i. di-

# PHYSIOL. SAGARUM

judicijs quoq; veritati saepenumero praefertur. Quamobrem hanc inquisitionis probationisq; rationem olim etiam praeter ceteros Cicero respuit, & pro nihilo faciendam esse duxit, ut videre est in loco illo orationis pro Milone, ubi ait: Heus, ubi Rusco, ubi Casca? Fecit? certa crux: Non fecit: certa libertas. Intelligit nimirum siue facti fuerint rei, siue non facti incertam nihilominus esse hanc probationem. Quid quod experientia in ipsis Sagis ostendit, eas si maxime tormentis cogantur nihil fateri, & postmodum tamen sponte omnia testari? Vele etiam quae violenter coacta dixerint denuo negare? ita nimirum à Satana persuasa. Judicium igitur inde petitum quadantenus incertum esse poterit, ut à nonnullis etiam iuriconsultis pro incerto habetur. Multò minus idcirco Labeonis illam legem (quam Euvichius in hac parte sequi consultius esse opinatur) omni ratione probandam esse duco, ubi sancit ut quaestiones ejusmodi adhibeantur non ad indagandum principale factum, sed tantum ad cognoscendas circumstantias & alia quadam praeter intentionem

tatum



tatum crimen, cum de hoc constiterit prius. At quis non facile videt si incertum sit inquisitionis genus adeoq; crudele, hominis alicujus factum, cujus principaliter reus habetur, civili & violenta questione cognoscere, longè quoq; crudelius esse membra illius omnia propter alias circumstantias & minus principalia delicta neque intentata discerpere & ad necem usq; dilaniare? Si igitur hoc consultum esse putaveris Evvichi, prius illud multò consultius etiam judicandum fuerit, Sed reprobas istud: Ergo neq; alterum, quod Labeo sensit, rectè consulere poteris. Quandoquidem autem hic explorandarum Sagarum modus è jure scripto plurimis probatur: diligèti aliarum omnium circumstantiarum consideratione cavendum, ne quid agatur aut judicetur, cujus Deo tandem judici justissimo aliquis rationē reddere cogatur. Sed quæ ulterius observanda sint circa hanc confessionem, quia plenis libris juriscōsulti descripserunt, & ex his ingeniosissimè Bodinus repetijt, nos hoc in loco brevitati studentes copiosius docere non opus esse cogitavimus. Unum

O 2

hoc sq.

## PHYSIOL. SAGARUM

Bod. li. 4  
cap. 1.

In mall.  
malefic.

*hoc solummodo adjiciendum videtur. Sum  
qui ad explorationem Sagarum tormentis  
recte faciendam specialiter in more positum  
habent, ut pilos ab omni corporis Sagarum  
parte abradendos censeant, vestesq; illarum  
mutandas esse: hac persuasione quod tum  
demum ea quorum rea habeantur, citius in-  
dicatura sint. Et hunc exploranda confessi-  
onis morem Bodinus præ cæteris comproba-  
re videtur. Quod si, inquiens, nihil fatean-  
tur Magi, tum mutanda vestes & pilus o-  
mnis radendus est: & ita ad interrogatio-  
nem veniendum. Et paucis interjectis: Nam  
inter omnes convenit Magis pharmacata-  
citurritatis esse: & quamvis diabolus eos  
confirmet, ipsi tamē amisso pharmaco qua-  
stionem à se ferri non posse putantes, qua-  
dam desperatione plurimum ad dicendam  
veritatem sine tormento adducuntur. Idem  
approbat Sprengerus inquisitor: Si Magus  
inquiens, penes se silentij sortem habuerit,  
eum ad tormēta nihil doloris experturum,  
neq; veritatem unquam confessurum. An-  
ni centum sunt, quando Cumanus inquisi-  
tor unam & 40 Sagas dānavit, quæ omnes  
abrasis*

abradis pilis & mutatis vestibus absq; ulla  
 questione violenta confessæ fuerunt. Idem  
 Domitianus olim Imperator observavit in  
 Apollonio Tyaneo Mago: observarunt & Philostr.  
 alij. Evvichius verò hanc doctrinam ait à Lemn.  
 Carnificibus ortam esse, quibus quod ex ho-  
 minum supplicijs quæstum aucupentur, pa-  
 rum fidei debeatur: quam tamen originem  
 nescio quo argumento demonstrare possit.  
 Atqui à quibuscunq; introducta sit, si certis  
 rationibus omnia æstimanda sint: fateor  
 me de istius silentij Sagarum sorte & ejus  
 certa ratione plurimū adhuc dubitare. Cur  
 enim crederemus illam in pilis earū abscon-  
 ditā herere potius quàm in alijs partibus,  
 nisi putemus Satanā pilosas illarum partes  
 potius præ reliquis unguento taciturnitatis  
 inungere, ne scilicet unguentum illud inter  
 pilos facile citoq; deprehendatur. Aut nisi  
 hanc rationem quispiam admittere velit,  
 quod quemadmodum in capillis olim Sam-  
 sonis robur & fortitudo ejus quasi inclusa  
 consistebat, sic pilis quoq; Sagarum singula-  
 re quoddam corporis robur præcipuè insit,  
 ut gravissimos etiam cruciatus facilius to-  
 lerare

## PHYSIOL. SAGARUM

lerare queant. Verum experientia testata  
est multas confestim ante ullam pilorum  
abrasionem crimina sua confessas esse. Imò  
Magdalena Crucia quadam Cordubensis  
Abbatissa, cum se plurimum suspectam es-  
se artis Sagarum nomine animadverteret,  
seipsam consortij cum Satana triginta annis  
habiti accusavit, quando nulli adhuc opi-  
nor pili ejus abrase essent. Et hæc de signis  
inquirendarum cognoscendarumq; Saga-  
rum comunibus dixisse suffecerit. Propria  
deinceps diligentius explicanda veniunt,  
de quibus major contentio & nobis propo-  
sita disputatio est. Numerantur autem pro-  
pria ejusmodi signa, quorum observatione  
Saga certò cognosci possint varia: sed multa  
in horum ordine satis frivola & inania ac  
planè ridicula: ut sunt: si ad saltum cribri  
Saga explorentur: si puerorū, qui templum  
adeunt, novi calcei axungia perungantur  
suilla, aut res quadam alia templorum li-  
minio substernatur, ne Saga possint egredi.  
Item quod vulgus putat, eas ex solo aspectu  
cognosci posse, propterea quod pleraq; vetu-  
la aliorum obtutum effugientes semiclausis  
oculis



oculis conniveant, ne per signa oculorum  
 prodantur: quod tamen si fiat, Neuvval-  
 dus fieri potius contendit propter conscien-  
 tiam intus simulantem & de scelere conscio-  
 ras admonentem: quemadmodum fures e-  
 tiam oculorū demissio sēpē prodit. Quam-  
 vis fieri quoq; posse dicat, ut falsò persuasa à  
 diabolo de signo quodam in oculis sibi me-  
 tuant, compressioneq; eorum revelationis  
 periculum avertant. Bodinus hoc indicium  
 non omnino contemnendū esse statuit, quia  
 vultum inquires Magi ferè designat, nec  
 in os audent aspicere. Porro & illud signum  
 fallax esse putamus, si per Magos & carni-  
 fices Saga & venefica convocantur, & in  
 unum agmē coguntur, ut hac ratione omni  
 populo manifestentur. Qui enim hoc posse  
 putantur, quidni etiam insontium mulie-  
 rum speciem fictam unā cum sontibus ex-  
 hibere posse crederentur? Alterius autem  
 generis & certius est illud, quod creditur  
 Sagam non flere: quod signum Paulus Gril-  
 lādus & inquisitores publici validissimam  
 presumptionem esse putarunt. Saga qua-  
 dam Antonio Lonanensi regio apud Ribe-

## PHYSIOL. SAGARUM

montenses vicario confessa est, Sagas é dextero solum oculo ternas lachrymarum guttulas effundere. Quomodocunq; autem ratum certumq; hoc signum habeatur, non tamen nisi ante accusata comprehensaq; illo ipso probari possunt. Certiora quoq; signa Sagaru sunt nota nonnulla singulares corporibus illarum in certis quibusdam partibus impressa. In Epistola mea de purgatione Sagarum é Plinio citavi, in Ponto insula esse Thibios quosdam populos, in quorum altero oculo imago equina, in altero gemina pupilla apparet: quae magiae signa habeantur apud eos certissima. Evvichius autem de hisce imaginibus utrum ludibrio Satanae aliquando fiant, apud Ponticolas utpote gentem Dei ignaram se nolle disputare asserit. Sunt qui referant stigmata quadam post aures Sagarum: sed ea tamen haud omnibus apparere. Triscalanus quidam recensente Bodino dixit, Magis impressum esse signum quasi vestigium leporis, cui quamvis ad ossa, usq; indatur acus, locum tamen sensus experte esse: & hoc indicio se plurimos magos patefecisse. Et ex his indicijs desumpta praesum-

præsumptionem esse firmissimam & cum aliis sufficientem, ut procedatur ad condemnationem, Bodinus ait. Addit autem, Ego tamen, inquiens, cum Danao sentio principes quosq; Magos carere signo, aut illud habere loco tam abdito, ut eos per hoc detegi difficilimum sit. Nam à Valesco quodam nobili viro accepi, quosdam à Diabolo sub palpebrarum altera, quosdam sub uno ex labijs; quosdam in podice obsignari. Hac ille. Danaus putavit Satanā ijs tantum notam inurere, quos metuit pactum suum deserturos, alijs verò quos constantes fore sperat non item. In viris tamen notam eiusmodi apparere, ut plurimum in dextro humero, inter labia, in palpebris, nonnullis in sede, ut non facile revelentur. In fæminis ad femur, sub axillis, aut in genitalibus. Quid autē nos de indiciorum illorum certitudine dicemus? An certā & absolutē vera esse talia iudicabimus? Neu valdus de hisce signis, præsertim verò Thibiorū: præstigiosum, inquit, hic quidpiam occurrit: necessum enim est, ut isti homines aut tales nascantur, aut postea tales evadant. Si ta-

## PHYSIOL. SAGARUM

les nascuntur, fatendum esse putat Diabolum in generationis opere suas ostentare & exercere vires, quod tamen soli Deo sua mirabili potentia in hoc opus incumbenti re-  
 Eté adscribendum sit, praesertim quod homines isti pactum suum, quando in utero formantur, nondum cum Satana inierint, sed tum demum quando rationis compotes fieri inceperint. Si verò postea tales evadūt, in quaestionem venire putat, utrum spiritus malignus possit unicam particulam ingeminare, aut novā conformationem priorī adiungere, quod ipsi aequè impossibile videatur esse atq; prius. At, in qua, hunc *Neu-  
 vvaldi* syllogismum analyticè examinando videndum fuerit, utrum assumptionis ejus demonstratio sit firma constāterq; vera. Syllogismus disjuncta propositionis hic est: Si certa nota Sagarum erunt: aut nascuntur cū illis, aut postea orientur: Sed neq; nascuntur tales, neq; post illis imprimuntur. Ergò nota ejusmodi in corporibus Sagarum esse nequeunt. Prior pars assumptionis, ut observatum est, ex eo probatur, quòd *Cacodemon* in hominis generatione pro nutu  
 nihil



nihil possit fingere vel immutare. Verum enim verò quanam & qualis hæc est demonstratio? Qualis & unde extracta hæc est consequentia? Cacodemon nullam notam siue imaginem humano fœtui in generatione ejus potest imprimere: Ergo nulla prorsus nota singulares Sagarum corporibus ingenerari possunt. Alterum propositionis membrum, videlicet quòd imagines equinae in Sagis post ortum oriuntur, hoc modo cõprobat: Si, inquit, postea tales evadunt, sequetur spiritum posse unicam particulam ingeminare, aut novam conformationem priori adjungere. At verò hoc aequè illi possibile est atq; prius. Ergo nec illud, ut notas istas Sagis imprimat. Sed hoc equidem non omnino negandum puta verim, scilicet spiritum unicam aliquã corporis particulam geminare posse, aut novam conformare. At quid prohibet, quò minus similem adhuc aliam pupilla speciem oculo imprimere possit, ut gemina pupilla deinceps aspectantibus appareat? Quid verò si Deus illas signis ejusmodi notet, ut hisce Magistratui populoq; omni innotescant atq; prodantur? At

# PHYSIOL. SAGARUM

hoc dictu tam absurdum esse Neu vvaldus existima verit? An blasphemū? an impium? Quid quod metipse post finem propositi syllogismi subiycit hæc verba? Interim nullo modo negandum esse, Diabolum post manuum stipulationem, oscula & amplexus, corporibus veneficarum stigma quoddam certissimum pacti signum inurere & imprimere, quo tanquam sacramento eas sibi obstringit & arētius devincit. Et porro: fatentur, ait, uno consensu hoc omnes: an autem omnibus in una parte corporis hoc signum figat, non adeo clarè liquet. Hæc enim illius verba sunt: quæ si antecedentibus ritè opponantur, sententia eorum omnino contradictoria est. Qui enim fatetur diabolum stigmata quædā corporibus Sagarum ut certissima initi fœderis signa imprimere: & juxta negat eundem oculis illarum imaginem equinam aut aliud signum indere posse: quid aliud agit nisi quod sibi ipsi contradicit, modo scilicet affirmans, modo negans idem. Posito & affirmato genere, species ineptè & ἀλόγως negatur. Si qualibet stigmata, id est quaslibet notas, maculas, cicatri-

cicatrices cacodæmon suis servis notandis  
 inurere potest: haud impossibile etiam illi  
 fuerit in oculis eorum equi speciem aut for-  
 mam effingere. Atqui prius esse Neuvval-  
 dus concedit. Ergo & alterum fateri cogi-  
 tur. *Σπμάτων* enim nomine cum Dioscoride Dioscor.  
li. 3. c. 209  
 non tam puncta ipsa, quam punctis varia-  
 tam superficiem, & maculis alijs decolora-  
 tam cutim intelligo. Et *σίγην*, unde *σίγμα*  
 derivatur, est signare, maculis spargere &  
 distinguere. Multus porro Neuvvaldus est  
 in refellendis signis atq; indiçijs aliarum  
 rerum explorandarum, utpote cognoscendi  
 Lycaones, & alia ejusmodi. Multa itidem  
 disputat de more Celtarum, qui recens na-  
 tos infantes in aquas projecerunt. Item de  
 exploranda futuri anni vita: de virga au-  
 rea sive fortuna in exquirendis venis me-  
 tallicis usitata. Atqui hæc omnia nihil nunc  
 ad nostrum institutum pertinētia, & men-  
 tem attendentibus per se intellectu facilia,  
 brevitatis gratia studiosè omittemus. Alia-  
 rum enim rerum vanitates non protinus  
 arguunt hanc, de qua nos agimus, rem va-  
 nam quoq; & superstitiosam esse. Quod ve-

## PHYSIOL. SAGARUM

*rò addit de reis ad corpora occisorum addu-  
 Etis, ad videndum si sanguis effluat, &c.  
 hoc experimentū aquē supersticiosum esse;  
 de eo deinceps oportuno in loco seorsim age-  
 mus. Sed hac forsā aquo copiosius. Ad si-  
 gnum deinceps aliud Sagarum progredie-  
 mur, quod sumitur ex injectione earum in  
 aquas frigidas. Vulgò purgationem per a-  
 quam frigidam vocant. De hac enim nunc  
 major controversia oritur inter recentiores  
 scriptores, & quos inprimis attinet iudices,  
 quasi de novo inquisitionis modo: Utrum  
 scilicet hic licitus & approbādus sit nec ne:  
 & utrum verè illas indicare possit. Ac sanè  
 hoc opus, hic labor erit, ut cū Poëta loquar,  
 propter plurimorum gravissimorum iudi-  
 cum, aliorumq; clarissimorum virorum,  
 qui in cathedris universitatum docent, au-  
 toritatem, certam definire sententiam: &  
 quidem propter eos, quibus nihil nisi quod  
 ipsi suo ingenio inveniunt, atq; intellectu  
 suo percipiunt, placere solet. Et ingens pra-  
 cipue mihi hīc certamen erit contra Euv-  
 ebium, & simul contra Neuvaldū Helm-  
 statiensē, qui hanc inquisitionem aut hoc  
 indi-*



indiciū Sagarū planè nihili faciūt. Qualis autem hac inquisitio? qualis purgatio Sagarum est? Annos ante tres, vidi Lemgovia tres personas in aquam conijci, vinētis manibus atq; pedibus: ita ut dextra manus sinistro pedi: sinistra verò dextro pedi alligaretur.

Osnaburgenses biennio ante, centum quadraginta plus minus eodem modo examinarant in aquis.

Alij in alijs locis hunc morem ligandi non observant, sed vinētis tantum manibus eas in aquam projiciunt, ne ob signato cruce superstitiosè potius quàm rectè Sagas probare videantur.

Hac igitur inquisitio, hac exploratio est, ut quæ isto, quem dixi, modo, ligata flumini innatant, & submergi nequeunt, ea artis Magica suspecta habeantur.

Cum verò spectaculo isti Lemgovia interesssem, protinus cogitare cepi, qua ratione id fieri posset, quòd Saga aquis innatarent, nec ut alijs homines submergerentur: utrūne etiam causa aliqua naturalis,

## PHYSIOL, SAGARUM

hujus innatationis esset? Nihil enim in na-  
 tura sine causa fieri, ex Platone Academico  
 didiceram. At quid contingit? Cogitationes  
 siue meditationes meas cum etiam alij re-  
 sciscerent ex Epistola mea de Sagis conscri-  
 pta, non defuerunt qui isti minus rectè in-  
 tellecta sese opponerent. Cum autem pleraq;  
 ut deinceps patebit, minus dextrè interpre-  
 tati sint: non possum non sententiam meam  
 de innatatione Sagarū in aquis plenius ex-  
 plicare: præsertim cum etiam proximo anno  
 85. in Comitatu hoc Waldeccensi aliquot  
 Saga comprehensa sint. Sed ad rem ipsam.  
 Quid igitur dicemus? quā causam, quā-  
 ve rationem esse asseremus propositæ pur-  
 gationis? Experientia quidē manifesta est.  
 Viderunt enim oculi plurimorū hominum.  
 At ratio quanam vel qualis causa est, quod  
 Saga nulla submergantur? Hac enim duo  
 cum universalium, tum particularum re-  
 rum omnium ἀπὸ τῆς αἰτίας & demonstrabilia  
 principia esse jam antè monuimus. Quam-  
 vis enim ratione res tum universales tum  
 speciales: quibus scilicet plura rerum genera  
 non sunt: cognosci & demonstrari queant:  
multa

multa tamē solius experiētia beneficio percipiuntur. Hac igitur seorsim etiā assumenda fuit, ut quæ ad rationem commodè referri non possent, ista si sensibus percepta essent, experientia adscriberetur. Quarumcūq; igitur rerum principia & causas inquirere voluerimus, ad ista duo *principia*, & quidem vel ad utrumq;, vel ad alterutrum confugiendum est. Quamobrem & Sagarum purgationis causas proposituros, illis ipsis inniti oportet, ut appareat, qua ratione, & quā constante experientia possit ista comprobari: Et nos meritò hac via inquisitionis insistemus. Quantum verò ad rationem attinet: primum argumentum explanationis nostræ fuit ab origine & antiquitate istius purgationis: eò quod nonnullis novum hoc indicium videretur: quemadmodum & Evvichius hoc indicium recens repertum appellat. Atqui non nova aut omninò recens est, sed renovata iterum in hisce nostris regionibus hæc consuetudo est. Inter cetera autē de antiquitate dixi, Cuius Jurisconsultum etiā illius mentionem facere, asserentem Christianos homi-

## PHYSIOL. SAGARUM

*nes illa ipsa usos fuisse ducto more à portione,  
 quam stupri insimulatus mulieribus Moy-  
 ses dari iussisset. Hacce differentem Cujacium adduxi, ut è testimonio illius pateret,  
 etiam alibi locorum, quam in Westphalia  
 purgationem Sagarum jam pridem usita-  
 tam fuisse. Meminisse illius dixi Cujacium:  
 & hoc dixi ad ostendendū solummodo diu-  
 turnam consuetudinem. Inconsideratè igitur  
 Neuvaldus in me invehitur, quasi  
 falsò illius verba citassem. Cujacius, inquit  
 ille, his verbis, argumento nescio an bono,  
 non videtur hanc purgationem defendere,  
 sed potius Saxones Occidentales clam taxa-  
 re propter imprudentiā. At quid, mi Neu-  
 valde, ais? An propter causam sibi minus  
 visam verisimilem totam istam actionem  
 improbat iste Jurisconsultus? Unde hoc de-  
 monstrabis? Utrumne igitur omnis qui ar-  
 gumentum alicujus rei ab alijs prolatū in-  
 firmum esse ostendit, is protinus rem ipsam  
 negat ac omninò tollit? Contra multorum  
 docentium consuetudinē hoc dicitur. Multi  
 aliorum erroneas de re aliqua opiniones re-  
 futant, nec tamen veriores ullas addunt,  
 aut rem*



aut rē quoq; esse seu fieri inficiantur. Dam-  
boulderium quoq; & Alciatum Jureconsul-  
tos in,ignes eandem ob causam nominavi,  
utpote qui manifestè testantur hanc purga-  
tionem etiam apud alias gētes in usu fuisse.

Nihil illorum auctoritati hīc detractum  
volui, nullam illis, ut Neuvaldus me in-  
simulat, idcirco injuriam feci. Manebit il-  
lis sua quā promeruerē auctoritas, dignitas:  
ea tamen minimè efficiet, ut sequatur ilicò,  
si illi viri Sagarum purgationem improba-  
rint, eam omninò floccipendendam, & ne-  
quaquam in posterum usurpandam esse.  
Multò minus ob novitatem repudianda,  
sed potius recipienda, si vera esse deprehen-  
datur. Ubicunq; verò locorum, regionum,  
& à quibuscūq; approbata, descripta, usur-  
pata fuerit: nos tamen rem ipsam & hujus  
causas potius, quam ejusmodi circumstan-  
tias locorum, temporum & personarum in-  
quiremus. Et quidē investigare eas stude-  
bimus tum in ipsa Sagarum corpore, tum  
in aquis atq; fluminibus, tum deniq; in ab-  
dita quadam seu occulta qualitate aliunde  
accepta.

## PHYSIOL. SAGARUM

*Ad primum membrum quod pertinet, levia corpora tantummodo sursum ferri, gravia verò deorsum tendere meridiana luce ex Physicis clarius est. In levitate igitur causam quaerendam esse putavi, quod Saga in aquarum superficie pra alijs hominibus haerent. At verò ut materia ita & forma Sagarū (quatenus fœmina sunt) eadem est quæ aliarū fœminarum. Quocirca non facile asseverari potest Sagas reliquis esse leviores, si natura corporis earum respiciatur. Sagarum igitur in aquis innatio absolute adscribi simplici levitati vix potest. Quale itaq; ejus causam assignabimus? Nullum enim aliud Physicum principium est motionis corporum in locis superioribus, præter hoc ipsum quod posui. Graviam siquidem nulla nisi motu violento contra naturam ad superiora moventur. Quocunq; igitur nos vertamus, à levitate tamen discedere difficulter possumus. Sed quomodo hanc aliter nisi differentia quadam ejus constituta retinebimus? Nempe levitas non insita illa & naturalis à materia & forma corporis depēdens, sed externa quadam seu ad-*

*ven-*

ventitia aut aliunde accedens erit. Quam  
 nam, quaeso, ista? Dixeram in Epistola mea  
 eam esse Satanicam. At quomodo, quo sen-  
 su? Satanicam scilicet appellaui à causa effi-  
 ciente, quod Satanas iustissimo & imper-  
 scrutabili Dei iudicio sua levitate attrahat,  
 tollat, retineatq. Sagas in alto aut superficie  
 aquarum. Est enim natura ejus quam le-  
 vissima, quemadmodum in parte priorè o-  
 stendimus, cum homines quoque per aërem  
 ad loca remotissima ferre & impellere. Cum  
 verò in aëre superiore homines retinere  
 queat, ubi aliàs secundum suam naturam  
 non vivunt, quid impediet, quò minus in  
 aqua, velut elemento graviore crassioreq.  
 Sagas elevet atque sustentet, illis subjacens,  
 & eas quasi in dorso gestans. Veletiam, si di-  
 cerem eas ob inhabitantem illum corpori-  
 bus suis spiritum levissimum non submer-  
 gi. Utrum hoc tam absurdè dictum? utrū,  
 quaeso, grande peccatum foret? Annon sues  
 Gargasarenarum irruēs eos in mare omnes  
 precipitabat? quod alioquin illi non intras-  
 sent. Totum illum in omnib. Sagarū parti-  
 bus inhabitare dixeram, ideoq. illius etiam

## PHYSIOL. SAGARUM

*levitate eas in aquis retineri, nō qua hypo-  
 statica unione aut mixtione Physica illorū  
 natura, quantum ad interiorem constitu-  
 tionem attinet, coadunata esset, ut alij ver-  
 ba Epistola mea minus dextrē intellexerūt,  
 sed quæ illi saltem adjuncta esset à presente  
 Satana. Hoc enim voluit dictio mea, ubi as-  
 serui, Cacodemonem substantialiter Sagis  
 diffusum eas retinere. Substantialiter dixi,  
 quantum ad ipsum spiritum, qui sua scilicet  
 essentia eas inhabitat, non quātum ad sub-  
 stantiam partium corporis Sagarum, quasi  
 illarum essentiam intrinsecus constitutive  
 ingrederetur. Et hoc si iterum dico, quid,  
 quaeso, & in quam philosophia aut ipsius e-  
 tiam Theologia partem delinquo? Etenim  
 tu ipse Evvichi in parte scripti tui secunda,  
 verbis meis antè prolatis contradicens, &  
 tādē hanc quæstionē subjungens: quomo-  
 do, inquis, sit, ut in aquis non submergatur?  
 Et subjicis: Haud dubiè Diabolo supponente  
 illis manum & sua vi, puto, sustinente eas  
 ne sidant. Et paucis quibusdam interjectis:  
 Cum, inquis, Deus ad diaboli studia factaq;  
 connivet, quàm facile ei sit mancipia illa  
 sua*



sua (puta Sagas) per aërem, per aquas, &c.  
 ferre, & cavere, ne vel deorsum ruant, vel  
 ne submergantur, &c. Quid enim aliud ex  
 hisce verbis tuis intelligere debeo, quàm te  
 idem mecum sentire, videlicet quod volui  
 Satana levitate Sagas in aquarum superfi-  
 ciebus ferri atq; moveri, ne in profundita-  
 tem earum decidant: & tamen, ut antè in-  
 dica vi, absq; ulla unione mixtionè ve, sicuti  
 loquuntur Physica, qualitatum Satana &  
 Sagarum. Aliter quicunq; Epistola mea te-  
 xtum accipit, vitiosè sententiam meam &  
 omninò sinistrè explicat, quomodocunq; e-  
 tiam verba fuerint enunciata. Sed facilis  
 illorum fuit intelligentia. Quocirca etiam  
 atq; etiam vehementer demiror Neuval-  
 dum, qui sententia mea nondum satis rectè  
 perspecta, in refutatione argumenti mei à  
 levitate desumpti, tam anxie nihilominus  
 & copiosè huic absque omni necessitate con-  
 tradicit? Primò, inquit, falsissimum est, ea-  
 rum formas essentielles per pactum immu-  
 tari, & alias induci. Idem verò & ego in  
 prima parte huius libri copiosissimè demon-  
 stravi. Verùm ut copiosius ille esset in expli-

## PHYSIOL. SAGARUM

*tanda sententia sua deinceps addit: Sine dubio, inquiens, scit Physicus ille ad levitatem corporum non assumendam esse formam sed materiam: forma enim rei perfectio est. Et paulo post: Quæ enim materie peculiaribus qualitatibus prædita accepta sunt ferenda, illa perperam formæ assignantur, quæ ad effectus illos producendos prorsus est inefficax: quandoquidem per se nihil agit forma, ut Aristoteles, & cum eo Physici rectè docuerunt. Hæc ille. At inquam, ego scientiam Physicam mihi cum Socrate nullam attribuo, nullam sumo. Et hoc ipsum inprimis, quod ille in me requirere videtur de efficientia scilicet formæ, me planè ignorare fateor. Fernelius quidem & alij cum imitati Physici qualitates quasdam & virtutes rerum adscribunt materie, quasdam formæ, & nonnullas utrique simul principio. Sed commentum hoc esse semper duxi Aristotelis, non illius quidem principis quem in philosophia sequimur, sed alterius forsan omnia documenta sua ex alijs autoribus, absque ulla pleniore meditatione describentis. Aristoteles enim peripateticorum Home-*

vus principiis suis consentiens rectè docuit  
 formam esse rerum omnium principium ef-  
 fectivum: quippe per quam omnia exadifi-  
 centur ac perficiantur: & ab hac oriri &  
 produci cunctas rerum formatarum quali-  
 tates asserunt. Vnde etiam ab efficientia eo-  
 dem sensu quo Aristoteli principium effecti-  
 vum, exadificatio Melanchthoni, alijs per-  
 fectio hac ipsa cognominatur. Quid quod  
 tu ipse eam appellas perfectionem & abso-  
 lutionem rei? Qua autem alia significatio-  
 ne ita vocasti, nisi quod absolvat & perfi-  
 ciat rem unamquamq;. Etenim si absolvit  
 & perficit res cunctas: oportet certè efficien-  
 tiam aliquam ei tribuere: nisi absolvere &  
 perficere quid etiam ad aliam Logicarum  
 notionum classẽ, præterquam ad effecta  
 seu stupidi & insulsi Logici referre velimus:  
 utpote quæ forma motiones sive motus, i-  
 deoq; etiam mera effecta sunt. Porro si effi-  
 cientiæ quædam forma est, ut ex tuis ipsis,  
 Neuvalde, verbis modo demonstravimus,  
 cur, quæso, tam impudenti & putida cõtra-  
 dictione negas, formam per se nihil agere?  
 Quandoquidem, ais, per se nihil agit forma

## PHYSIOL. SAGARUM

*vel patitur. At quis puerorum est & in  
 Physicis mediocriter eruditus, qui hac ab-  
 surdè & insulsè dicta esse, nedum publicus  
 aliquis Universitatis Professor ignorare  
 debeat? Quomodo Physicam Platonis, mi  
 Neuvalde, interpretaberis, ubi rectissimè  
 docuit materiam esse, subjectum esse, matri-  
 cem esse receptaculum omnium eorum, qua  
 in corpora fiunt, omnium scilicet dico po-  
 tentiarum virtutum, quas in corpore quo-  
 libet materiato deprehendimus, formam  
 verò esse perfectionem seu principium per-  
 fectivum, quod in isto, quod dixi, subjecto  
 aut receptaculo omnes istas virtutes, opera-  
 tiones siue qualitates producat & efficiat?  
 Quomodo, inquam, hac alios docebis, nisi i-  
 pse prædictas materia & forma affectiones  
 probè distinguere scias? Si proinde qualita-  
 tes formæ generaliter sunt adscribenda,  
 quidni & levitatem illi attribueremus?  
 Nam & hac qualitas est, & quidem à pri-  
 mis orta, quæ non possunt non forma, ut &  
 efficienti causæ tribui: quomodocunque hoc  
 ab alijs negetur. Quod igitur corpus dicitur  
 calidum, frigidum, humidum, siccum, id à  
 forma*



*forma habet, non à materia, cui ceu domici-  
lio insunt: quod leve, rarū, porosum, &c. di-  
citur, ab eadem habet: hæ siquidem qualita-  
tes ex combinatione illarū efficiuntur: ut in  
Physico nostro libello copiosè ostēdimus. Vi-  
den' igitur Neuvalde, qualem te Physicū  
ostenderis? qui in me scientiam desiderasti  
eorum, quæ Physica planè non sunt. Disce  
prius ipse, quæ alium docere voles. Quam-  
obrem ut eò unde digressa est, redeat nostra  
oratio: causam innatationis Sagarum in a-  
quis ratione inquirentes non possumus non  
ipsam levitatem assumere: levitatem tamē  
haud eam quæ à forma corporis immediatè  
provenit, sed adventitiā, externā, a-  
liunde accedentem. Quatenus nimirum à  
Satana in aquis superius retineri debent.  
Appello verò omnes ubique terrarum vi-  
ventes Theologos, ut judicent utrūne hoc  
impiè dictum sit, si dicam: Sagas à Satana  
cei liētorē Dei omnipotentis singulari qua-  
dam levitate retineri, ne aquis submergan-  
tur. Quoniam verò liētor Dei & famulus  
est, potest id tantū expedire, quantum  
Deus iudex justissimus eum jubet, & cuius*

## PHYSIOL. SAGARUM

*potentiam illi tribuit, ut videat ipse Satan,  
 nullam sibi esse potestatem condonandi seu  
 remittendi peccata, vel potius eos diutius  
 servandi quos velit, sed solum servitium si-  
 bi relinqui, quo Deo in puniendis sceleribus  
 subministret. Non potest itaque (etiamsi  
 maximè appetat) insontes submergere,  
 quia Deo contrarium hoc esset iudicium, ut  
 insontes periclitarentur ob ea quæ non com-  
 misissent. Inquisitionem porro huius causæ  
 sive rationis, Physiologiæ subijcio, quatenus  
 Satana natura Physica est, & operationes  
 ejus in Physico tractatu de Spiritibus de-  
 scribenda sunt: & quatenus istam causam  
 corpori Sagarum accedere diximus. In hisce  
 verò dictis nihil me delinquere arbitror,  
 nihil religioni sacrosancta adversum scri-  
 bere, nihil deniq; Physicis principiis contra-  
 rium hoc loco proponere. Annon enim Deo  
 Opt. Max. per placet? Annon expressum ejus  
 mandatum est, ut notentur & puniantur  
 scelerati & impij homines? Annon utitur  
 Satana ut ministro, qui illos discruciare de-  
 beat? An planè absurdum est quod disse-  
 rui Satanam eas in aquis retinere, etiamsi*

*contra*

contra omnem ejus voluntatem nulla infantes submergantur? Quod igitur Nevvaldus addidit: Posse etiam, inquit, infantes in superficie aquarū suspensas harere, extra omnem est controversiā: hoc inquam planè absurdum est: quoniam operationes Satana se ulterius haud extendunt, quàm Deus ipsi permittit: praesertim verò quod vel unico exēplo contestari nequeat nocentes etiam quasdam ab ista submersione immunes esse: ut deinceps si ad Experientia argumentum pervenerimus, abundè indicabimus. Multò minus tueri & defendere potest, quod subjiciens inquit. Hoc certè est quod Diabolus in hoc experimento quaesivit, nimirum ut ex periculoso dubio, prestigioso, & Christiana religioni contrario tentamine pericula non solum corporis innocentis, sed & animae in alijs extra culpam positis imminerent. Longè siquidem credibilis est, quod antè disseruimus, de permissione & beneplacito Dei in Sagis per Cacademonem puniendis, & de ipsius cacademonis potentia, qua semper catenis quibusdam ligata sit, ne ultra terminos à Deo pra-

## PHYSIOL. SAGARUM

*finitos quidpiam facere queat. Quid porro si illis omiſſis dicerem, Deum ipſum Sagarum, quas ſcilicet verè reas eſſe novit, corpora ſingulari quadam & ſpecifica levitate induere, qua in ſuperficie aquarum ferantur? Inde certè non ſequeretur Deum ab operibus creationis non ceſſaſſe. Ita enim prædiſponere potuit, ut ſi quæ Saga futura ſint, ſpeciali quodam modo in aquis nequaquam ſubmergi debeant. Utrùm vero hoc omnipotentiae diuinæ contrarium eſſe dicetur? utrum etiam voluntati? quia non expreſſe de hac ſignificatum ſit in ſacris literis? Minimè. Et ipſe Neuvaldus quaſi antecedentium oblitus ea fieri autumat ob Dei permiſſionem, & diaboli potentiam, ubi addidit: Wierus verò, ut ſuprà oſtendimus, veriſſimam huius cauſam adſerit eſſe DEI permiſſionem, & diaboli potentiam: obſinem non quem ipſe annectit, quo ſcilicet Magiſtratus illicita eiſmodi media uſurpans in ſuperſtitione & errore magis confirmetur (quomodo enim hunc finem comprobare poterit?) ſed ut Magiſtratus fontes ab inſontibus facilius diſtingueret, ut fontes puni-*



punirentur, insontes liberarentur. Eadem  
 certè ratione, eodem jure, eadem conscientia  
 absq; ulla pietatis jactura hunc finem inna-  
 tationis statuere possumus, qua ille suum.  
 Quod verò Magistratus ista purgatione ad  
 absolvendum vel condemnandum non ac-  
 quiescit, id fit quia causam illius minus per-  
 spectam minimè ve perceptibilem populo es-  
 se putat, atque si ob propriam confessionem  
 quispiam condemnatur. Unde etiam qua-  
 stione civili & alijs, de quibus antè monui-  
 mus medijs non malè utitur. Ita enim uni-  
 versis vel imperitioribus scelus & simul  
 pœna illarum ratio facilius innotescit. De  
 certitudine tamen hujus experimenti suo  
 loco plenius. Sed videndum deinceps utrùm-  
 ne in ipsis fluminibus aut aquis ratio aliqua  
 inveniri possit. Et quidni? Natura enim  
 non prohibet. Quid igitur dicemus? Quam  
 causam annotabimus quòd Saga aquis non  
 submergatur? Utrùmne singularem quan-  
 dam seu specialem corporis aquarum & Sa-  
 garum antipathian? Maximè quidem.  
 Aqua scilicet Sagas in se ferre non potest.  
 Quomodo verò, & quam ob causam? Nem-

## PHYSIOL. SAGARUM

pe Deus Opt. Max. suo prudentissimo & iustissimo iudicio ab omnibus inde seculis elementum aqua predestinavit salutare regenerationis hominum lavacro, ut qui à peccatis abluendi essent, & Christi Ecclesia initiandi huius baptismo uterentur, & per hoc medium novi homines facti quasi per januam in regnum Christi ingrederentur, qui prius reiecti fueramus. Quandoquidem, inquam, Vatiniano quodam odio eas averfatur & rejicit, ut si maxime pro viribus tentent, non tamen submergi possint. Et quodnam est illud odium? Aqua Deo placuerunt, quibus usurpatis peccata hominum ablueret atq; purgaret. In baptismo Christo Dei Filio nomina nostra primum damus, & ejus albo incorporamur, adeoq; in civitatem Dei ut germani cives recipimur: ideoq; omnes qui salvi modo fieri volunt, sacro huic baptismati immergi & purgari oportet. At Saga spreto isto divino lavacro, toti trinitati, Deo Patri, Filio, & Spiritui sancto scientes volentes renunciant: & nihili Dei creatoris opera, nihil ordinationes & creaturas facientes, peccatores &

res & apostata omnium aliorum fiunt pessimi. Cum autem hoc scelere in toto mundo nullum scelestius, nullum deterius, nullum abominabilius unquam definiri aut reperi possit: quid dubitem dicere, si Saga non submergantur aquis, id fieri ob peculiarem istam antipathian: videlicet quod elementum aqua nolit illas intra alveum suum recipere, sed omnino respuat, & omnibus modis fugiat, hunc scilicet in finem, ut peccatrices ejusmodi manifestentur. Nam & creaturae inanimatae inserviunt prædicationi & gloriae nominis divini. Ut scilicet cæli, ita quoque elementa enarrant gloriam Dei, tum alias, tum in hoc, si peccatum & injustitia ab illis revelata puniatur. Aqua in baptismo est sacramentum, est signum, est sigillum initi inter Deum & hominem baptisatum novi fœderis. Quidni igitur eadem alio modo signum aut indicium esse possit dissoluti illius & fracti iterum fœderis? Et hanc rationem si ve causam facilius dixerim esse verissimam, ut si alia nulla admittenda videantur, una tamen hæc recipienda sit. At verò, inquiet aliquis, hanc meam esse opi-

2

nionem

## PHYSIOL. SAGARUM

nionem fictitiam, non idcirco protinus ab alijs catholicè recipiendam. Fateor igitur hac verba mea non esse edicta pratoria. Testor verò hic meam ipsius conscientiam, me non ostentationis ingenij non philosophandi, nō alterius rei causa, sed veritatis solummodo inquirenda & confirmanda gratia hac omnia differuisse. Adeste enim iterum Theologi omnes, & iudicate, si quid impie de hac ratione dictum sit, aut contra ecclesiam Dei catholicam delictum. Spectatur siquidem in his Dei creatoris in ipsis creaturis omnipotentia. Spectatur bonorum, & qui minimè rei sunt istorum scelerum conservatio. Spectatur insuper pœna & eradicatio malorū. Et hosce fines si magistratus, qui hac inquisitionis forma utitur, consideret, quid est cur eum supersticiosè contra conscientiam agere dicamus? Adeste Jurisconsulti & iudicate, num legibus vestris minus consonum quidpiam à me traditum sit, cum alia interim, quæ vos proposuistis media, simul usurpanda statuerim. Adeste etiam Philosophi, Medici, Physici, & quicumq; velit, iudicateq; num quid contra  
commu-



communem physicam praescriptum. Atqui  
 vos soli forsitan objicietis antipathiam, quam  
 proposui, aquarum scilicet & Sagarum à  
 nemine adhuc in physicis generalibus ante  
 hac tempora descriptam esse, neq. adullas  
 manifestas qualitates referri posse. Quid  
 verò tum postea? Describatur deinceps &  
 referatur ad occultas qualitates, quas ab-  
 ditas rerum causas Fernelius vocavit, soli  
 Deo optimè perspectas. Si comprehendere i-  
 stam nō potestis, cogitate similiter multarū  
 aliarum rerum antipathiam, quae sola ex-  
 perientia à mortalibus cognita & observa-  
 ta fuit, & nullis scientificis rationibus de-  
 monstrata. Multa videmus oculis, & ma-  
 nibus nostris palpamus: quorum manife-  
 stam causam reddere aut etiam nominare  
 non possumus. Et nihilominus tamen illa  
 verissimè ita, uti videmus & tangimus, se-  
 se habere credimus. Quis enim omnium ra-  
 tionem sensibilem reddet? aut quis etiam  
 requireret? Abscondita haec sunt Dei mysteria,  
 oculis tantum nostris ostensa. Oculorum au-  
 tem visioni vel potius manifestae experien-  
 tiae contradicere velle, stolidissimum & sa-

## PHYSIOL. SAGARUM

*pè pernitosissimum est. Quinimo qui ου  
 παδείαν & ἀντιπαδείαν ejusmodi rerum igno-  
 rat, aut inficiatur: is ipsa principia physica,  
 & fundamenta negat. Contra negantem  
 verò principia alicujus quomodo disputare  
 poterimus? Sed hac notiora sunt ex physicis  
 praeceptis, quàm ut de his differere oporteat.  
 Veruntamē ut & alij rectius hanc rem per-  
 cipiant, paucis saltem exemplis quibusdam  
 eam illustrabimus. Et quidem ut à minu-  
 tissimis initium sumatur, quis, quæso, phy-  
 sicorum rationem sufficiētem reddet, quod  
 Magnes sua natura se perpetuò vertat ver-  
 sus polum mundi septentrionalem, eumq;  
 quasi respiciat? quemadmodum neq; causa  
 quidem reddi potest, quod ferrū ad sese pra-  
 ceteris rebus maxime attrahat. Sensibilis  
 & manifesta hac est ejus potentia: omnesq;  
 philosophi hac ejus effecta vident. At causa  
 quamobrem & quomodo possit, illos latet.  
 Nec tamen quisquam illius apparentiam  
 ad diaboli obfascinationē retulit, neq; cre-  
 dere illam impium esse dixit: sed potius, &  
 quidē non malè, ad occultas qualitates, sive  
 speciales proprietates naturarum hac Ma-  
 gnetis*

gnetis virtus siue operatio refertur. Quai-  
gitur audacia, qua temeritate, aut quo ar-  
gumento Sagarum innatationem in aquis  
oculis nostris perceptibilem, ad diaboli ludi-  
brium quamprimum referemus? Quam-  
obrem naturalem eam esse negabitur? Face-  
re hoc est planè ἀφύσικον. Similiter experien-  
tia docet. Verumenimverò ad res procedo  
animatas. In hominum corporibus hoc con-  
tingere apparet, ut si interfecto aliquo vel  
strangulato reus homicidij ad cadauer il-  
lius adducatur, videlicet ut vel tangat, vel  
proximè ei adstet, sanguis ex illo cadauere  
effluat, indicium rei verè cognoscendi. Hoc,  
inquam, fieri manifestissimum, & multis  
in locis notissimum est: ut apertissimum  
mendacium sit, id negare velle. Ecquis au-  
tem firmam & solidam huius demonstra-  
tionem, ex primis & immediatis causis ex-  
ponet? Scio equidem esse nonnullos qui stu-  
duerunt causam efficientem istius effluuij  
inquirere. Valleriola Medicus solertissimus  
in obser. suis de amore differens inter cetera  
Lucretij versus hosce recitat:

Lib. 2. ob  
serv. 7.  
Lib. 4. de  
nat. rer.

Idq̃ petit corpus mēs, unde est faucia amore.

Q 3

Namq̃

## PHYSIOL. SAGARUM

Namq; omnes plerunq; cadunt in vulnus, & illam

Emicat in partem sanguis, unde icimur ictu. Et si comminus est, hostem ruber occupat humor.

*Et subjicit: Hoc, inquiens, carmine, Lucretius non aliter vult sanguinem hominis oculorum radio affecti & vulnerati, in vulnerantem prolabi, quàm hominis gladio casi sanguis prolabitur in cadentem: quod & experientia sapè docet, & idipsum quoq; me vidisse, testari plena fide possum. Nam cum Jacobus ab Aquaria, Patritius Arelatensis, vulnere mortuus esset, & qui vulnerarat à Magistratu comprehensus, in conspectum cada veris delatus fuisset, ut occisum recognosceret, & scelus fateretur: mox ebulliens sanguis multo cum fervore & bullis prodire è vulnere & è naribus cæpit, spectantibus cunctis. Recitata porrò hac historia, descripti miraculi hanc rationem adferri posse addit, quòd cum nondum calor omnis in recens occiso corpore extinctus sit, nec agitatio omnis visq; interior nobis occulta quieverit: ultionem quidem tacita illa vis clamat, moxq; ad vindictam bilis accendi-*



scenditur: ab ea sanguis inflammatur, & ad  
vulnus confestim prorumpit, patefacto ad  
exitum per vulnus meatu: eodem concur-  
runt & spiritus, qui quoniam leves sunt,  
ad occidentem hominem, si coram steterit,  
volantes in eum migrant, servanturq; na-  
tivo calore aliquādiu, nempe ad horas plus  
minus sex aut septem. Opinatur scilicet Val-  
leriola effluxum, de quo diximus, fieri à cō-  
motione sanguinis unā cum spiritibus in eo  
contentis. Veruntamen subjicit: Sed magis,  
ut rectē arbitrandum est, Dei iudicio arca-  
no, maleficum hominem tali signo notāq;  
peculiari ac propria designare ac prodere  
volentis id fieri censendum est. Et hoc est  
quod superius contendebam, rei proposita  
firmam demonstrationem dari haud posse.  
In eadem planē sententia est Marsilius Fi-  
cinus in comment. super Plat. Et hanc illu-  
strat exemplo Hectoris & Patrocli. Vulne-  
rat, inquiens, Hector Patroclum, ac peri-  
mit. Patroclus Hectorē inspicit vulnerā-  
tem. Unde eius cogitatio iudicat ulciscen-  
dum: confestim ad vindictam bilis accen-  
ditur, ab ea sanguis inflammatur, & ad

In Dialo.  
de conv.  
orat. 7.  
cap. 5.

## PHYSIOL. SAGARUM

Galeot.  
lib. de  
doct. pro  
miscua.

vulnus è vestigio properat, eodem & spiritus confluunt, & quia leves sunt, ad Hectorem usq; volantes in eum migrant, ejus calore servantur ad tempus aliquod, eo ipso in tempore si Hector cada veris vulnus comminus intentus inspiciat, vulnus cruorem versus illum eicit &c. Hac Marsilij sententia est. Marcus porro Galeottus (referente Neuvaldo ubi de hac questione agit) haud dissimiliter causam videtur asserere ab insultu spirituum pendentem, iisdem ab uno in alterum irruentibus: occidentis irati spiritus in occisi sanguinem irruere, & cum eo misceri, & praesente occisore spiritus in occisi sanguine moveantur, ac proprium corpus repetendo profluvium ejusdem excitent. Quamobrem hoc experimentum ille non ultra 24 horas differendum esse censet: Quae Galeotti sententia priorum haud dissimilis est. Sed addit Neuvaldus mutuum illum in iratis spirituum discursum & subitam transmigrationem omnes medicriter physicis initijs imbutos intelligere, quod nulli spiritus, quicumq; tandem sint, e corpore foras exiliant, ne dicat ut extra  
missi

*missi in aliud contrarium immigrent. Hoc autem additamentum est, Physico certè publica Universitatis Doctore indignissimū.*

*Quod enim mutuum (ut vocat) spirituum discursum & in aliud corpus immigratiōnem negat, hoc ipso scilicet se unquam physicen, & qui hanc descripserunt autores politos legisse & cognovisse negat. Quippe discursum istum non tam præstantissimorum hominum autoritas, quàm ipsa etiā experientia fieri contestatur. Præter eos enim quos antè commemoravi, utpote Lucretiū, Valleriōlā, Ficinum, Galeottū, ante hos Plato Philosophorū coryphæ<sup>9</sup> in Symposio suo ut copiosissimè, ita eruditissimè philosophatur p̄ spirituum ejusmodi insultū aut discursum homines amore fascinari docēs sanguinem & spiritus hominis oculorū radijs vulnerati invulnerantē citissimè prolabi. Præterea Theocritus Poëta de osculo amantium inquit:*

*Τοῦτον με φίλαρον, ὅσον ζῷ τὸ φύλαμα,  
Ἄχρῃς ἀπὸ ψυχῆς ἐς ἐμὸν σῶμα, κ' εἰς ἐμὸν ἦπαρ,  
Πνεῦμα τεδὸν ῥάσσει, τὸ δ' σὺ γλυκὺ φίλαρον ἀμύξῃ.*

*Quos versus Melanchthon repetens ac Latine vertens, inquit:*

*Tantisper da suaviolum, dum basia vivunt.*

## PHYSIOL. SAGARUM

Ex animaq; tua dum spiritus in mea labra  
Influit, inq; jecur, mulgenti dulcia philtrea.

Lib. 1. de  
ven. c. 1.

*Spiritus, ait, uterq; in alterius labra & alias  
partes influere. Idem Melanchthon ait, spi-  
ritus maximè vitales in homine nasci in  
corde, & verè esse flammās quæ in omnium  
affectuum incendijs, in lætitiis, dolore, amo-  
re, ira, &c. sparguntur. Cardanus denique  
illud Melanchthonis speciali exemplo com-  
probans, docet: vitales spiritus venenatos  
unà cum saliva à canibus rabiosis in vul-  
nus inferi, & hinc adedò subito tantam ve-  
neni vim emitti, ut totum corpus veneno  
coinquinetur. Taceo cum Melanchthone,  
quòd tertia persona sacrosancta indivi-  
duaq; trinitatis appellatur Spiritus san-  
ctus, quòd sit agitator & quasi flamma à  
Patre & hujus Filio, ac utriusq; voluntate  
procedens: sicut effundit mater vitales spi-  
ritus, osculans infantem filiam aut filium.*

*Viden' igitur Neuvalde (ad te enim o-  
rationem meam converto) quàm longè ex-  
cellentissimos Physicos octo, Valleriolā, Gale-  
num, Lucretium, Ficinum, Theocritū, Pla-  
tonem, Melanchthonem, Cardanum, pra-*

ter



ter multos alios, ignorantia accuses, dum ais vel mediocriter Physicis principiis imbutos intelligere spirituum in corporibus humanis transmigrationem nullam fieri, quam tamen omnes illi unanimiter fieri docuerunt. O Physicum nescio qualem, & qua laude dignum! O nimis quam audacem scioli censuram! Quidcunque de causa profluvijs sanguinis defunctorum prasente reo censendum sit, & ut maximè istius ratio non sit spirituum effusio aut transmigration, hac tamen in alijs absolutè & generaliter negari nunquam potest.

Ut verò ad rem ipsam propius accedamus, plausibiles quidem ista videntur mihi Physicorum rationes: at non usquequaque *κατὰ παντός* & universaliter demonstrabiles. Quapropter cum Valleriola dicere malim: hunc effluxum sanguinis è corporibus defunctorum fieri speciali quodam & arcano Dei iudicio, aut occulta quadam potestate. Quidni enim licitum esset ad universalem & supremam eiusmodi causam confugere, ubi alia deficiunt: in effectis scilicet manifestè cōtingentibus. Experientia mul-

## PHYSIOL. SAGARUM

torum iudicium huic rei fidem facit plenissimam. Attamen ob rei admirationē, unum solummodo exemplū adhuc referam. Uflenia, in comitatu Lippicensi, accidit, ut cum fœmina quedam infantem suum interfecisset, & clandestino in flumen vicinum iniecisset, is post tres septimanas à duabus ancillis iterum repertus, ex mandato & decreto Magistratus in matris carceribus mancipatæ gremium poneretur, ad explorandum si sanguis è corpore illius exudare vellet. Quo factò infans mortuus oculum sinistrum protinus aperuit, matremq; lachrymabundus aspexit. Ex eodem deinceps oculo iterum clauso sanguis emanavit. Exemplū certè hoc iudicij divini & signum stupendum est: à plurimis gravissimis viris visum. De historia, incole istius loci nequam dubitant. Quis verò causam huius visionis catholicam reddet? quod scilicet oculus mortui infantis apertus sit, quod sanguinem ex illo exudarit: quod deniq; lachrymas effuderit? Aut phantasticamne illam esse putabimus & qua demon nonnihil illudere voluerit? Minimè. Abscondita  
hac sunt

hac sunt & arcana Dei mysteria : occultaq;  
hominibus eorum causa est. Quid igitur ti-  
bi, Neuvalde, in mentem venerit, vehe-  
menter etiam atq; etiam miror, quod expe-  
rimentum hoc dixeris esse superstitiosum.  
Exempla, inquis, ex sacris desumpta, huic  
suffragium nullum ferre possunt. Quid tū  
verò postea? Utrumne idcirco non factum  
esse asseremus? Utrum protinus superstitio-  
sum censebitur, si nullum singulare illius e-  
xemplum in sacris annotatum sit? Si hac  
firma sit ratio, multa certè à Christianis o-  
pera omittenda essent. Et paucis pòst: Reli-  
quum est, ais, ut superstitiosum & diaboli-  
cum quid sapiat, cuius suspicionem mihi au-  
get, quod in locis quibusdam membrum re-  
secant, arefaciant, & fumo indurent, quod  
in praesentia occisoris sanguinem adhuc ef-  
fundere sanctè affirmant. At qualis hac est,  
mi Neuvalde, tua cōsequentia? Ex mem-  
bro arefacto & infumato sanguis effluere  
non potest: Ergo nec ex recens defuncto cor-  
pore effundetur. Et per consequens, supersti-  
tiosum & diabolicum illud erit, quod dici-  
tur de effluxu sanguinis.

## PHYSIOL. SAGARUM

*An idcirco superstitiosum habendum, quia tu suspicaris ex amputata manu & in fumo suspensa sanguinem fluere non posse? Statuatur hoc falsum, de quo tamen deinceps videbimus. Idcirco tamen illud non protinus superstitiosum erit. Utrum ex tua suspicione falsitas ejus dependet? Nequaquam. Quemadmodum tu ipse adhuc de ejus firmitate quodammodo dubitare videris, ubi addis: Verum de hoc doctioribus alijs esto judicium. Quicquid autem disse-ratur de manu amputata: judicium tamen hoc prater gravissimum Theologum Phil. Melanchthonem, & clarissimum Jurisconsultum Menochium, aliosq; plures, multi eruditissimi viri experientia edocti improbare non potuerunt. Quamvis enim neq; intellectu nostro sufficienter, neque sensibus percipi queat, quomodo ex arefacta manu sanguis effluat: verissimè tamen contingit. Experientia autem manifesta contradicere velle nefas est & grande piaculum. Vide, quæso, Neuvvalde, ne dum nimium religiosus haberi velis: hîc sis irreligiosus. Quid enim respondebis ad illud experimēti*  
genus



genus veterum, etiam piorum hominum: cuius mentio fit in Propheta Jona, ubi orta tempestate maris, qui cum Jona in navi vererentur, per sortem explorare studebant pietatem vel impietatem hominum: ut hac ratione resciscerent eum, qui causa presentis tempestatis esset. Et cum Jonam fors tangeret, ipse sponte sua se reum esse confessus est: qui si sortilegium illud plane impium & diabolicum esse putasset, facile negare potuisset se reum eorum quorum arguebatur, non esse. Ubi enim Deus hunc inquirenda veritatis modum praeceperat? Nusquam, quod sciam, in sacris literis traditus erat. Attamen Deo permittente Jonas hoc modo purgatus fuit. Imò verissimè affirmare auserim, si divinus ille Propheta diabolicum hoc esse sortilegium statuisset, haud dubiè eum ad exadificationem Ecclesiae illud reprehensurum fuisse. Quid insuper videbitur illis de cap. I. Act. ubi sorte etiam Matthias in locum Juda Apostoli eligitur atq; decernitur? Ignoro equidem ubi Deus aeternus in novo Testamento hanc Apostolis eligendi rationem praeceperit. Attamen non dubium

## PHYSIOL. SAGARUM

*quin sortes ejusmodi à Deo regantur, ut P. Martyr loco 7. de Sortibus copiosè differit, ubi ostēdit, variam fuisse apud veteres sortium rationem, variaq; etiam genera: quæ tamen omnia possunt ad tria capita revocari. Aut enim dubitamus cui aliquid adjudicandum sit, ut in divisione agrorum & honorum. Et sortes hæ appellantur divisorie. Aut quid sit potissimum agendum, quæ sunt consultatorie. Aut quid sit futurum, quæ sunt divinatorie. Per magni verò refert intelligere, à quo principio sortes pendeant. Dicere eas à fortuna temperari, vanum est: à demonibus, superstitiosum est: à cælo, aut ab astris, ridiculum. Reguntur ergo à Deo. Nam ut ait Salomon: Sortes conjiciuntur in sinum, à Domino temperantur. Augustinus etiam in Psal. 30. ait: Sortes nihil aliud esse, quàm in dubitatione humana judicium divinæ voluntatis. Hinc digrediens, ait, prædestinationem & gratiam posse dici per sortem, quòd pendeant non à meritis nostris, sed à misericordia Dei. Apud Deum quidem prædestinatio æterna & certa est: nobis autem videtur sortitò contingere.*

tingere &c. Videmus itaq; quāvis sortium  
 rationis causa aliquā certa dari non possit :  
 sanctis tamen eam hominibus utpote Pro-  
 phetis & Apostolis olim usitatissimam fuisse,  
 quando rem quampiam humanæ alio-  
 quin prudentiæ incognitam deprehendere  
 vellent. Crediderunt enim sortes nutu Dei  
 Opt. Max. regi & administrari. Similiter  
 etiam purgatio Sagarum in aquis frigidis, si  
 maximè irrefutabilibus demonstratōnibus  
 Aristoteleorum fulcita non sit, haud dubiè à  
 Deo eiusq; providentia gubernatur, ad glo-  
 riam scilicet illius & ad exedificationem  
 Ecclesiæ. Et quid multis? Plurima sanè sunt  
 alia, quorum eventum ad causas non sensi-  
 bus nostris perceptibiles sed potius occultas  
 referre cogimur : quæ, inquam, si causa ma-  
 ximè eorum incognita nobis sit, non tamen  
 idcirco superstitiosa protinus aut diabolica  
 habentur. Quamobrem ut *κρίθηλον* primum  
 purgationis Sagarum, quod hucusq; propo-  
 suimus concludatur : asserimus rationem e-  
 jus esse posse in occulta quadam causa tum  
 levitatis in corpore Sagarum, tum ipsorum  
 fluminum, quorum videlicet elementum

R corpora

## PHYSIOL. SAGARUM

corpora illarum omninò respuit & avertatur: vel etiam in singulari quadam voluntate Dei sæpè per ministrum Satanameas punientis. Alterum porrò demonstrandi stius purgationis principium accedit deinceps Experiētia: quæ & ipsa nimirum, propositum nostrum arctissimè defendit. Hæc omnium philosophorū adeoq; sanorum hominum communi suffragio, secundum est xpi thēxov rerum cunctarum rectè cognoscendarum demonstrandarumq; satis firmum. Quod enim oculi mortalium videt, manus palpant, aures audiunt, illud esse & fieri meritò credimus: etiam si certam contingentia aut etiam effecti illius causam reddere nequeamus. Hæc est, quæ res plurimas rationi aliàs absconditas manifestavit, & in apertum protulit. Hæc est secundum quam & ex qua artes univèrsæ primum descriptæ sunt. Ex usu enim specialium exemplorum, experiētia ceu mater artes peperit. Quapropter hæc eadem quoq; in iudicio inquirendarum Sagarum diligenter consideranda est, ne nos uspiam fallat. Plurimis autem exemplis testata est, Sagas aquis non submergi: ita cer-



to, ut compertum observatumq; sit, omnes  
 quæ aquis hoc modo innatassent & submer-  
 gi non potuissent, vel suo ipsarū testimonio  
 deinceps prolato reas fuisse. Et exēpla alia,  
 quibus contrarium demonstraretur, proferri  
 requcunt. Neg, Wierus, neg, Bodinus, neg,  
 alij qui huic purgationi contradicere cogi-  
 tant, vel unum salicē aduersum exemplum  
 annotarunt. Experientia autem crebra ar-  
 gumēto, si ratio desit, nihil nisi contrariam  
 experiētiā opponere possumus. Cur igitur  
 duci tam constanti & Magistra certissimæ  
 inproposita re fidem nō haberemus? Cur ir-  
 ritam hanc & vanam esse crederemus, quæ  
 tamen nusquam fefellit? Bodinus ait: In  
 Belgico & multis Germaniæ partibus dam-  
 natae mulieres immerguntur aqua. Verūm  
 Sagas colligatis artubus in aquā projectas  
 compertum est non posse mergi &c. quam-  
 vis non usq; quaq; hanc immersionem pro-  
 bet: de quo tamen deinceps. Proximis hisce  
 annis præter alios multos, inprimis tum  
 Osnaburgenses, tum Lemgovienſes, quos o-  
 mnes honoris causa nomino, viderunt &  
 magno exemplorum numero experti sunt,

Bod. lib.  
 4. cap. 5.

## PHYSIOL. SAGARUM

nimum pro dolor, hoc quod diximus verum esse. Hi enim utpote civitatum suarum praefecti prudentissimi defendenda iustitia & punienda iniquitatis impietatisq; gratia hoc purgandarum Sagarum principium non sine magno consilio assumpserunt, in honorem Dei & bonorum hominum conservationem. Et ponatur omnino, semel fortassis unum aliquem vel alterum Magica suspectum non submersum esse: vel potius qui submersus sit, peccata sua non fassum esse.

Quid verò tum postea? Utrumne idcirco speciale hoc aut unicum exemplum diuturnae & communi experientiae verè contradicet, & prohibebit, quò minus credamus Sargas aquis innatantes haud submergi posse? Homines universos docentibus oculis nostris cognovimus atq; firmiter statuimus esse animantes bipedes. Quid si autem contingat nasci quempiam sex distinctis pedibus gravatum: qualem in generali inferioris Hassiae hospitali aliquando vidi: an idcirco protinus qui hunc visurus sit alius negabit, homines in genere esse animantes bipedes? Certè cōtra omnium oculorum fidem

hoc

hoc fecerit. Solis in firmamento cœlesti hæc  
 natura est, ut perpetuò circulariter in orbẽ  
 absq; ulla cessatione moveatur: Attamen hic  
 Iosua regis tempore integrum diem immo-  
 tus stetit. Quid verò igitur? An idcirco qui  
 eũ quiescentem tum temporis conspexerunt,  
 recte pronuntiaturi fuissent, Stellas non  
 perpetuò moveri? Minimè. Una hirundo  
 non facit ver: ut tritum multorum ore pro-  
 verbum sonat. Dei Jehovæ digito Sol isto  
 tempore singulariter retentus fuit, ne pro-  
 grederetur, & quidem contra universalem  
 à condito inde mundo observatam experi-  
 entiam. Similiter si fortassis una aliqua Sa-  
 ga in aquis subsedisset, id potius imperscru-  
 tabili omnipotētis Dei decreto iudicioq; fieri  
 dicemus, quam generalẽ experientiam plu-  
 rimis exemplis confirmatam negabimus.  
 Quid si Deus singularem ob causam, talem  
 personam diutius in vivis superstitem ma-  
 nere velit, vel cor eius induret post innata-  
 tionem, linguamq; arefaciat, ne id facile,  
 cuius re<sup>o</sup> sit, fateri debeat? Hoc certè rectius  
 ac tutius cogitare, veriusq; dicere possumus,  
 quàm experientia universali contradicere.

## PHYSIOL. SAGARUM

*Equidem sanè haud facile passus fuero hoc argumentum τὸς ἐμπειρίας mihi infringi atq; everti, nisi contrarijs exemplis, qualia tamen nondum ad hæc usq; tempora cognoscere mihi licuit. Censeo igitur, tum ob quotidianam experientiam, tum ob antè commemoratas probabiles rationes, Sagas aquis innatantes non submergi. Et hæc inquirenda tantum veritatis gratia, quantum potuimus, hucusq; scrutati sumus: quæ scilicet causæ fortassis esse possint, quò minus Sage deorsum ferantur in profunditatem aquarū. Videbimus deinceps quibus rationibus, quibûsve de causis alijs hæc purgationem Sagarum tolerare non possint. Evvichius in tractatu suo secundo, examen hoc, superstitiosum inventum, à Satana & credulisejus auditoribus in vectum appellat. Item ludibrium Satana, Tragædia periculosa, & scandalosa initium. Ratio additur: quia si certum hoc sit ratumq; habendū Sagarum indicium: ea quæ subsidunt, protinus absolvende: reliquæ verò quæ supernatant, mox reæ judicande sint, absq; alijs indicijs aut inquisitionum modis. At hoc non fieri. Ergo nec*



go nec illud esse: scilicet certum indicium aut signum habendum. Sed diligenter hanc argumentationem examinātibus liquidò apparet, nihil tam absurdè atq; hanc ipsam proponi posse. Quæstio enim Evvichij est: Purgationis Sagarum per aquam frigidam, inventorem esse Satanam. Argumentum quæstionis est: quia incerta sit. At qualis hæc est consequentia? Incerta est purgatio: Ergò à Satana cepit. Quasi verò, si à natura cepisse diceretur, etiam incerta esse non posset. Quomodo enim quæso demonstrabitur, omne quod incertum sit, inventore tantum Satana originem traxisse? Nemo opinor sana mentis hoc rectè sequi dixerit. Imò si accuratè attendatur, aliud est quod in quæstione differitur, aliud itidem quod argumenti loco proponitur. Longè scilicet aliud est; de inventione aut inventore alicujus rei: aliud etiā de ejus certitudine differere. Manifestissimè itaq; elucet: Evvichium ne minimo quidem verbo quod voluit, comprobasse. Argumentum enim propositæ ab ipso quæstionis quod esse debebat, aliam & planè dissentientem in se quæstionem continet.

FINIS.